

Дагъусттан республикалул дуккаврил ва элмулул министерство

Педагогикалул элму ахттар дуллалисса А.А. Тахо-Годил цІанийсса институт

П. М. Магъдиева

**МЯЙЛЧИНМУР КЛАССРАВУ ЛАКРАЛ  
ЛИТЕРАТУРА ЛАХЪХЪАВУ**

МахІачкъала 2013 ш.

## ХЪХЪИЧИМАХЪ

«Мяйлчинмур классраву лакрал литература лахъхъаву» тIисса даву хас дурну дуссар школарттай лакрал литература дихълахъисса учительтуран.

Давриву ккаккан дурну дуссар мяйлчинмур классравусса личIи-личIисса журалул произведенияртту лахъхъаврил къяйдарду.

Даврил агъаммур мурад хъанахъиссар дарс дихълахъиминнал захIмат бигъа баву, гайннал даврил усттаршиву хъхъичIуннай даву.

Лакрал литературалул дагъусттаннал литературалуву хъунмасса кIану бугълай бур, мунил чIалачIи буллай, оьрчIан кIул хъанай бур хъхъичIавасса бикIу, уттисса бикIу халкъуннал багъу-бизу, тарих, миллатрал вирттал, гайннал дурсса виричушивуртту, оьрмулуву хъусса дахханашивуртту, халкъуннал бакIрачIан дуркIсса кIусса ва ххарисса къинирду, зунттал халкъуннал яхI, ламус, къирият, инсаншиву, чувшиву.

ОьрчIал лагма-ялттусса оьрмулух буруглагаву, оьрмулуя кIулмур чIяву шаву хъанай бур циняргу дарсирдай: биологиялий, математикалий, физикалий. Амма вай дарсирдай цува увсса кIанттухсса ччаврил асарду тарбия буллай бакъар, бакъар тарбия хъанай цаймигу личIи-личIисса дакIнил асарду.

Оьрму ххуйну къакIулсса, инсантурал хасиятирттаву чIявумунил хавар бакъасса дуклаки оьрчIан литературалул лахъхъин байссар геройнал вивмургу, дакIниймургу, хасият-табиаьтгу. Вай цимурца бувчIин оьрчIан кумаг байссар лакрал литературалул школарттансса программалий лахъхъин ккаккан бувсса произведениярттал.

Литатуралул дарсирай хъуннасса бургаву дайссар оьрчIал маз авадан баврих ва пасихI баврих.

Литатуралул дарсирдал мурад хъанай бур дуклаки оьрчIру зунттал халкъуннал дакIнихсса творчестволул, хъхъичIарасса ва цIанасса литературалул хъинми произведениярттащал дус баву, гайннул гъанусса мяъна ва художественный хасиятру лахъхъин даву, литературалул теориялул хIакъираву цанна лайкъсса куццуйсса кIулшиву дулаву.

ЧЯвуми школарттай лакку мазрал ва литературалул дарсру дихьлахьисса учительтурал хIарачат буллай бур багъайсса кIулшиву цала ниттил мазря бикIу, литературалия бикIу дуклаки оьрчIан дулун.

Бухьурчагу му даврихунсса дахчичру чIярусса дур, цила багъайкунсса кIулшиву оьрчIангу дулун хъанай дакъар.

Бакъар школарттай гъарца аьркинмунил щаллу бувсса кабинетру, методикалул пособияртту.

«Мяйлчинмур классраву лакрал литература лахьхъаву» тIисса давриву хIарачат бувну буссар ва классраву дарс дишайсса учительнан кумаг бан лакрал литературалул дарсру аьркинсса даражалий дишин.

## МЯЙЛЧИНМУР КЛАССРАНССА ХРЕСТОМАТИЯЛУЛ САКИНШИННА

Мяйлчинмур классирансса литературалул хрестоматия сакин буну бур Дагъусттаннал образованиялул Министерстволул 2000-ку шинал итадаркъусса программа гъануну ларсун. Хрестоматиялувун бивчуну бур программалий ккаккан бунсса, классраву ва классрал къатІув буккинсса произведенияртту. Цинявпагу хъанай бур 30 произведение. Миннува 23 произведение бур оърчІащал классраву лахъхьинсса, 7 – оърчІал цайнува цала буккинсса.

Мяйлчинмур классирансса литературалул хрестоматиялуву бур дакІнин бичавуртту, баснярду, назмурду, повестьру, драматический произведениярду.

Хрестоматиялувусса произведениярду бивхьуну бур программалий ккаккан дурсса низамрай.

Ми бур устарну чивчусса, оърмулувусса ххуймур лаласун, оьккимур личІи бан, адаврай оърму бутан лахъхьин буллалисса.

V-VII классирттаву литературалул дарсирдай дурну диркІсса тарбия баврил ва кІулшиву дулаврил даву хъанай дур гай мяйлчинмур классраву историко-литературныйсса курс кІулши дуну лахъхъавринсса хІадур бавуну.

Миллатрал чичрулийсса культуралувун духлай дур элмурдал личІи-личІисса журадая, халкъуннал тарихрая, багъу-бизулия, миннал пикрирая, хияллая, обществалул законная ва мукумма цаймигу иширттая дурсса чичрурду. Ва журалул культуралуву агъамсса кІантту бугълагъиссар литературалул: поэзиялул, прозалул ва драматургиялул. Литературалул произведениярттаву чІалан дикІайссар чичул оърму бутлатисса чІун, чІумул тІалавшинна цукунсса диркІсарив, та чІумун хасну халкъуннал пикри-зикрирду цукунсса бивкІсарив, оърму бутаврил шартІру цукунсса диркІсарив. Дунияллий ва халкъуннаву хъусса ва хъанахъисса личІи-личІисса ишру литературалул чІумун хасъсса мяълумсса сипатирттайну (образирттайну) ккаккан байссар.

Цукунсса иширттая чичирчагу литературалул произведение, ганиву гьарца чумал, агьамсса клану бугьуну биклайссар инсаннал ва мунал оьрмулул. Цанчирча, так ца инсаннайхчин чичуца ккаккан бан бюхълай бунутий халкъуннал хала-гьурттушиву, миннал дуллалисса давуртту, пикрирду, тул-табиатру ва м.ц. Вай гьарца зат шаллуну чалачи бвсса произведенияртту буклакисса чумал, жунма чалачиссар хакьсса инсантал миннал дуллалимур, бакрачан бвкмур ва пикрирду.

Ччарча балайдаву, ччарча назмурдаву, ччарчагу литературалул цайми жуардаву – прозалуву, драматургиялуву чичул ккаккан бвну биклайссар цува оьрму бутлатисса чумул цумур бунугу ца бутла. Мукунсса ккаккан баврилату кул шайссар мунал ци мурад буссарив, му ссал ялув чялиш хъанай уссарив ва ци талав дуллау уссарив. Амну лавсун, ци чумал дузал хьусса литература духьурчагу, мунил халкъуннал бутлай бивкисса ягу бутлатисса оьрму ккаккан бвну биклайссар. Муниятур художественный литературалул инсаннал за бвчин баврил чулуха агьамсса кантту бугьлагьисса.

Дунияллул иширттая за бвчин баву дайссар цаймигу элмурдал (физикалул, химиялул, историялул, географиялул ва м.ц.). Вайннул чичрурду художественный произведениялул чичрурдаяр хьинну личиссар, элмурдал луттирдай за бвсун биклайссар тайланнасса мягналий, сипатру ккаккан къадурну. Художественный литературалул турча дунияллул ишру, инсаннал тагар чалачи дайссар анжагъ сипатирттайну.

Хьхичазаманнай дянивми туршукурдай литература цана кунна пасихисса къадиркиссар. Та чумал чивчумур цимурца литературалувун бухлай бивкиссар, литературану ккалли дайсса диркиссар. Пасихимур литературану диркиссар шеъри, хавар ва м.ц., къапасихимур – чагарду, чичрурду, жяматирттал кьутирду ва м.ц., ми цанния ца батул хьуну къадиркиссар.

Дянивми туршукурдайсса лакрал ва цайми миллатирттал литература чирчуну дур аьраб мазрай.

Та чІумалсса дунявийсса (светский) литература хІала дурххун диркІун дур динийсса литературалувух. Амма та чІумалсса литературалувугу диркІун дур цила низам: агъаммурну хІисав дайсса диркІун дур диндалул литература.

Та чІумалсса литературалуву хьуна бакълай бур шеърирду, магъран лавхъхьусса хаварду, тарихрал хроникарду, жяматрал къутІирду, нясаврал чичрурду, чагъарду, чарийсса чичрурду, аьраб мазрая лакку мазрайн бувсса таржумартту.

ХьхьичІазаманнул литературалуву так Гъумучатусса Аьлил (XV ттуршуку) ва Убратусса МахІаммадлул цІарду ва произведениярду ливчІун бур.

Убурдал МахІаммад ивкІун ур цалчинма Сурхай-ханнал заманнайсса аьлимчу ва шаэр. ЖучІанма бивну бур ганал шеърирду, чагъарду, жяматирттал къутІирду, МахІаммадлул хатІлий чивчусса луттирду.

XIX ттуршукулий Дагъусттан цачІун бувссар АьрасатнацІун. Мунил ялув хьунисса дяьвирду хьуссар. 1859 шинал имам Шамил бакІчисса дяьви Кавказнаву къуртал хьусса чІумал, Дагъусттаннай хьунисса дахханашивуртту хьуссар: ханлугъру дукъан дурссар, Дагъусттан округирттайх бавчІуссар, оьруснал цаятува миннул хьунимигу бивтссар.

XIX ттуршукулул кІилчинмур бутІуй Дагъусттаннай культурагу даххана хьанай дарчуссар. Агана муниннин чІявусса шаэртурал аьраб мазрай, турк ягу парс мазрай чичайсса бивкІун бухьурча, утти чІявуминнал цала-цала мазурдий чичрурду дуллан бивкІссар. Дагъусттаннай дунявийсса (светский) школарду тІивтІуссар. Мукусса школа Гъумук тІивтІуну бур 1866 шинал. Миву хьхьичІа-хьхьичІ дарс дихьлан ивкІун ур Ккурклиятусса пагъму бусса, дурккусса жагьил Аьвдуллагъ Оьмаров. Аьвдуллагъ ивкІун ур хьинну итххявхсса, дуккаврих гьира бусса, гьарца чулуха за щаллуну лахьхьин ччисса оьрчІ. Мунал хьунмасса гуж бивхьуну бур Европанал элмурдая ва культуралуя бувсун, лакрал инсантуран за лахьхьин бан. 1865-ку шинал школалий дуклакисса лакрал оьрчІан Аь. Оьмаровлул оьрус мазрая лакку мазрайн таржума бивну бур «Щин, гьава ва миннул дахханашивуртту» тІисса лу, 1867-

ку шинал лакку мазрайсса «Арифметика». Мира шиннардий мунал шаллу бувну бур лакрал магьрал ва балайрдал сборник.

Ванал хьунмасса хIарачат буллай ивкIун ур дин гьануну ларсьсса дуккаврин кIанай личИи-личИсса элмурду гьануну ларсьсса дуккаву дачин дан, инсантал цила аслийсса элмурдашал дус бан, хайр бумур оьрмулуву ишла бан. Му хьанай ур элмурдал гьанурду бувчIин буллалисса лакрал цалчинсса учитель.

Аь. Оьмаровлул дуллалисса даву хас кьадирзсса Гьумучиял хан, мунал кьуллугьчитал ва динчитал сававну, Лаккуяту лихьан багьну бур. Му лавгун ур Ттуплислив. Микку дуккавугу дурну, хьунмасса хIаллай Кьавкьазуллал зунттал управлениялуву таржумачину зий ивкIун ур, яла «Кьавкьазуллал зунттал халкьуннаятуса сведениярттал сборникрал» редакциялул сотрудникгу хьуну ур. Ми бакьассагу, сборникрай мунал бивщуну бур: «Мютялимнан дакIний ливчIмур» ва «Лак цукун оьрму бутлай буссарив» тIисса хьунисса статьярду. Вай статьярдаву Аьвдуллагьлул буслай ур лакрал историялуя, этнографиялуя, культуралуя.

Мяйлчинмур классрал хрестоматия байбихьлай бур «Мютялимнан дакIний ливчIмур» тIисса Аь. Оьмаровлул дакIнин бичавурттая. Шиву ванал ккаккан буллай ур та чIумалсса лакрал мюталимтурал оьрму, миннал рязи бакьашивуртту, ссая диркIссарив. Ханнал дуллай ивкIсса дучIи дакьасса кьеллу дашуй дихьлай ур. Ганал жанаварданул сипат яргну чIалачIи дуллай ур.

Мяйлчинмур классрал хрестоматиялувун бивчуну бур ацIния урчIулчинмур ттуршукулул цалчинмур дачIиннуй чичултрал ва шаэртурал чивчуну бивкIмур.

Ччарча балайрдаву, ччарча назмурдаву, ччарчагу литературалул цаймигу жулардаву – прозалуву, драматургиялуву чичул ккаккан бувну бур цува оьрму бутлатисса чIумул лишанну.

Та чIумалсса оьрму цукунсса бивкIссарив чIалай бур лакрал шаэртурал ва чичултрал бакьа цаймигу дагьусттаннал чичултрал ва шаэртурал

чивчумуниятугу. Миннаятусса мукъа-ххюя увххун ур мыйлчинмур классрал хрестоматиялувунгу.

Хрестоматиялувун увтсса даргиял хъунасса шаэр Оьмарла Батирайл балайрду бур виричунаха, оьрмулуха ва цахава.

Батирайл ккаккан уллалисса виричу халкъуннан ххуй изансса, ххира хъунсса инсан ур. Амма мукунсса инсантурал къадаргу паччахІнал хІукуматрахъ бушиву чІалачІи буллай ур.

Шаэрнал цала балайрдаину га чІумал диркІсса низамру дащуй дихълай ур, тІайламур ххув шаврийн аьтІий ур. «Виричунахасса балайрдаву» шаэр виричушиву гъаз даврийн, иш багъсса кІанай къаршину уккан нигъа къаусаврийн оьвтІий ур.

Та чІумалсса виричунал къадар ссивирлив гъан аву диркІшивугу чІалачІи буллай ур Батирайл цала балайрдаву.

Му бакъассагу Батирайл цала балайрдаву дащуй бихълай ур авадан инсантал, яттил заллухъру, къадитал ва м.ц.

Батирайл творчество лархъхъуну махъ дуклаки оьрчІру кІул хъунтІиссар къумукънал цІа дурксса шаэр Ирчи Къазахълул творчестволушчал. Мунал цала творчестволуву ккаккан буллай ур XIX ттуршукулул кІилчинмур бутІуйсса арнил халкъуннал багъу-бизу, миннал оьрму ва та чІумул пикрирду цукунсса бивкІссарив. Ганал балайрду бур хъудугъултрал захІматсса оьрмулуя, инсантуравусса виричушиврия, инсап душиврия цІарду дуллалисса. Мыйлчинмур классраву лахъхъайсса «Дусшиву да къучагънашчал» тІисса назмулуву шаэр чІалачІи буллай ур виричусса инсан цукунсса икІан аьркинссарив.

Революция хъуннинсса чІумал Дагъусттаннай бивкІсса чІявусса хъхъичІунсса шаэртуравух ур вава классраву лахъхъайсса Ятин Амингу. Ятин Амин цала назмурдаву чил захІмат букаврий гъану бивзсса обществолул низамиртгайн къаршисса назмурду чичлай ивкІун ур.

Та чІумалсса дагъусттаннал хъхъичІунсса шаэртал цивппа я хъанахъисса чІумун цала творчестволийну къимат бишлай бур. Миннал творчестволуву



гъарцаннан цанма-цанма хасъсса задругу бур, бур та чІумун лавхъхъуну чІявусса аьмссагу. Масала, Ирчи Къзазахъ хъудугъултрал чулух авцІуну, миннал аслийсса оьрму ккаккан буллай ур. Я. Аминнулгу ккаккан буллай ур оьрму бусса куццуй. Амма му чІалачІи баву Аминнул дуллай ур цала къурчІисса дардру хІала даркъуну. Мунал чичрурдавасса дунял жунна чІалай дур авторнал къурчІисса пикрирдайхчІин.

Ятин Аминнул чичлай ур эшкъи-ччаврия, ласнал ва шарнил аралія, шярал хаварду, бусултрал оьккишиврия. Ванал творчестволуву чІярусса назмурду дур буклакинан дунялллул ишру бувчІин буллалисса, аслийсса оьрму бусса куццуй, цинма хасну чІалачІи буллалисса. Мьялчинмур классраву лахъхъайсса «На ивкІукун», «Дунялллухъ» тІисса назмурдаву дуняллийсса тІайладакъашивуртту дащуй дихълай цІухлай ур:

Щекъи дурккун лагивуй,  
Щил дувра ина ляхъан.  
Хъисрагу тІайлашиву  
Къашайхъукун дачин дан?

Агъ ина льякъайцири  
ОьхІачІлансса аьмаллу,  
Ккуччу-къютІу байцири  
Байчаратал ччанналу.

Цала назмурдаву шаэрнал ялун личин дурну дур заманалувусса оьккишивуртту, хІукуматрал низамру, обществолувусса жанаварданул зумунусса тІул-тІабиаьтру.

Гузунхъал ХІасаннул творчестволуцал оьрчІру ялавайми классирттавугу кІул хъуссар, ва классравугу лахъхъинтІиссар «Гъиндусттан гъивхъ ва кІулу», «Лакрал аьдатру» тІисса произведенияртту.

Назмурду ва баснярду ХІасан Гузунов чичлай ивкІун ур жагъилну унува. Ганал чирчуну дур оьрмулуву хъусса иширттан хас дурсса, лакрал аьдатирттаясса, 1877-ку шиналсса бунтиран хас дурсса, эшкъи-ччаврихасса

назмурду, лакрал ва Дагъусттаннал литературалуву, ганал хьхьичІва-хьхьичІ бур чивчуну баснярду ва балладарду.

«Гъиндусттан гъивхь ва кІулу» тІисса баснялуву кІулу бур, чІирисса ккутІух бувххун, гъивхьхьул вив думур дуркуну, буч хьуну, гара ккутІух махъунмай буккан къахъанай, бивчІайсса кІанайн биллай бур.

Баснялуву хъуслих къанихсса, бучІанмунил пикри къабайсса инсаннал бакІрачІан бучІаймур кІуллул сипатрайну ккаккан бувну бур:

ХІсав сан къадурну, оьну зузинан

Ва куццуйсса танмихІ мудан буссари.

Ванийну бувчІлай бур инсаннал ци дулларчагу, му ссаха зий ухьурчагу, ялун бучІантІимунил пикри чара бакъа бан аьркиншиву.

ТтурчІиял Маммадай, Ккурккуллал Щазал цала шеърирдаву, бювхъусса куццуй бувсуну бур цивппа яхъанай бивкІсса чІумуя, цала къисматрая, ккалли бансса куццуй ка бакълай бур XIX ттуршукулул ахирданий – XX ттуршукулул дайдихъулийсса лакрал миски-гъаривнал оьрмулул сурат дан.

Маммадай «Цу дури хханххираву», «Ва дуниялгу гъав дур», «Ва цукунсса хаварди» тІисса балайрдаву цала заманалул мискиннан хасъсса оьрмулул сурат чІалачІи дуллай, цала миллатрахсса ччавугу чІалачІи дуллай ур.

Ккурккуллал Щазал «Щюлли уртту ччуччайсса», «Угь учара бигъара», «Бюхттул зунттайн лахъанна» тІисса балайрдаву хъаннил тагъар чІалачІи дуллай бур. Ми бур фольклорданучІан гъансса. Щазал цила оьрмулул къурчІишивруя балайрдайну шикаят буллай бур. Шаэрнал бур пасихІсса маз.

Маммадай, Щаза чичлай бивкІсса чІумувусса шаэр ур яручу ХъахІаб Росолиясса МахІмудгу.

МахІмуд увну ур 1873 шинал, мискинсса хъудугъул кулпатраву. Га хъудугъунгу, гъарца мискинсса зунттал инсаннан кунма, хъунмасса кулпат ябуллан захІматну бивкІссар. Цала кулпат ябан чара бакъа аьркинмур ганал хъунмасса захІмат бивхъуну лякъайсса диркІссар, га дуккин ансса къудрат гайнначІа къадиркІссар, ганал нитти-буттал гъашиву дурссар ганан чан-къансса аьраб маз ва литература лахъхьин даврийну.

Жагъилний МахІмудлун эшкѣи хъуну диркІссар БетІихъ тІисса чІаххувсса шяраватусса, хІаписарнал кулпатраясса Муи тІисса душних. Цала яла ххуйми балайрду МахІмудлул Муин хас бувну бивкІссар.

Муи бивкІун бур паччаІнал хІаписарнал душ, мискинсса МахІмудлунгу га булунсса пикри нитти-буттачІа къабивкІун бур. Ххирасса душниятугу личІи шаврил савав мискиншиву диркІссар:

«ХхункІ щил аваданнив – машгъурма мури

Гъарзадрал тахсирлув ттул оърус чухъар».

Му балайгу куну, ганал цала тІартІсса солдат шинель ккаккан дурссар.

1914-ку шинал МахІмуд цува хушрай оъруснал аьралуннавун лавгссар. Га гайннашал Карпат зунтгуйхсса походрай ивкІссар, Австро-Венгриянал аьрал бавцІусса фронт лиян дуллалавривух гъуртту хъуссар. Му чІумалли ганал Мариям тІисса, машгъурсса поэмагу дунияллийн бувксса.

«Мариям» тІисса лирический поэмалуву шаэрнал геройнал дакІнил хІал, тагъар, дакІнил личІи-личІисса чулухалурду, асарду чІалачІи бувну бур, Мариямлул ва геройнал сурат шаллуну, куртІну дюхханну ккаккан дурну дур. Му бакъассагу та чІумалсса оьрму, инсантурал арарду аьчухну чІалачІи дурну дур.

Хрестоматиялул кІилчинмур бутІа хас бувну бур революция хъуну махъсса дагъусттаннал литературалун.

1917-1945-ку шиннардийсса литературалул обзорданува чІалачІи дурну дур революциялул литературалин биян бувсса асар.

Бувсуну бур Дагъусттаннал чичултрал І съездрай гъуртту хъусса лакрал чичултрая. Миннал революция хъуну махъсса творчестволуя ва дяъвилулул чІумалсса чичултрая.

Гания гихунмай оьрчІру кІул хъунтІиссар С. Габиевлул «Шаэрнахъ», «Хиял» тІутІисса назмурдашал.

ОьрчІну унува Аьрасатнаву яхъанан багъсса С. Габиев цувагу гъуртту хъуну ивкІун ур революциялул иширттавух. 1805 шинал ярагъгу канил бувгъуну, Путиловский заводрал зузалтрашал архІал иллай ивкІун ур

паччахІнал хІукуматрайн кършину, 1905-кусса шиная 1920-кусса шинайн иянин. Габиевлул дачин дурну ивкІссар революционыйсса даву: зузалтрал ва хъузалтрал хІукумат дишин кумаг буллай Бакуй, Ттуплислив ва Дагъусттаннал шагърурдай.

1912-1913-кусса шиннардий Петербурглив Габиевлул буккан байсса бивкІссар «Дагъусттаннал ххяххабаргъ» тІисса кказит. Мунийну га кършину уклай ивкІссар Дагъусттаннай паччахІнал дирхъусса зулмулийсса низамрайн, хІаписартурал, чиновниктурал дуллалисса лайкъ дакъасса къеллайн, оьвтІий ивкІссар чантІ чаврийн ва школартту чІяву баврийн. ПаччахІнал хІукуматрайн кършину уклай уну тІий, Саэдлуй чІявуну дишайсса диркІун дур арцуйнусса аьчІа, улайсса ивкІун ур ссудрахъхъун. Амма циксса танмихІру бувну бивкІнугу, паччахІнал хІукуматраща Саэд лахІан ан хъуну акъар, му цала халкъуннал цІаний лавсун нанисса ххуллуя тачІав авккуну акъар. Граждан дяъви нанисса чІумал Габиевлул хъуннасса даву дурссар Дагъусттаннай Совет хІукумат дишаврил цІаний талай.

Габиевлул творчестволул хъунмасса кумаг бувну бур лакрал ва Дагъусттаннал литература цІулаган дан. Мйялчинмур классраву лахъхъайсса «Шаэрнахъ», «Хиял» тІисса назмурдайну шаэр оьвтІий ур халкъуннал оьрму ххуй баврийн, ми чантІ чин баврийн, миннал кІулши гъаз даврийн, цІусса оьрмулул цІаний талатаву даврийн.

Саид Габиевлул творчестволучІан гъансса дур Гъ. Саэдовлулумур творчествогу:

Тяхъасса, чаннасса кьини чІа чаймий,  
ЧантІ укияра зу, лавай бизира!  
Ххаллилсса хияллу дакІниву бумий,  
Буккира майданнив, дастта дахІира!

Гъарун Саэдовгу цала творчестволуву ккаккан буллай ур та чІумалсса захІмат буллалисса инсан оьрмулухун цукун къарид уллай ивкІссарив, ва цамур цІусса оьрму дузал къабувну, захІматрал агъулдануца къабюхъантІишиву

цанма ччикун оърму бутан. Мугу оьвтГий ур тархъаншиврухлу, талихІ бусса кьинилухлу жандалия ка ларсун «лухІссa цІаннащaл лачІун буккан».

ОьрчІал лахъхъинтІссa «Къалайчитал» тІссa драма хас буну бур лакрал захІматкашнал къумасса, захІматсса, аьзият ккухІлахІссa оьрмулун. Драмалуву Гь. Саэдовлул чІалачІи буллай ур чил билаятирттайн лавгун цукун зий бивкІссарив лакрал хІалтІухъантал, миннал захІматсса ва къурчІссa оьрму.

Вайра шиннардий чивчусса бур К. Закуевлул чивчусса «Хъявринсса ччаву» тІссa повесть.

1918-ку шинал Лаккуй хъанай бивкІссa ишру щаллуну бунсуну бур 1919-кусса шинал чивчусса «Хъявринсса ччаву» тІссa повестьраву. Ва повестьраву К. Закуевлул чІалачІи буллай ур революциялул, граждан дяъвилул чІумал, аваданминнал ва мискинминнал дяниву диркІссa хъунисса, куннин ку зитлийсса къаршишивуртту, хъуслил заллухъруннал, дуккаву дакъасса, цІансса халкъ цукун хъяврин буллай бивкІссарив, цала мурадру буруччиншиврул ми хъхъичІ цукун бакълай бивкІссарив.

Курди Закуевлул творчество лархъхъуну махъ, мййлчинмур классрал оьрчІру кІул хъунтІссар И.-Х. Къурбанаълиевлул творчестволущaл. И.-Х. Къурбанаълиевлул чивчуну бур революциялун, граждан дяъвилун хас бунсса шеърирду. Ми бакъассагу ванал бур прозалий чивчусса хавардугу. «Ватан» тІссa назмулуву Ибрагъимхалил ккаккан буллай ур лакрал халкъуннал багъубизу, дуланмагъ, гайннал захІматсса оьрму, цала кулпат, мюрщисса оьрчІру, дан дукал дакъа къабивтун, цала мина чув, цукун шайривавли тІий, хІалтІилухун нанисса лакрал устартурал гъурбатрайсса оьрму. Му назмулува ва мукунма «Умуд» тІссa назмулува жунма чІалай бур шаэрнан лакрал агъали, лакку кІану, цала Ватан хъинну ххирасса диркІшиву:

Аьзизсса буттал улчай,  
Хъурдай тІина икІара,  
Муруллава ххяллава  
Ца мусил мяъдан буккан.  
Мискиншиву сававрай,

Ссивиллив заназисса.

Вай лакрал усттаруран

Тархъаншиврул бутIа бан.

Шаэрнан ххуйну кIулну бур, цукун захIматсса оьрму бутлай бивкIссарив хIалтIухъантал чил билятрай. Гайннал оьрмурду бур саилтурал кунмасса, ми занай бур шагьрурдавух, шархъавух, машайх (хутордайх) дансса даву дулара тIий.

Лаккуя бувккун нанисса хIалтIухъантуруан къакIулли, цивппа чув гъантта бивкIантIиссарив, цала бакIрачIан ци бучIантIиссарив. Шагьрурдайх, щархъавух занай, биривсса подвалдануву дуссу-къатта тIитIлай, пуркIурал ва кислатIалул бугъравува утгубихълай-бизлай, лявкъусса арцул шагьи цанма харж бан дакI къадиллай, укун къянатну ялапар хъанай бивкIун бур гьурбатрай лакрал усттартал.

И.-Х. Кьурбанаълиев чичлай ур, лакрал агъалий «мискиншиву сававрай» цивппа рязину «ссивирлив занай» бивкIссар та заманнай тIий.

Га ур, хьурдай Лакку билятрайгу ца мусил мяьдан лякъин, хIалтIухъантуруангу тархъаншиврул бутIа бан, тIий. Му хиялданулта буслай бур шаэр усттартурал пашмансса къадарданий аьтIий ивкIшиву.

Гания гихунмай дуклаки оьрчIру кIул хьунтIий бур М. Чариновлул, А.-П. Салаватовлул, М. Аьлиевлул чивчусса драматический произведениярттащал. Вай драмарттаву чичулт чIалачIи дуллай бур XIX ттуршукулул цалчинмур дачIиннуйсса оьрмулуву хъанай бивкIсса ишру.

М. Чариновлул «ХIавиват ва ХIажияв» тIисса драмалуву чIалачIи бувну бур зунттал хъаннил оьрму, гайннал къадарду, умудру, мурадру, гайннал виричушиву. Шиву гъаз бувну бур ихтиярду дакъа ливчIун бивкIсса зунттал хъаннил масала.

Чичул дакI оьрмулуву араптуннащалсса ихтиярдая махIрумну ливчIсса, культуралул чулуха махънин багъсса, къатта-къушлил хьунмур гьиву цала хъачIунттай, дирхьусса зунттал хъанний аьтIий дур.

Цала драмалуву хъаннинсса чикъарчу закондалийн къаршину гъаз хъусса Хавиватлул виричушиву ккаккан дуллай ур. Хавиват цила ихтиярду зехлахинайн (га цу ухъурчагу) къаршину буклай бур.

Пьесалуву зунттал душнил цила ихтияр цихъра душиврул пикри ххув хъанай бур.

Альлимпаша Салаватовлулгу чивчуну бур XIX ттуршукулул кИлчинмур дачИннуй хъусса иширттал сурат дуллалисса «Айгъази» тИсса пьеса. Ва пьеса Аь. Салаватовлул чивчуну бур Айгъазинал бакИрачИан ца хъхъунил лажиндарай бувкИсса «шанма намусрал», хИакъиравусса халкъуннал балай гъануну лавсун. Драмалувусса ишру къумукънал шяраву хъанай бур.

Айгъазинал сипат захИматчи халкъуннал тархъаншиврул ххуллий ва гайннал инсаншиврийсса намус ябаврил ххуллий цувалу талай ивкИсса, историялуву хъуна бакъайсса геройтуран хасъсса сипат хъанай дур.

Пьесалул агълу-зулмукар Шамхал, баг Тавсултан ва миннаха лавхъхъусса цаймигу тарихраву бивкИсса къумукънал феодалталли. Гайннал буллай бивкИсса зулмурду халкъуннал буллай бивкИсса балайрдаву ва бусласисса хавардаву аьчухну чИалай бур.

Минкаил Аьлиевлул чивчусса «Аздар ва Зайнаб» тИсса пьесагу бур хас бувну хантурал заманалун. Пьесалул кумаг буллай бур хъхъичИ бацИан бан Агълар ханну ивкИсса чИумалсса лакрал халкъуннал оьрму.

Агълар ханная, ганал зулмурдая чИявусса бусаларду ливчИун бур лакрал агъалинаву, ганал загъру буллуну Бархъаллал Давди ивчИан аврия бур халкъуннал балай ляхъан бувну, ХИасан Гузуновлул балладалувугу, Аьвдуллагъ Оьмаровлул «Мюталимнан дакИний ливчИмур» тИсса очеркравугу щаллу дурну дур Агълар-ханнал сипат.

«Аздар ва Зайнаб» тИсса пьесалул виртталну бур Агълар-хангу, Бархъаллал Давдигу, загъру буллуссар тИутИсса Зазагу. Ва драмалуву дащуй бивхъуну бур Агълар-хангу, ганал зулмурдугу. Га чивчуну бур халкъуннал къисматрай аьтИий, халкъ ххуй чулий ккаккан буллай.

Вава классраву дуклаки оърчІру кІул хьунтІий бур М. Башаевлул «Бавцусса душ», «Авххусса арс» тІисса произведенияртташал.

«Бавцусса душ» тІисса повестьрал агьамшиву зунттал агьалинал оърму яргну чІалачІи бавриву дур. ЧІирисса лакрал шыраву хьанахъисса ишру, инсантурал оърму, багъу-бизу МахІаммад Башаевлул ккаккан бувну бур хьинну асар хьунну, дакІний личІанну.

Повестьраву аваданми ва мискинми куннайн кув къаршисса инсантал бушиву; гай оьхІалну тІий хьушиву революциягу чІалачІи бувну бур. Цала повестьраву чичу хьар хьанай ур оърчІний цанма ккакмунигу, лакрал халкъуннал творчестволигу, ганияр хьхьичІ чивчуну бивкІсса лакрал произведениярдаингу.

Повестьрал теману хьанай дур революция хьуннинсса лакрал халкъуннал оърмулуву хьанай диркІсса дахханашивуртту ккаккан даву. Гиву буслай бур цукунсса оърму бутлай бивкІссарив та чІумал лакрал хьудугьулт, хІухчалт, гьарайзу, малла, циваннив гайннал дяниву нахІушиву къадиркІсса.

«Авххусса оърчІ» тІисса романдалуву чІалачІи бувну бур жула халкъуннал лавгсса оърму, га заманнайсса багъу-бизу, аьдатру, куннал куннащалсса арарду, зунттал халкъуннал ас-ламус, чувшиву, къирият; иш багъний чІарав бацІаву, хьамаличу ххарину къамул аву. Мунищала архІал заманалун хасну къадарсса, дакІ оьзансса тІуллу дусса, хьуслил ва хьуншиврул цІаний ччимур лавмартшиву дан махьунмай къашайсса халкъ лиллай, гайннал дянив ссивцІурду бичлай, сси бунай ссан дизлай бачин бувну бивкІсса оърму чІалачІи бувну бур.

Мяйлчинмур классрал хрестоматиялувун бухлахисса цинявгу произведениярттал кумаг бантІиссар оърчІан та заманалул сурат хьхьичІ дацІан дан, тайннал оърму бутаврил шартІирдащал кІул хьун. Му бакъассагу, авадан хьунтІиссар оърчІал дакІнихсса ва чичрулийнусса маз.



## МЯЙЛЧИНМУР

### КЛАССРАВУ ЛАКРАЛ ЛИТЕРАТУРАЛУЛ ДАРС ДИШАВРИЛ МУРАДРУ ВА МАСАЛАРТТУ

Литература лахъхъаврил гъанусса мурадну хъанай бур дуклаки оърчІаву оърмулувусса ххуймур тарбия бавуну.

МуницІун бавхІуну лакрал литературалул программалул личІи бовну бур оърчІру тарбия баврил ва миннан за лахъхъин баврил личІи-личІисса шачІантту.

Мяйлчинмур классраву оърчІал лахъхъайссар лакрал ва дагъусттаннал чичултрал ва шаэртурал XIX ттуршукулий чивчусса произведенияртту.

Дарсру дишаврил гъанусса масаларттуну хъанай бур оърчІан цивппа художественный произведенияртту, литературалул тарих лахъхъин баву ва миннул гъанулий оърчІаву адав, инсап, оърмулувусса ххуймур тарбия баву.

Литература лахъхъаврийну вай масалартту щаллу баншиврул, учительнан хъуннасса ургаву дан багъайссар лахълахъисса произведениялул гъанусса мяъна дурчІин даврих. Хъуннасса агъамшиву дуссар личІи-личІисса дарс дишаврил къяйдарду ишла дуллай, произведениялул хъирив лаяврил яла асар хъунми ххуллурду лякъаврилгу.

Учительнан аьркинссар ялун личин дуллан лахълахъисса художественный произведениялуву тарбия аврин захІматрал цуксса агъамшиву дуссарив. ХІарачат бан аьркинссар чІалачІи бан чичул захІмат ххирасса инсаннал чулхуннайсса ургаву цукунсса дуссарив, оърмулуву захІмат байнал къимат цукун бищайссарив, зулмукарнах, чил захІмат букаймапах, оърмулуву тІайла акъа занакъала хъанакъиманаксса ургаву цукунсса дуссарив. Литературалул дарсирдай хъуннасса бургаву дайссар оърчІал маз авадан баврих ва пасихІ баврих.

Му даву щаллу шаву мурадрай, циняв классирттаву оърчІал цала опытрайн чул бивщуну, школалун, обществолун мюнпат бусса давривух

гьуртту шавриясса, улча лахьхьаврин ва м.ц. давурттан хас дурсса темардаясса сочиненияртту, изложенияртту чичайссар.

Мяйлчинмур классрансса литературалул программалий ккаккан дурну дуссар произведениярдал шанна сияхI:

1. Чарабакъа циняв дуклаки оьрчIал лахьхьинсса ва ххал бигьинсса произведенияртту;

2. Классраву лахьлахьисса произведениярдал темардачIан гьансса темарду дусса, ялун буккин ххи бувсса произведениярду;

3. Классрал къатIув буккинсса произведенияртту – вай произведенияртту учительнал классрал къатIувсса буквавил дарсирдай, буккултрал конференциярдай ххал бигьайссар.

Ва сияхI цIуну бувсса луттирдайну авадан дангу бучIиссар.

Литературалул дарсру бучIиссар дахIин классрал къатIув дайсса давуртташал. Ми хьанахьиссар личIи-личIисса литературалул кружокру, луттирдайн бувсса диспутру, литературалул вечерду, музейравун театрданул постановкардайн, кинорайн гьаву ва цала улча лахьхьаву.

Литературалул дарсирдаясса тIалавшинна хьуннасса духьукун, учитель за кIулку, усттарну, ттизаманнул методика ишла дуллай зун аьркинссар.

Дарс дишаврил устталугьрал гьанусса щарацину цуппа оьрму, школалий дарс дишаврил практика хьанахьиссар. Гьарца кьини школалий дарсру дихьлахьаврил учительнан цанма къулайми ххуллурду лахьхьин кумаг байссар.

Учительнахь хьунмасса бияла буссар оьрчIаву ххуйми асарду тарбия баврил.

Оьрму ххуйну къакIулсса, инсантурал хасиятирттаву чIявумуния хавар бакъасса дуклаки оьрчIан литературалул лахьхьин байссар геройнал вивмургу, хасият-тIабиаьтту.

Вай цимурца бувчIин оьрчIан кумаг байссар лакрал литературалул программалий лахьхьин ккаккан бувсса произведениярдал учительнал каялувшиврийну.

Литературалул дарсирдай хьуннасса бургаву дайссар оьрчІал маз авадан ва пасихІ баврих, дарсирдал мурадну хьанахьиссар дуклаки оьрчІру хьхьичІвасса ва цІанасса литературалул хьинми произведениярттащал дус баву, гайннул гьанусса мяьна ва художественный хасиятру лахьхьин даву, литературалул теориялул хІакьираву цанна лайкьсса куццуйсса кІулшиву дулаву.

ОьрчІру дуккин бавриву ва тарбия бавриву лакрал литературалул цинма хасьсса бияла барт бигьиншиврул, чара бакьа аьркинссар дуккавил план, программа мунил хьхьичІ бивхьусса масаларттаха лавхьхьусса бикІан.

Му бакьассагу лакрал литературалул ва педагогикалул элмурдай гьану бивзун, учительтурал хІарачат буллаи бур багьайсса кІулшиву ниттил мазря бикІу, литературалия бикІу дуклаки оьрчІан дулун, бухьурчагу школалий вай дарсру лахьхьаврил даража, учин бюхьанссар, уттигу ялавайну бур куну.

Ванин сававрттугу дур: школарттай биялну луттирду бакьашиву, дарс дишин бюхьайсса кІулшиву ва хІадуршинна дусса учительнал бакьашиву, цаппарасса каялувшиву дуллалиминнал ва халкьуннал образованиялул зузалтрал ниттил мазрал ва литературалул дарсирдан агьамшиву къадуллалаву, учительтуран кумагрансса лакрал литературалул методикалул пособиартту бакьашиву.

Литература лахьхьаврил даву лайкьсса даражалий дишавриву ца хьинну агьамсса кІану бугьлагьиссар методикалул.

Методикалул мурад, дарс дишаврил яла кьулаймур ххулла ахтгар бувну, лакрал литературалул дарсру дихьлахьисса учительнан кумаг бавур.

Мяйлчинмур классраву литература лахьхьаврийну оьрчІру кІул хьунтІиссар лакрал ва дагьусттаннал ХІХ ттуршукулул чичултращал ва шаэртуращал. Миннал произведениярттал оьрчІан кумаг бантІиссар та чІумал тарихраву, оьрмулуву хьанай бивкІмур бувчІин, му бакьассагу произведениярттал оьрчІал маз авадан бантІиссар, гьалгьа магьир бантІиссар.

Учительнал оьрчІан кумаг байссар цала бувккумур бувчІин ва бувчІумуниясса цала пикри бусан. Му бакьассагу учительнал хьхьичІ бавцІсса

масалану хъанакъиссар оърчІан лахълахъисса произведениярттацІун дархІуну литературалул теориялуясса кІулшиву дулаву.

БачІва дурккусса текстрал мурад бусаврийну ва гьалгъа магьир баврил ялувсса давурттайну учительнал цала хъхъичІ бавцІсса масалартту шаллу къабантІиссар.

Лакълахъисса произведениялул оърчІан асар биян бан аьркинссар гьарца чулуха, гьалгъа магьир баву бакъа, авадан дан аьркинссар миннал мукъурттил луртан.

## **ЛИТЕРАТУРАЛУЛ ПРОИЗВЕДЕНИЕ ЛАХЪХЪАЙНИ МУНИЛ ЯЛУВ ДАЙССА ДАВУРТТАЛ НИЗАМ**

Гьарца художественный произведение – му цІусса дуниялли, цІусса оьрмур. ОьрчІан багълагъиссар га лакъхъин дурчІин, цанчирча га цІусса асардал, цІусса пикрирдал, цІусса хъунабакъавурттал дуниял дунутІий. Укун бухъувкун, учительнал бурж гьарца дуклаки оьрчІал чичушалсса хъуна акъаву яргсса, авадансса, дакІний личІансса хъун давур.

Произведение лакълай байбишиннинсса хъхъичІ мукъуйну учительнал оьрчІру га бувчІаврин хІадур байссар ва ганих гьира бутайссар. Вступительный мукъул (хъхъичІмукъул) хъун-чІивишиву, ганил методика дикІайсса произведениялул хасиятрах, оьрчІал оьрмулух бурувгуссар.

Учительнал хъхъичІ махъ бикІан аьркинссар кутІасса, оьрчІан ххуй бизансса ва гайннан дакІний личІансса. ОьрчІан учительнал бувсмур дакІний битан кумаг бантІиссар ганал доскалий чирчусса цала бувккумунил пландалул, чичултрал, произведениярдал геройтурал цІардал, ми чивчусса чІун чІалачІи даврил, цІуну лакълахъисса мукъурттил.

Дарсирай гьартану ишла буллан аьркинссар канилу бусса чІалачІи пособиартту, художниктурал дурсса, лакълахъисса произведениялул темардачІан гъансса куннасса суратру.

Масала, Ккурккуллал Щазал балайрдашал оьрчІру кІул булланнин, оьрчІан бувчІин бан багъайссар Щаза ялапар хъанай бивкІсса чІун ци чІун диркІссарив. Бусайссар Щаза бивкІшиву буккин-чичин къакІулсса, амма цила балайрду, ччергІилттухун учайсса балайчи-шаэр.

Ванил цила ляхъан бувну учайсса балайрдал буклакинал хъхъичІ дацІан дуллай дур XIX ттуршукулул ахирданий ва XX ттуршукулул цалчинмур мукълицалттуй лакрал миллатрал бакІрачІан бувкІмунил сурат, чІалачІи дуллай дур та чІумал лакрал мискин-гъаривнал, зузалт-хъузалтрал массав ва маданият. Басмалий бивщуну, шеърирду луттирдай гъарца шяравун биян бансса такъат дакъасса заманнай чичрулийну шаллу бувми шеърирду чІявуну личІлай бивкІссар чагъардайва, балайчитуралми ппив хъанай бивкІссар шаншархъайх, мунияту аьмну балайрдал культуралийн асар буллалавришал миннул ккаккан буллай бивкІссар миллатрал шеърирду хъхъичІунмай хъанансса ххуллурду, хІасул буллай бивкІссар мунил гъава, тІул-тІабаьт, макъанну, хІакъинусса къинигу миннул бусласиссар жула миллатрал ляличІишиврия ва дунияллул ххуйшиврия тІин-тІааьн ласунсса пасихІсса бюхъулия, мунишала архІал ми, жула цІа дурксса аьшукьтурал ляхъан бувсса байтру, хъанакъиссар цІуну ялун нанисса шяиртурал никиртансса дарснуну, буттахъал насихІатнуну ца бучІантІимургума чІалачІи байсса къибла дагъанинуну.

БучІиссар яла учительнан цанма буккин дакІних Щазал шанмардаясса ца:

Яннагу лахлай бура,  
Инигу канай бура,  
Душмантурал яхІиран  
Сагъсса кунма бачара.

ОьрчІал я бурган байссар вай ххуттардих.

ЦичІав аьжаивсса, чІюлусса махъру бакъар шикку, дакъар цукунчІавсса лащанбавуртту, амма бакІрал чІара дацІлай дур вай махъру бувккукун. Цикссагу чІявусса затру буслай бур жухъва урчІва-ацІва мукъул: циксса чІярусса дардру-баларду ккаккан аьркинни инсаннан, га, чурххаву рухІ дуна,

ивкІуну занан? Цуксса хъунмасса бияла бикІан аьркинни ганаву цавувагу,  
ивкІуну махъгу сагъминनावух ачин?

Вай бур Ккурккуллал Щазал цила чІумал цІа дурксса, уттигу машгъурсса  
лакрал шяир-балайчинал махъру.

Щаза ца цила дардирдая бакъар гъалгъа тІисса, ца цила къадарданий  
бакъар аьтІисса, ва аьтІий бур цуппа кунмасса та заманалул сагъну бунува  
ливтІусса кунма заназинай аьтІий: «Сагъминнаяр ливтІуми // Бунуккар тти  
чІявусса!» Ва Щазал чІумалсса оьрмулунгу, заманалунгу бивщусса къимат  
хъанай бур.

– Цу бивкІссар Щаза? Цива-ци бивкІссар ганил бакІрачІан?

Щаза бивкІун бур чурххал лахъи-хъаласса, бювхъусса, исвагъисса  
хъамитайпа, цуппагу зунтгал инсантурал хІисаврай ххуйшиврул бутІа  
буллусса, кІяласса лажин, лухІисса я-иттацІани, лахъисса кІиз бусса.

Щазал чІунилгу, ччергъилу рищаврил ва балай учаврил къяйдалул  
хъунмасса асар буллай бивкІссар вичІи дирхъунайнгу, цайми балайчитурайнгу.  
Цана жучІава бакъар я Щазал чІу, я га балай тІий, ччергъилу ришлай ккаккан  
буллалисса кинорал лента. Цуксса хІайпнугу, жучІанна, лакрал буккултрачІан,  
ирсирай дирмур дур хъинну чансса – танил ляхъан бувну бивкІсса цаппара  
балайрдумигума ца чІиви-хъунсса жуж хъунсса-къахъунсса. Амма чансса  
бухъурчагу ми балайрдал буклакинахъ буслай бур чІявусса задру. Миннул жула  
хъхъичІ бихълай бур чІявусса масалартту. Дагъусттаннал машгъурсса критик  
Камил Султановлул, Щазал шеъри оьрус мазрай бивккун, цацава ганил мазрал  
пасихІшиврушал чансса-бунугу кІул хъун бювхъукун, чивчуну бур:  
«Ккурклиятусса Щазал ляхъан бивмур ккалли бан бучІир дагъусттан поэзиялул  
тарихравусса ца яла яргмур чІапІину»<sup>1</sup>.

Укунсса журалул бусавуртту, темардах бурувгун, дан бучІиссар личІи-  
личІисса назмурду, хаварду, поэмарду лахълан хъхъичІ.

Яла бучІиссар бучІан ванил биография лахъхъаврийн.

---

<sup>1</sup> К. Султанов. Певцы разных народов. Махачкала, Дагкнигоиздат 1971, лаж.  
153.

## УЧИТЕЛЬНАЛ ВА ОБРЧІАЛ БУККАВУ

Мяйлчинмур класс къртал буллалисса оърчІ бюхълай икІан аьркинссар художественный ва элмийсса текстру анаварну дуккин, му бакъассагу художественный произведениярду пасихІну буккин.

Программалий лахъхьин ккаккан бувсса произведенияртту оърчІал ччянива бувккуну бикІан аьркинссар.

Хъирив лаллан бивкІукун чІалай бур оърчІал цайнува цала бувккусса произведенияртту, чІявуну, миннан щаллуну бувчІуну къабикІайшиву, классраву пасихІну бувккусса произведенияртту тІурча, оърчІан ххуйну бувчІайшиву, муниятту учительнан хІарачат бан аьркинссар лахълахъисса произведение бюхъавай классраву буккин, агар произведение хъунмасса бухъурча, бучІиссар миннахъ буккин бангу.

ЧІявуну учительнал цІусса произведениялул бутІри оърчІахъ цахъва буккин буллан икІай, мукунсса буккаврия я вичІи дирхъунан, я цан-цанма буклакиманан хайр бакъассар.

ТІайлану, пасихІну буккавил бюхъу оърчІаву ялавайми классирттавува сакин хъуну, бикІан аьркинссар. Агарда мяйлчинмур классраву дуклакисса оърчІаща цила багъайкун буккаву дан бюхълай акъахъурча, дакІний битан аьркинссар 5-10 минутрай, нюжмардий цал кІила буккин аврийну ганан кумаг бан къашайшиву, оърчІал буккавил ялув бацІан аьркинссар шаппами ва учитель, буклай икІан аьркинссар цайнува цувагу. Лахълахъисса произведение пасихІну буккин, буклай унува вив итабакъин бюхъаврил хъуннасса агъамшиву дуссар произведениялул гъанусса мяъна дурчІаврин ва ганил хъирив лаяврин. Мяйлчинмур классраву дуклакисса оърчІан кІулну бикІан аьркинссар предложениялувусса аьркинсса махъ чІунийну личІи бан, пасихІну буккин, буккаву произведениялул журалух, хасиятрах бурувгун дан, ми аглан хъун аьркинсса кІанай къавхъуну, махъру бувчІинну къабуклай, цаппара махъру гайминнуяр лахъну, анаварну буклакиним – най аьркинссар тІайлабацІан

буллан. ПасихІну буккин лахъхьин баврил даву дайссар анализрайн чул бивщуну, ганицІун дархІуну.

## МУКЪУРТТИЩАЛССА ДАВУ

Мяйлчинмур классраву оърчІал лахъхьайсса личІи-личІисса журалул произведенияртту мазрал чулуха авадансса бур. Вай произведениярттайн чул бивщуну, учительнангу багълай бур дуклаки оърчІал маз магьир бан, мукъурттил луртан авадан дан. Мунияту, чІалачІисса зат бур, мукъурттил ялувсса даву учительнан гьарцагу дарсирай дуллан аьркиншиву.

Маз миллатрал аваданшиву хъанай бур. Мазрал ур инсан щаллу увну, му бур инсаннал кІунттихъсса агъаммур ярагъ.

Ванин бувну, школалый бикІу, кулпатраву бикІу, мазрал, ихтилатрал чулухунмай хъуннасса аякъа дикІан аьркинни.

Лавай кІицІ лавгсса куццуй, литературалул дарс дишайсса учительнал хъхьичІ бавцІсса масалану хъанай бур оърчІан цила багъайкун тІайлану, пасихІну, бувчІинну гьалгъа бан лахъхьин баву, гайннал пикри куртІ баву, мукъурттил луртан авадан даву.

Ва бакъассагу, ниттил маз хъанай бур цинявгу дарсру дишин аьркинсса ярагъну. Муниятур оърчІал гьалгъа магьир бансса ишираха мудан зун аьркинсса. Амма ва чулухунмайсса ургьил жула учительтурал хъинну чансса бур. ОърчІал гьалгъа магьир бансса, мукъурттил луртан авадан дансса, давуртту диялсса дакъар. Даймургу – кІива ягу шанма махъ дакІних бувчІин баврийну гьашиву дай.

Гьалгъа магьир баврил ишираву дуссар личІи-личІисса давуртту: мукъурттищалсса даву ва кунницІун ку бавхІусса махъру бусса гьалгъалуцалсса даву ва мукунма цаймигу.

Лакрал литературалул дарсирдай мукъурттищалсса даву дайссар личІи-личІину:



1. Мукъурттил луртан авадан даву, яни оърчІан хъхъичІава къакІулну бивкІсса махъру лахъхъаву, мукъурттил цІусса мяънарду кІул даву.

2. ХъхъичІава кІулсса мукъурттил мяънарду куртІну кІул даву, синонимирттал ва омонимирттал дянивсса тапаватшиву кІул даву.

3. Буллалисса ихтилатраву махъ ишла баву.

4. Литературный мазраву бакъасса цала лугъатрай ишла буллалисса махъру гъалгъалува буккан баву.

ОърчІал мукъурттил луртан авадан дуллалисса щаращивну хъанахъиссар художественный произведениярду. Произведениялул анализ дуллалисса чІумал, учительнал аъркинссар оърчІру кІул бан литературалул терминнащал. Агарда терминну оърчІан къакІулну бухъурча, ганил анализ, мяъна, мурад бувчІин захІматссар.

Цалчин учительнал оърчІру литературалул терминнащал кІул байссар.

Ва даву дайни, оърчІащал учительнал геройнал сипат ккаккан дан чичул ишла дурсса къяйдарду ххал дигъайссар:

а) геройнан цанма хасъсса ихтилат, маз ккаккан баву;

б) авторнал цала чулухасса пикри бусаву;

в) геройнал сурат щаллу даву;

г) лащан баву ишла даву;

д) геройнал хасият мунал цаява цала буллалисса ихтилатрайну чІалачІи даву;

е) геройнал дакІнил хІал ганал ялун нанисса къадар тІабиаьтрайну ккаккан даву.

Ва даву дурну махъ, учительнал бучІиссар лахълахъисса произведениялул мазрал анализ дан, ккаккан бан мазрал цукунсса кІану бугълай буссарив геройнал сурат чІалачІи давриву.

Дарсирайн хІадур хъанахъийни учительнал личІи байссар словарьданий чичинсса махъру.

Масала, Гузунхъал ХІасаннул «Гъиндусттан гъивхъ ва кІулу» тІисса баснялуву хъунабакълай бур захІматсса махъру: тІавап, сужда, аьш, давар,

хІакъул калам, хІали яла, къали яла, ляънатуллагъ, ХІамид, лал, аьдлу, лайлатул къадри, садап. КІай махъру оьрчІан кІулсса махъру бакъар. Произведениялуву махъру, миннушалсса даву, мунил гъанусса мяъналуцІун дархІуну дур. Махъру биялну ва куртІну бувчІин баврин кумаг байссар текстравусса предложениярттал, цанчирча махъру куннишал ку бавхІусса текстравур миннул зунххими ва тІайлами мяънарду цила багъайкун аьч шайсса.

Методикалуву махъру бувчІин баврил жура-журасса къяйдарду дур: суратрайну, мукъурттийну, антонимирттал, синонимирттал кумаграйну.

Синонимру (гъансса мяънарду дусса махъру) цачІу бивхъуну бувчІин баву хъанакъиссар яла чІяруну, сайки, гъарца чІумал ишла дан бюхъансса къяйдану. ЦІусса мукъуцІун гъансса мяъна дусса махъру ляхълай оьрчІал ганил мяъна кІул дайссар. Масала, сумала хъу – ттирхІусса хъу, васият – аманат, ливас – лаххия, лажин – симан, сичча – нетІа, буллугъшиву – аваданшиву – ахІвал бушиву, питна – дяъви – къалмакъал – талатаву – бияву.

Синонимру гъансса мяънарду дусса махъру бунугу, гайннул дяниву личІишиву дуссар. Ванин бувну, учительнал мурад бикІан аьркинссар мюрш ивкІун, мукъурттил мяънардал личІишивуртту чІалачІи дансса.

Антонимру – куннин-ку къаршисса мяъна дусса махърур. Гай ишла байссар гъалгъалуву къаршисса зад ккаккан дан.

Масала,

Ссут аьтІун диркІунни,  
Баргъ хъян бивкІунни,  
ЧапІимур бат хъунни,  
Аьвну лавгунни.

Увччунан ккашилчув къакІулссар.

Къадарну яшяар виричуну ивкІуну хъинссар.

Антонимиртташалсса давривух оьрчІру гъира буну хІала буххайссар.

БучІиссар ми антонимру бусса предложенияртту сакин дуллали бангу.

ОърчІал гьалгьа магьир бавриву хьунмасса кІану бугьлагьиссар фразеологизмардал, учаларттал, лашан бавурттал, чІяру мяьна ду мукьурттил ва омонимирттал. Вай кІицІ ларгсса маз пасихІ баврил махьру, калимартту оърчІан художественный произведениярттаву мудангу хьунадакьлантІиссар, мунияту вай мукьурттишал цила багьайкунсса даву дачин дан аьркинссар.

Гьалгьа магьир бан ишла байсса, кунния ку буцан бан къашайсса мукьурттийн фразеологизмарду учайссар. Масала, арцул кару, неьматрал урци, ненттабакІ тІивтІусса, бакІ магьулун щусса ва мукунма цаймигу. Шивунма буххайссар учалартту, бусалартту. Мунихлуну художественный текстраву хьуна дакьайсса калимартту (фразеологизмарду) дурчІин дан аьркинссар гайннул анализ дурну. Давурттал дуссар личІи-личІисса жуларду. Масала, гай лув кІицІ ларгсса калимарттал мяьна дурчІин дара: акьа чара бакьу, лялух мухІлу дахІин, дакІ мяш хьунну.

Лув кІицІ ларгсса калимарттан синонимру лякьин:

ДакІнил хІалимшиву –

Ччурччу дикІуйн цІу бичаву –

Лякьа дан –

БутІа бакьа дустал –

Бушкъаправа уккан –

Лув кІицІ ларгсса калимартташал предложениярду сакин дара:

Бюрххул дакІ, хІакьсса зат, лажин кІяласса, ненттабакІ тІивтІусса, оьрмулул уччин, багьа бакьасса.

ОърчІал маз магьир бавриву хьуннасса агьамшиву дуссар учаларттал ва бусалартталгу.

## МЯЙЛЧИНМУР КЛАССРАВУ, ЛАКРАЛ ЛИТЕРАТУРАЛУЛ ДАРСИРДАЙ, ПРОЗАЛУЛ ПРОИЗВЕДЕНИЯРТТУ ЛАХЬХЬАВУ

Гьарца художественный произведение – му цусса дуниял, цусса оьрму хьанай бур. ОьрчІан багьлай бур га лахьхьин, бувчІин, цанчирча га бур цусса асардал, цусса пикрирдал, цусса хьуна бакьавурттал оьрму. Укун бухьувкун, учительнал бурж гьарца дуклаки оьрчІан чичушалсса хьуна акьаву яргсса, авадансса, дакІний личІансса хьун давур.

Произведение лахьлай байбишиннин аьркин шай хьхьичІмахь бусан. Ва чара бакьасса за бур, цанчирча, му даврил оьрчІан произведение бувчІаврин, ганих гьира бутаврин агьамшиву дунутІий. Вступительный мукьул хьун-чІивишиву, методика произведениялул хасиятрах, оьрчІал оьрмулук бурувгсса дикІайссар.

Хьуннасса агьамшиву дуссар оьрчІан кІукьакІулсса махьру бувчІин баврилгу.

Эпический произведениярттаву образру щаллу давриву хьуннасса агьамшиву дуссар тІабиаьт чІалачІи даврил.

Цумур бухьурчагу произведение лахьхьавриву хьунмур кІантту бугьайссар га букваврил. Га букваву ххуйну сакин дан хьурча, произведение бувчІин захІмат кьахьунтІиссар. Художественный произведениярдал цанналусса, цайми предметирттаха кьалархьхьусса хасият дур. Масала: грамматикалул дарсеру кунницІун ку дархІуну дур, ца кьакІулну, гамуния гьалгьа тІун хьанай бакьар. Литературалуву тІурча гьарца произведение цинма цуппалусса жазира бур цила тІабиаьтращал, уртту-щинащал. Амма учительнаща бюхьантІиссар льякьин аьмсса темардайну цачІун хьанакьисса произведениярду. Масала, ТтурчІиял Маммадайл, Ккурккуллал Щазал, ХьахІаб-Росолиясса МахІмудлул оьрмулуя шикаят буллалисса произведенияртту М. Чариновлул, А.-П. Салаватовлул, М. Аьлиевлул, М. Башаевлул революция Дагьусттаннайн дияннинна, ханнахьал заманнайсса хьаннил оьрмулун, миннал кьадардан хас бувсса произведениярду, С.

Габиевлул, Гь. Саэдовлул чагуртътурал захІматсса оьрмулун хас бувсса, зунттал халкъуннал кІулши гъаз даврин оьвтІисса произведениярду ва м.ц.

Мяйлчинмур классраву лахъхъайсса произведениярттаву мадарасса кІану бугълай бур эпический произведениярттал. Шиву оьрчІал лахъхъайссар лакрал прозалулу язими ну хъанахъисса Закухъал Курдил «Хъявринсса ччаву», М. Башаевлул «Бавцусса душ» тІисса повестъру ва вава М. Башаевлул «Авххусса арс» тІисса роман. Вай произведенияртту личІи-личІисса жанрардал бухъурчагу, вайннул аьмсса хасиятну хъанай дур вай авторнал цІанияту, ягу произведениялул авторнал цІанияту, ягу произведениялул геройнал цІанияту, инсаннаяту, гайннал хІала-гьурттушиврияту, гайннал оьрмулулу хъанахъисса иширттаяту бусласисса бушиву.

Вай произведенияртту лахълахъини дуклаки оьрчІал я бурган бан аьркинссар эпический текстран хасну, гай ххал бигъайсса куццух.

Школалий эпический произведенияртту лахълахъини ххал дигъайссар тема (произведениялул пикри), хъирив лаян аьркинсса масъала, гъанусса мяъна. Укунсса ххал бигъаву дуллалини, произведение оьрчІал бакІравун итабакъайссар хІакъсса бикІан бюхъайсса, цамур журалийн бувцусса зат кунма.

ОьрчІал я бурган байссар произведениялул гъануми геройтурал сипатиртта (миннащал кІул хъанахъини оьрчІал пикрилувун ласайссар личІи-личІисса инсантурал хасиятирттал жуларду).

Бургайссар мукунма произведениялул авторнах, мунал ляхъан бувсса, личІисса, так цанма хасъсса художественный произведениялул дунияллух.

Хъунисса прозалул произведенияртту, чІявуну, литературалул хрестоматиярдай щаллуну булунсса тагъар къадикІай, мунийн бувну, ми произведениярттал хъирив биялну, цила багъайсса куццуй лаянгу къашай. Мунияту учительнан ляхълан багъай произведениялул хъирив лаяврил агъаммур ххулулу ва мунил кумаграйну оьрчІан бувчІин бан лахълахъисса произведениялул гъанусса мяъна ва мурад.

Дуклаки оьрчІаща произведениялул вив уххан хъуншиврул, гайннан лахъхъин бан аьркинссар лахълахъимур цІунил, ва цІунил буклан.

Художественный произведениялушалсса цалалусса, тІайланнасса дахІаврил оьрчІру асардал авадан байссар, учительнан тІурча кумаг бан аьркинссар оьрчІан бувчІин асарду, чІалачІи бан чичул пикри ва мунал оьрмулул гьанусса мурад.

Ва даву бигьану дан бюхьайссар оьрчІашал хьун бакьасса басня, хавар лахьлахьини, гиву гьуртту хьанахьиминнал хасиятру цукунсса бунугу ишираву ашкара хьанахьини.

Роман ягу повесть лахьлахьини хьуннасса агьамшиву дуссар язи бувгьусса бутІул ва га бувчІин баврил. Произведениярдал хьирив лаллалини бургайссар цуми ишру бялну, личІину чІалачІи бувну ххал бигьин бушив, цуми личІисса бургаву къадурну къабитан бушив, геройнал хасиятирттаву цумунин кьимат бищун бушив, цуми къайгьу къабувну къаритан дурив.

Оьрмулун лархьхьусса кІулшивугу дуну, мукьул аваданшивугу, пасихІшивугу асар хьанай бухьурча, оьрчІал произведение хьунмасса гьираращал къамул байссар.

Литература лахьхьаврил агьаммур шачІану хьанай бур произведениялул анализ даву, му куртІну хьирив лавну ххал бигьаву. Произведение оьрчІан лахьхьайссар буклакини, мунил гьанусса мяьна дурчІаву, вив итабакьаву тІурча шайссар анализ дуллалини. Мунийн бувну, дарс дихьлахьисса учительнал хІарачат бан аьркинссар оьрчІан дурчІин дан произведениялул гьанусса мяьна, чичул цала чивчумунил чулухунайсса ургаву цукунсса дуссарив.

Учительнал хьхьичІра-хьхьичІ лахьхьин аьркинсса произведениялул гьанусса мяьна кІул дайссар ва га оьрчІру тарбия бавриву цукун ишла дан дурив ххал бигьайссар.

Хавардай чивчусса произведенияртту лахьлахьисса чІумал, агьамсса бургаву дайссар миннул личІи-личІисса бутІрах, миннул дахІаврих, гьуртту хьанахьиминнал хасиятру лахьхьаврих.

Произведениярттал мяьна дурчІин кумаг байссар гиву гьуртту хьанахьисса куннащал ку бавхІусса инсантурал сипатирттал. Инсантурал хасиятирттал хьирив лаяву, произведениялул гьанусса мяьна лякьаврил

агъамсса къяйдану хъанакъиссар ва муних мудангу учительнан хъуннасса ургаву дан аьркинссар. Хаварданий чивчусса произведениярттаву инсантурал гьартану ккаккан дурну дикъайссар. Му кIул шайссар ганал биографиялукъу, сипатрайтукъу, чичул ганан дуллусса характеристикалукъу, произведениялукъу гьурттукъу хъанакъиминнал ганая тIутIимуниятукъу, произведениялукъу ккаккан дурсса тIабиакътрайтукъу, геройнал хасиятрайтукъу, аькъулуйну, пикрилийну, мазрайтукъу. ТIайлану личIи бувну, хрестоматиярдаун бивчусса романнал ва повестирдал бутIрал чIалачIи дайссар геройнал дакI, гайми гьурттукъу хъанакъиминнашалсса ганал ара. Хаварданий чивчусса произведениярттаву хъуннасса агъамшиву дуссар чичул мазралгукъу. Вай произведениярттукъу лахълахъисса чIумал, хIисавравун ласун аьркинссар личIи-личIисса журалий чичаврил къяйдарду куннил ку хъирив бусаву, цаннал цаннахъ буллалисса гьалгъа, диалог.

Чичул магьиршиву чIалачIи дайссар произведениялул мазрал.

Аьямсса, аьщуйн щусса мазрай чивчусса произведение мудангу буклакинан бигъану бувчIайссар.

ЦIанасса чIумал, литературалул дарс дихълахъисса учительнал хъхъичI бавцIуну бур личIи-личIисса захIматсса масъаларттукъу. ЦIана жучIава бусса произведениярттал кумаграйтукъу оьрчIру кIул бан жула халкъуннал лавгсса ва цIанасса оьрмулуцал, миннул кумаграйтукъу оьрчIаву тарбия дан инсантурал ххуйми тIуллу ва тIабиакът.

VIII классраву дуклаки оьрчIру кIул шайссар К. Закуевлул «Хъявринсса ччаву», М. Башаевлул «Бавцусса душ» тIисса повестьтирттацал ва вава М. Башаевлул «Авххусса арс» тIисса романдалуцал.

Вай произведениярттукъу лахълахъини хъуннасса бургаву дарча хъинссар произведениялул маз ххал бигъаврих ва мукъурттицалсса даврих. Вай давурттукъу дуллан бучIиссар произведениялул гъанусса мяънагу ляркъуну, мазрал авадавшиву, магьиршиву ккаккан дуллай.

Литература лахъхъаву гъалгъа магъир баврил яла къулаймур ххуллунугу хъанай бур. Гъалгъа магъир баврил чулхуннайсса давурттал хъуннасса агъамшиву дуссар оърчІал аькълу-кІулши ларай даврингу.

Вай циняв мисаллу барт лагаврин ккалли бан бучІиссар, агарда оърчІан произведениялул гъанусса мяъна ххуйну дурчІлай духъурча. Произведениярдал мяъна ва мурад бувчІиншиврул учительнан кумаг бан аьркинссар оърчІан геройтурал хІисав ласун, личІи бан кунная ку агъамми ва гайми геройтал.

ОърчІан гъира бутан аьркинссар цайнува цала мукъул ялув дайсса даврих, лахъхъин бан аьркинссар мукъул мяъналул хъирив багъан. Вана ва чІумалли оърчІан дурчІлан дикІайсса чичул магъиршиву, цайминная личІисса, так цанна хасъсса чичаврил хасият, жура. Миччар хІасул шайсса гъанми, ххирами чичулт.

Школалий дайсса произведениялул хъирив лаяву личІиссар литературоведческий хъирив лаяврия мунил тарбия бансса мурадрайну. Литературалул дарсирдал хІадур уллай ур букку ва инсаншиву дусса инсан.

Произведениялул хъирив лаяврил мурад ххал бигълагъини, хъирив лаянсса материал личІи дуллаллини, зунсса къяйдарду ляхълахъини, дакІний битан аьркинссар ххуймур ва адав тарбия даву, батІул къахъунну кунницІун ку дархІуну дикІайшиву.

Цасса, бутІуйх дарчІусса, бувккумур бувчІин буллай дурсса, сипатру ххал дигълай дурсса произведение ххал бигъаву, мунил хъирив лаяву ишла дуллай бур цІана цала даву ххуйну кІулсса учительтал.

Литературалул за лахъхъингу бувну, тІайлану тарбиягу буллантІисса му чІумалли, дуклакими цивппа буклакимунил ялув пикри булларча, оьрмулул хІала-ккала буххавугу, ххуйшивугу асар хъанай бухъурча, чичул сакин дурсса инсантурал личІи-личІисса хасиятру хъхъичІ дацІан дан бюхълай бухъурча.

Хавардай чивчусса произведениярдал журадду личІи-личІисса духъурчагу, ми лахъхъаврил къяйдарду аьмссар.

Произведение лахъхъаврил плангу дурну, оърчІаясса тІалавшиннардугу майжан дурну мукъах, учитель дарсирайн хІадур шайссар. Ва чІумал хІадур дурну дикІайссар произведение лахъхъинсса дарсирдал личІи-личІисса



журадур: хІадур баврил, букваврил ва произведение ххал бигъаврил, лавхъхъумур жям баврил дарсру.

ХІадур баврил дарсирдал мурадну хъанахъиссар оърчІру литературалул произведение лахъхъаврийн хІадур баву. Вай дарсирдал жура лахълансса произведениялул мурадряту хъар шайссар. ХІадур баврил дарсирдал бувчІин бан аьркинссар оърчІан чичу цала произведениялийну ци учин ччай уссарив, ци чІумал чивчуссарив произведение ва чичул оърмулуясса ва давриясса цаппара кІанттурду.

ХъхъичІва-хъхъичІ произведениялушал оърчІру букваврийну хъуна бакъайссар. Цалчин буквакисса чІумалли оърчІан (учительнал произведение лахъхъин хІадур баврих бурувгун) произведениялул мурадгу, гьуртту хъанахъисса агъамми ва гайми геройталгу кІул шайсса. Произведениелул анализ тІурча, литература лахъхъавриву яла захІматмур ва агъаммур масъалану хъанай бур. Мунининсса циняр даврил журадурдал оърчІру произведениялул анализрайн хІадур буллай бур. Анализрал бутІри бухлай бур хІадур баврил дарсирдавунгу, буквавривунгу, лавхъхъумур куртІ байсса, жям байсса дарсирдавунгу.

Амма тІайланна произведениялул гъанусса мяъна дурчІаву так анализ дуллалисса чІумал хъанай дур.

Произведениялул анализ дайссар личІи-личІисса журадай. Бурганну ва классраву оърчІал лахъхъайсса Курди Закуевлул чивчусса «Хъявринсса ччаву» тІисса повестьрах. Курди Закуевлушал оърчІру уттинин кІул хъунсса сант къадагъссар, мунийн бувну хъхъичІисса дарсирай оърчІру кІул байссар чичул биографиялушал, мунал оърмулушал ва дурмунишал.

Закухъал Курди увну ур 1888 ш. Гъумук. Мунал ппу МахІаммадхІажи, аьраб дурккусса, зад кІулсса инсан ивкІун ур. Элму дуккин, дунияллул задру кІул бан мунал ппу эбратну хъуну ур. Цала ппу кунасса дурккучув цувагу хъун ччисса Курди, зад лахъхъин бан бюхъайминнацІух уклай, икъав кІану къабивтун бур. Гъумуксса, Щурагъсса дарсру гъакъархъуну, та дуклай ивкІун ур Аьшттарханнай, Къазаннай, Уфалий. Шиккусса ванал дуккаву хъуну дур

цусса гъанулий тивтусса, цусса методирттай зузисса школарттаву. Цанма къакулсса зад оърмулия, халкъунная ва дуккаврия ласаву дакъасса, муна хъунмасса кумаг хъуну бур хъхъичунмайсса кказитирттая.

Инсантуран бюхъайссаксса хъинбала бан ччисса, ми элмулул, чаннайн буккан баврил цаний зун хладурсса Курди 1917-ку шинал революция хъуну махъ Щурагъун увкун, гикку Гъарун Саэдовлушал итабакълан ивкссар «Илчи» тисса лакку кказит, хъуссар революциялухлусса «Дагъусттан чанна бай бюрорал» хъхъичунсса член. Гъарун Саэдовлушал, Солтан-Саэд Казбековлушал зий ивксса, миннал дус Курди большевиктурал пикризкрилийн увкссар.

Курди мукруну ивкссар инсантал талихрайн кулшиврийну, элмулийну, пикрилул тархъаншиврийну букваврин. Муна ччай бивкссар жула халкъ чаннайн бувккун, европанал халкъунная ттисса элмурду лахълай, тайнначла кунна промышленность, техника, искусство, культура хъхъичуннай дуллан, цусса журалул школартту титин, гъарца кланай луттирду, журналлу ккалан кулшиврия, му ча дуклай духъурчагу, нигъа къабусан.

Тай шиннардий хъанахъисса ишру циняннан кунма бувчлачисса-къабувчлачисса кланттурду чичулгу бивкссар. Цаппара лихъа-хъирив шавуртту дурну махъ, 1918-ку шинал гъинттул элмулухсса гъавасрал лавсун, Курди туркнавун Истамбуллайн лавгссар. Тикку цал му педагогический институтраву дуклай ивкссар, яла университетрал филологический факультетрал философиялул отделение къуртал бувссар.

Амма Буттал клантту ххирашиврул, муниха къуллугъ бан ччишиврул, Курди шавай зана хъуссар, 1921-ку шиная шиная та яхъанай ва зий ивкссар Бакуй.

Жула халкъунначла Курди Закуевлул къадру бур танал аькълулийхчин, цала миллат ххуй чулий ккаккан буллай, лавай буллай ивкун тий. Ми гъарзатрацун, цала халкъ ххирану, миннан хъинбалдаран чивчусса, бивку бакъасса назмурдацун ва хавардацун.

Назмурду К. Закуевлул дур 16, бур мукума оьрчлан хас бувну чивчусса, «Гъидайдихъулий зунттаву» тIисса, гьарца махъ бувчIайсса, мягнагу лаласун бигъасса хавар. Ва хавар оьрчIал цайнува цала буккайссар ряххулчинмур классраву дуклакисса чIумал.

«Хъявринсса ччаву» тIурча ккалли буллай бур лакрал литературалуву яла пасихIми произведениярдал цану.

Повесть лахьлан, буклан байбишин хъхьичI чичул биографиялушал бакъа, оьрчIру кIул бан багълай бур ва произведение чивчусса чIумушал ва та чIумал жула халкъуннал оьрмулуву хъанай бивкIсса агъамсса иширтташал. Тай шиннардий хъанакъисса ишру чIявусса халкъуннал кунма лакрал агъалинангу бувчIлай-къабувчIлачIисса кIанттурду чIявусса хъанай бивкIшиву, мукуминнаясса цану хъанай ивкIшиву ва повестьравасса мискинсса хIалтIухъан Ибрагъимгу.

Чичул хIарачат бувну бур цала «Хъявринсса ччаву» тIисса повестьраву чIалачIи дан гьарзад хIала дурхсса 1918-1919-чинми шинну ва ми чIуннардийсса личIи-личIисса кашилул халкъуннал куннашал кунналсса арарду.

Повестьрал дуклакими кIул бан тIий бур жула лакрал халкъуннал тай шиннардийсса ахIвалданушал, миннал оьрму бутлай бивкIсса куццушал. Ттинин ялавайми классирттаву лахълай бивкIсса литературалийну оьрчIан кIул хъуссар чагуртнал захIматсса оьрмулуя Гь. Саэдовлул чивчусса «Къалайчитал» тIисса пьесалийну, М. Башаевлул чивчусса «Подвалдануву» тIисса хаварданийну. «Хъявринсса ччаву» тIисса повестьрайну кIул бан най бур оьрчIру хIалтIухъантурал оьрмулушал. Цала аьрщарай зий кулпат ябан къахъанай бивкIсса чIявусса лакрал арамтал, чил кIанттурдайн лавгун, хъунмасса захIмат буллай, ккаши-мякъ бувхIуну, цала кулпат дулан банмур ляркъуну зана бивкIлай бивкIсса куццушал.

ОьрчIру повесть лахъхъаврийн хIадур буллалийни учительнан дакIний бивкIан аьркинссар ва повестьрал цукунсса суаллахъхъун оьрчIал жаваб дулун аьркинссарив. Ми суаллашал оьрчIру бучIиссар кIул бан байбихъулул ихтилат

бувну махъ. Масала, бучИссар булун укунсса суаллугу: Ттинин къакІулсса, цІусса ци кІул хъур зун жула лакрал оърмулуя? ЧІумушал цукун дархІуну дур инсантурал хасиятру ва занакъалашин? Цуми геройтурал чулий ур чичу? Чичун цала буттал кІану ххуйну кІулшиву ва ххирашиву цуми кІанттурду буклакини кІул хъанай бур ва м.ц. Вай ва укунмасса цаймигу суаллал оърчІру повестърал ва гиву гъртту хъанахъиминнал хасиятирттал хъирив лаяврин хІадур бантИссар.

Повестърал ялусса даву дайдишайссар учительнал лахъхъинмунил кутІасса мурад бусаврия ва га букваврия.

Литературалул программалийн бувну, мяйлчинмур классрал хрестоматиялунун бивчуну бур «Хъявринсса ччаву» тІисса повестърал гъануми геройтурал хасиятру чІалачІи дан кунмасса бутІри.

Повестърал хъхъичІми бутІри букваврийну оърчІру кІул хъанай бур гъанума герой Ибрагъимлушал, мунал ниттишал Аьйшатлушал ва ссурваращал. ОърчІал я бурган байссар чичул мазрах, мунал цала чІалачІи бан ччимур тІааьнну, усттарну, ккалаккима бизар къахъунну чивчусса куццух. Повестърва цума инсан ласурчагу, га сагъсса куна хъхъичІ ацІлай ур.

Чичул хъхъичІ бацІан буллай ур чаннасса гъидайдихъулул гъантри. Ибрагъим ниттил ца акъа акъасса арс хІалтІилуха шавай зана икІлай ур. ХІалтІилуха нанисса Ибрагъим Оьлла арив ливккун ушиву ахттакъун бизаннинма гъаттарахІухчил бувсукун, нину Аьйшат ва ванил душру ци зунссарив къакІулну къазразанну бур. Ва сурат буклакинан цала хъхъичІ хъанахъисса кунна чІалай дур: «Зума дургъусса оърчІру кунма, маркІачІан бизан буллай, миннал рухІ дурккуна... Вай къагъ хъуну ссахарив къакІулну зий бия. Циняннал вичІив кІичІираву дия»<sup>1</sup>. Ибрагъим учІаннин ниттил Аьйшатлул, ссурварал АтІал ва Халункачардул дуллалисса хІадуршиннарал буслай бур ми мискинсса ахІвал бусса, амма думур сантирай харж дуллалисса, инсаншиву

---

<sup>1</sup> Лакрал литература: Хрестоматия 8 кл. 2005. С. 149.

дусса куннал ку хІурматрай яхъанахъисса кулпат бушиву: «Вайннал чІявуну хъхъувай чирахъгу къалахъайва, Ибрагъим увкІукун лахъан тІий»<sup>1</sup>.

Повестърал дайдихъулийва чичул буклакими кІул буллай ур лакрал хІалтІухъантурал оърмулущал, чагуртнал ва устартурал дянивсса личІишиврущал. БучІиссар оърчІащал ми личІишивуртту чІалачІи дуллалисса кІанттурду буккин.

ХІалтІилух захІмат бувну, ккаши, мякъ бувкуну, чагуртшиврий шанна шин дурну махъ, ялагу цана гъансса ХІажибуттащал зуруй дулунсса арцул къутІигу дурну, ххюра шиной заргалну лаглай ур. Му хІан хІачІайсса, иллалисса, мяшсса усттарнал зулмулухъхъун ириллай ур: «Ттун багъа къабишин цанни? Къабиширча, на арманиначІа зунна. На щияр оьккисса усттарда?» – тІий унугу, ХІажибуттал маз-къаз бихълай, бишинна-хъунна тІий, чІун гъан дуллайгу тамансса хІал хъуссия. Ахирданийгу ца къини Ибрагъим: «На ина хъяврин оърчІ акъара, абадлий вил чагуртшиву дуллангу вил лагъ акъара! Ттун багъа бишиннав биша, акъарив, на ххишала вичІа къаацІанна!» – тІий авцІуна.

ХІажибутта кайпну ия: «Ина ттул лажиндарай ацІанссаксса хъуссарав, ккаччил оърчІ?! Ма вин багъа!» – куну, гъаргъ арцу къукълаккъисса хІисилу риршуну гъан дурна. ХІисилу Ибрагъимлул хъачІрайн тІайла дарцІуну, хъачІрай тамансса щаву дурна»<sup>2</sup>.

Амма усттарнаща Ибрагъим нигъай акъин ан хъанай акъар. Мунахъ маз-къаз бивхъуну, зуруй ацІния ххюра къурушгу дирхъуну зузи уллай ур. Ибрагъим ур даву ххирасса оърчІ, мунан цалва магазин къатІивтІуну шавайгу учІан ччай бакъар, амма ниттил къашавай дура, ина ккаккан ччай бур тІий чагъарду гъан буллан диркІукун, ХІажибуттащал шавай укІлай ур, шавайгу укІлай ур мискинну, усттар хъунисса къуржинттащал, вама чІирисса далухІилущал.

---

<sup>1</sup> Лакрал литература: Хрестоматия 8 кл. МахІачкъала 2005. С. 150.

<sup>2</sup> Лакская литература: Хрестоматия 8 кл. МахІачкъала, 2005. С. 152.

Ва произведение лахълахъини оърчІал я бурган байссар произведениелуву гъанумур ихтилат щия буссарив, шиву яла хъунмур ххуллу щил битлай буссарив.

Повесть байбивхъуну къуртал хъуннин ихтилат, чІалачІисса куццуй, бур мискинсса хІалтІухъан Ибрагъимлуя ва мура кашилул нитти-буттал душ Бахуя.

Вай цаннан ца ччисса инсантурал къадарданул, буклакима пашман уллай, гъалак уллай ур.

Буклакиманан бувчІлай чичу вайннал чулий ушиву, вайннал хъирив куна му щилчІав хъирив авцІуну акъашиву.

Дуклаки оърчІан маслихІат байссар гъарцагу повестъраву гъуртту хъанахъинал сипатрал хІисав ласун, цанчирча, миннан ва повестъран чичрулийну къимат бищун багълай бунутІий.

К. Закуевлул хъинну вив дагъанну, дурчІинну ккаккан дуллай ур Ибрагъиннул ва Бахул сипатру, миннал пикрирду зана-къалашиннарду.

Дуклаки оърчІащал учительнан бучІиссар личІи бувну, буккин гъануми геройтурал сипатру щаллу дуллалисса кІанттурду. Масала, «ацІния арулла-мяйра шинавусса, лачІал рангсса лажин дусса, кІюлацІисса, хъинну къутІлатІисса яру бусса душ Ибрагъимлун Баху бушиву мугълат бакъа бувчІуна», ягу, «ялтту някІсса къаттарисса сарпинкалул гъухъагу лавххун, бакІрай лухІисса шалгу руртун, Бахул къакъунттул бущи, кІюла-лахъисса саргъунсса чурх, лачІал рангсса даркъусса лажин хІакъину личІинура цІу буну чІалай дия», ягу «цІанакул Ибрагъим лухІи-пурщисса, ссирссилттал ща бивхъусса, кІюла-лахъисса, исвагъисса, ацІния мяйра шинавусса чІиви жагъил ия».

Повестърал геройтуран къимат бищун кумаг буллай бур чичул миннал мазрайну, гъарцаннал маз бур цала хасиятраха, аькълулуха лавхъхъусса.

Повестъраву чичу чІалачІи буллай ур кІива журалул инсантал: Ибрагъим, ванал нину Аьйшат, ссурвал, ванал дус, машачи ХІусман, Баху, Бахул нину ца чулухалу, ца кашилул ва ца пикри-зикрилул инсантал бур, Илла, ванал ппу

Оьма, нину Залму, Иллал дус Ризван, Салимхан, Капикхан – цамур чулухалу, цамур даражалул, цайми мурадирттал инсантал бур.

Кивайвагу халкъ куннайн ку къаршисса бур. Вай бакъа повестьраву гьуртту хъанай бур кИра ляззала – Асият ва Маймаки. Вай кумаг буллай бур авадан къатрал оьрчІан, Иллан, бахчилай бур Бахухун ва Ибрагьимлун.

Кивагу чулухаллил инсантурая зарал хъанай бур Ибрагьимлун ва Бахун, вайннал оьрму нанисса ххуллия баччин бувну, гужрай бачин буллай бур цамур ххуллийх. Вайннал бакІрачІан бувкІмур ваца жула халкъуннал бакІрачІан бувкІмур кунмасса бур.

ОьрчІал я бурган бан аьркинссар вай ишру хъанакъисса чІумух. ЧалачІисса куццуй, чІун дур хІала дурхсса, инсантуран бувчІлай бакъар цивппа щихлу, ссахлу талан аьркинссарив. Му чІумуха лавхъхъуну бур инсанталгу, миннал къадардугу. Масала, цала мискиншивруя цува къаияйсса цала каний хІалалсса ччатІ канай оьрму бутан дакІнийсса Ибрагьим хавар бакъа контрреволюционертал бавтІсса мажлисрайн бакІрайн агълай ур. Контрреволюционер Капикханнал большевиктурайн биллан гъаншиврул Ибрагьимлул цІагу рирщукун, оьрмулул угъарасса уну тІий, танал тІимуния къауккан, нигъаусу къахъун, хасиятрал хъхъарасса, яхІиравун агъсса ванаща къагъанна учин къабювхъунни.

Большевиктурайн талан дакІний-мазрай бакъа буна, кІяламинная лихъансса куццух луглай уна, Ибрагьим большевиктурал ттуплил цІалціи щуну, ивкІлай ур, ивкІлай унувагу, цува тайннал душман ххай акъар, я тайннайн зид бакъар.

Ибрагьим ивкІунни хъус-къинилул заллухъруннал, цана ччинугу, къаччинугу, тайннал къюкълуву, тай сававну.

Баху тІурча, Ибрагьимгу хъхъичІа укъан увну, хъуни къатрал хъихъи арс Иллал куклу-къадар бунни.

Бахул бакІрал ххуйшиву ганил аькълу, мяьрипат, инсаншиву я Иллан, я танал нитти-буттан аьркинну дакъар. Вай ххуйшивуртту дунугу, му бур миннаяр лувсса «хІалтІухъан бика». Агарда Бахул мина-гъану ва маэшат

Иллахъаяр лувсса къабивкІссания, мунил цакъсса махъ бацІанмий бивкІссания, Илла ваних шилтагъну къаурганссия, мукунгу бакъахъукун, Илла Баху каниччул бан махъунай къавхъунни. Му кІул хъусса Иллал нитти-бутталгу бакІ цІуцІаву къадунни. Цала ци барчагу, бувмур ратІух лаглай вардиш хъусса Залмул тІурча, «обкки бувнал ххуй бан» цаннинма ливхъун бувкІсса душ букъацирчагу, маз-къаз бивхъуну, паракъатвагу къабувну, цала хъусгу мяш куну, Бахугу хъиннува кьукъин бувну, рихшантрай ччуччин бувну гъан бувунни.

Баху кьукъала духІан къархъуну неххавун ххявххунни ва бивкІунни тайва Ибрагъим ивкІуминнал, аваданминнал, дунал ва дакъанал мурадру цачІу бавкъусса бикІан къабюхъаврил.

Инсантурал хасиятру хъхъичІ дацІан даврин хъунмасса кумаг буллай бур повестьрал мазрал.

К. Закуевлул «Хъявринсса ччаву» тІисса повесть циняннан бувчІайсса бур, ванил маз бур авадансса, куртІсса пикри кутІану, аьщуйн щуну бувчІин байсса, аьркинний лахІлахІисса, ххаллилну суратру чІалачІи дуллалисса. Масалдаран, повесть ххал бигълагъини, оьрчІал я бурган байссар хІалтІилуха увкІсса Ибрагъим ва ганал дус ХІусман Лулттукъурув бигъа лаглагисса кІанттух, ягу Баху неххавун ххявхсса ххаллилсса «нурданул хъхъуних».

Чичул вай суратру, мазрал пасихІшиврийну, ваца сагъсса кунна хъхъичІ дацІан дуллай ур. Циняр лаккуйсса ххуйшивуртту чичул вай бутІраву чІалачІи дурсса хханссар. Повесть ххал багълагъини вай укунсса бутІри, личІи бувну, оьрчІахъ буккин бан бучІиссар.

КІанттул табиаьтрал суратру дакъа, чичуша аьямну, куннащал куннал буллалисса ихтилатрал кумаграйну, повестьравусса инсантурал хасиятрал личІи-личІисса чулухалурду ялун личин дуллай ур. Повестьравасса цума инсан ласурчагу, га ваца сагъсса куна, хъхъичІ ацІлай, дакІний личІлай ур. Гъарцаннал дур цанналусса, чиІха къалархъхъусса сипат, хасият.

Ххалдигъинну дуклаки оьрчІащал цаппара геройтурал маз ва хасият. Ласунну масалдаран Аьйшат, Ибрагъимлул нину. Вания повестьраву чІявусса



ихтилат бувну бакъанма, ва хъама къаританну хъхъичІ дацІлай дур. Ва дур дакъашивугу, захІматгу бухІлай аьдат хъусса зунттал щарсса. Арсная цичІав хъинбала ккакканнин, ва аьрайн нанисса кІул хъукун, банмур бакъасса ванихъ хъунмур дакІнил бувсунни: «Валлагъ, Ибрагъим, къаитаакъинна, манарда аьрайн, жува кунмаминнал талихІ къашайссар, ххячара ххядуккайсса кІюланиятур... Ми хъуслил заллукъур, миннал талихІ буссар, муххайн кІулу къабияйссар, ми талихІрал ябантІиссар, жула талихІ бакъар. Аман, Ибрагъим, ина манарда!»

Аьйшатлул тІимур тІайла бавцІунни, ганияр махъ повестьраву Аьйшатлул цавагу махъ увкуну бакъа бунувагу, гьарцаннан дурчІлай дур ниттил ххажалат ва га дакІнивун къуртІунна личІлай дур.

Бурганну Иллалмур ниттил, Залмул, мазрах. Ванил мазрал чІалачІи буллай бур ванил дакІ хъуншиву, мискин-гъарив сан бакъашиву... Ххал банну ванил цила арсначІан ливхъун бувкІсса Бахушчалсса ихтилат. Залму: «Вуй вил ахир хайр дивуйгъар, ина ттул арсначІан ливхъун бувкІрав, жу ванан щарсса къалякъавай буссиявхха, – куну, цивура цурда энчІ дуллай, хъяхъисса кунна, дарцІуна.

Бахул жаваб къадулайшиву кІул хъукун, ялагу: мигу вила янна-ка духъунссар. Амангъар, миву ци дурвав? Миву лачакругу духъунссар, вуй вил ахир хайр дивуйгъар, ца лачак жул Загъидатлунгу дулунссар ина, – куна.

Баху: Зул Загъидат лачакру дакъа, ттул лачакрах ялугълай бакъашиву къакІулну бурив ттун. Вай аьдатран ларсъсса муму-тамур дур.

Залму: Пиша къакІулсса, хІалтІилухун къагъайсса ванал циванна, ттул душ? Шиная шинайн ссайгъатрал хъуржинтту дурцІуну учІайсса хІалтІухъаннан хъунхъувияв.

Баху: Зул хъус душивугу ттун кІулли, амма на бувкІсса хъусличІан бакъара...»

Ва загърулул зума бувцІусса залмул ихтилатран Бахул дуллалисса жавабиртгал чІалачІи дуллай дур душнил иминшиву, ссавур, ванил мяьрипат.

Вава куццуй бучИссар ххал бигьин повестьравусса Асиятлул, Маймакил, Иллал мазругу. Повестьраву мьяйжаннугу мазрал гьарцагу инсаннал хасият яргну хьхьичИ дацІан дан кумаг буллай бур.

Повесть ххал бивгьуну махь, учительнал цува урувгун, оьрчІашал чичинсса сочинениялул тема цІакь дайссар.

Тема дикІан бюхьайссар та чІумалсса лакрал оьрмулуясса ягу повестьрал цума унугу геройнал сипатран хас дурсса.

К. Закуевлул бакъа, зунттал халкъуннал оьрмулуясса произведенияртту чивчуну бур МахІаммад Башаевлулгу. Мунал произведениярдашал дуклаки оьрчІру кІул хъанай бур 8, 9, 10 классирттаву, лакрал литературалул дарсирдай. Вава мьяйлчинмур классраву оьрчІру кІул хьунтІий бур М. Башаевлул чивчусса «Бавцусса душ» тІисса повестьрашал. КІулсса куццуй, М. Башаевлушалагу оьрчІру хьуна бакълай бур цалчин, мунин бувну повесть лахьлан байбишиннин, оьрчІру чичул биографиялушала ва ганал дурмунишала кІул барча, ххуйну хьунтІиссар.

Лакрал чичу М. Башаев увну ур 1910-ку шинал Карашиял шяраву, хьудугьу ХІажинал кулпатраву. ЧИвину унува ятинну ливчІсса МахІаммадлун чІявусса бакІран ккавккун бур. ЛичИ-личІисса пишарду бугълай, га Аьрасатнал тамансса кІанттурдайх увккун ур. 1938-ку шинал М. Башаевлул кьуртал бувну бур рабфак, 1942-ку шинал – военно-юридический академия. Буттал кІанттул цІанийсса Хьунмасса дяьвилул шиннардий га зий ивкІссар военюристну. Дяьви кьуртал хьуну махь, зий ивкІун ур МахІачкьалалив, портрал санитар хозяйстволул заведующийну.

Чичаврихун агьну махь, М. Башаевлул лакрал проза авадан бунни. 1956-кусса шинал ганал итабавкъунни «Бавцусса душ» тІисса повесть. Гания махь бувккунни ганал чивчусса тамансса романну ва повестьру («Ппухьлу», «Авххусса оьрчІ», «Ливхьсса душ», м.ц.). 1965-кусса шинал М. Башаев къамул увну ур Чичултрал кьюкьлувун.

Чичул «Бавцусса душ» тІисса повесть лахьланнин хьхьичИ учительнал дуклаки оьрчІру га къамул баврин хІадур бан аьркинссар. ХІадур бай

ихтилатраву бусайссар ва произведениягу зунттал халкъуннал оърмулукун хас бувсса бушиву. Бусайссар бушиву ва повестьравугу кИва куннийн ку къаршисса тухум ва миннал дянивугу хИусудшиву сакин хъанахъисса куццуя.

БучИссар бусан ва повестьрал геройтал К. Закуевлул чивчусса «Хъявринсса ччаву» тИсса повестьрал геройтурахагу лавхъхъусса бушиву.

Повесть лахъхъаврин хИадур буну махъ бучИссар учительнал лахълахъимунил мурад бусан ва гай луттирайсса бутИрая асар хъунми кИанттурду цала пасихИну буккин ва буккин бан оърчИахъ.

Повесть бувккукун оърчИан кИул хъунтИссар М. Башаевлул повесть хас буну бушиву кИусса, захИматсса оърмулун. Ванал маз бур пасихИсса, учалардал ва лувлякъурдал авадансса.

Ванал повестьрал образру дур яргсса, дакИний личИансса.

ОърчИал я бурган байссар повестьрал геройтурах: ца чулук бур мискинсса хИухчу Юсуп, ганал щарсса ПатИмат, душ Субайбат, хИалтИухъан Ильяс, Юсуплул ссурахъу Исмяил, гъарайзу Омари; вамур чулук тИурча, давлатлув Бусуди, ганал щарсса Загърат, арсру Асаду ва Васадугу, малла Апанни, ганал щарсса Маржанат, лямпИур Илчанат. Вай кИвайвагу чулухаллил халкъуннал куннал куннайнсса зид чан-чанну тИий ялун личлай бур.

Давлатлув Бусудихъан инсантал зимизруну чИалай бур, миннаннил дакъар цаяла къинилул лувма ивчИангу, къюкьин ангу. ХИату къувкъусса тИаннул чИавчИлулшиврий Асадул мискинсса Юсуп ивкИуну, ратИух лавгунни ва хъуслих къанихсса малла Апаннинал кумаграйну щинкИуй ашкара къахъунмур бунни. «Асадул бувсса бунагърал ялтту Аллагъ учИан аншиврул Юсуплул душ Субайбат цала арсанн Васадун буцин дакИнин багъсса Бусудин тИайлабацИу къавхъунни. Мискинсса бунугу Субайбатлуца цила ччаврихлу къанкъану бацИан бювхъунни. Цанма ччимур ччиний най аьдат хъусса Бусудихъангу, Субайбатлул цивппа къюкьин баву хъуннасса къартИану хъунни.

М. Башаевлул ва повестьрал геройтал сагъсса кунма чИалачИи буну бур ва гайннал хасиятругу оърмулуцИун даркъуну чИалачИи дурну дур. Повестьрал маз бур чИумуха ва гьуртту хъанахъиминнал хасиятирттаха лавхъхъусса.

Повестърал хъирив лаллалини оърчІал я бурган байссар гъануми ва гайми геройтурах, чичу цумий геройтурал чулий уссарив, ганал хъуннасса ччаврищал цума геройнал сипат щаллу дуллау уссарив.

«Бавцусса душ» тІисса повестърал анализ дан бучІиссар К. Закуевлул «Хъявринсса ччаву» тІисса повестъралсса кунна.

Цала повестъраву чичу хъар хъанай ур оърчІний цанма ккавкмунигу, лакрал халкъуннал творчестволийнгу, ганияр хъхъичІ чивчусса лакрал произведениярдайнгу. ЧІалай бур Курди Закуевлул «Хъявринсса ччаву» тІисса повестърал Башаевлул творчестволийн асар биян бувшивугу, дур ганиясса личІишиннагу.

БучІиссар оърчІащал «Бавцусса душ» тІисса повесть лахълахъини хъирив бацІан чичул цала повестъраву ишла бувсса мазрал пасихІшиврул ярагъунних. Повестъраву ишла бувну бур учалартту. Масала, «ОърчІ бивчІан чІила къалякъайссар», «РатІувнангу залли», «Жагъилнал дакІ, ттурлу кунна, цалий къадацІайсса затри», «ДачІу цІил дуркунал къулла щинал хІачІайссар», «Аьнхъа бацІан хъу дакъасса, хъацІ бацІан лухччи дакъасса», «Душ буцин кунал бакъари, бувцналли» ва м.ц.

Повестъраву ишла дуллалисса вай калимарттал буслай бур та чІумул, та заманалул хасшивурттаяту.

Вай лавай ккаккан бувсса учалартту бучІиссар оърчІахъхъун литературалул тетрадьрай чичингу бувну дакІних лахъхъин булун, му бакъассагу ххал бигъин бучІиссар оърчІащал вай учаларттал мяънардугу.

Повестърал хъирив лаллалини, оърчІал я бурган байссар повестърал мазрах, гивусса геройтурал мазрайну та чІумал тарихраву хъанай бивкІмур чІалачІи бувсса куццух. Масала, ««ХІанзагу, ХІанапигу дазул цІаний бивну бивкІсса хъу дакъарив?» – тІисса Бусудил мукъурттива бувчІлай бур хъуруннал цІаний хъхъичІазаманнай цикссагу къавгъавду, биявуртту, об экибутІавуртту шайсса диркІшиву.

Произведение лавхъхъуну махъсса жям бай дарсирай бучІиссар оърчІащал ххал бигъин повестъравусса мазрал пасихІшиврул ярагъру. Масала,

эпитетру: аьзисса Ватан, «аьзисса жалин», «аски душман», «лухИи кьини», «лухИи бала», «ттул чурххал чани», «яруннал чирахъ» ва м.ц. Ишла дурну дур чичул повестъраву лащан бавурттугу: «Ччан ччувччусса ччиту кунна ца кІанай къадацІайсса шярал тази чуннай ларгссарвав?» – тІий дур Загьрат Илчанатлуя ва дакъасса цайми лащан бавурттугу бучІиссар лякъин повестъраву.

БучІиссар ялагу цачІу бивхьуну ххал бигьин «Хьявринсса ччаву» ва «Бавцусса душ» тІисса повестирттавусса лавхьхьусса кунмасса геройтал ва ххал дигьин миннал хасиятирттал личІишиву. Повесть лавхьхьуну къуртал хьувкун бучІиссар чичин «Бахул ва Субайбатлул оьрмурду» ягу «Бахул ва Субайбатлул сипатирттал лащаву ва личІишиву» ва м.ц. темардайн бувсса сочиненияртту.

8 классраву оьрчІру лакрал литературалул дарсирдай кІул шайссар вава чичул «Ппухьлу ва авххусса арс» тІисса романдалушал. Ва роман дагьусттаннал литературалуву хьхьичІва-хьхьичІ тарихран хас бувсса роман чичинсса къаст хъанай дур. Мунийн бувну ва роман лахьланнин хьхьичІ оьрчІру ва лахьхьаврийн хІадур баву аьркинсса ишну хъанай бур.

ХьхьичІ мукьуву оьрчІахъ бусайссар романдалуву хъанакъимур ХІХ ттуршукулийсса иширттан хас бувну бушиву. Романдалул мурадну хьудугьултрал ва ханнахъал дянивсса энад ккаккан баву ва зулмулушал талан хІадурсса хьудугьулт лаккуй бивкІшиву чІалачІи баву душиву.

Роман бувккуну махъ оьрчІан кІул хьунтІиссар жула халкъуннал лавгсса оьрму, та заманнайсса багьу-бизу, аьдатру, куннал куннащалсса арарду, зунттал халкъуннал ас, намус, чувшиву, яхІ, кьирият, иш багьний чІарав бацІаву, ххарину хъамаличу къамул аву М. Башаевлун ххуйну кІулшиву. Мунищала архІал заманалун хасъсса лашинсса, къадарсса тІуллу дусса, хьуслил ва хьуншиврул цІаний ччимур лавмартшиву дан махьунмай къашайсса хантурал, багтурал ттуршама къатрал заллухьруннал халкъ лиллай, гайннал дянив ссивцІурду бичлай, сси бунай ссан дизлай бачин бувну бивкІсса оьрму чичул бюхъайссаксса хьирив лавну лавхьхьуну бивкІшиву.

«Ппухълу ва авххусса арс» тІисса романдалул цалчинмур бутІувусса ишру хъанай бур жула лакрал улклуй, ацІния урчІилчинмур ттуршукулул дайдохулий, Кавказуллал личІи-личІисса билаятру кув АьрасатнацІун цацІун бувну, кувгу буллалисса заманнай.

Чичул хъуннасса ччавулий ккаккан бувну бур романдалувусса гъануми геройтал – лакрал халкъуннал аслисса оьрчІру – хъудугъу Ших-Амир, ганал уссу яттихІухчу Шагъи-Мардан, Ших-Амирдул душ Мадина, ганал чІаххучув, ччимур пиша кІунттихъ бусса хъинсса чарил усттар Мамлак, ганал арс Халид, ханнал нукарну ухъурчагу, хъуннасса дуниялгу, оьрмугу ккавказса, халкъгу, гайннал оьрмугу ххирана ливчІсса Абакар ва цаймигу.

Илкинну, захІмат ххирану аьдат хъусса, так халкълавчинал каялувшиврулу бухъурча бакъа, жура-журалул залимтал, помещиктал бухІлай къабивкІсса халкъ Ттуплисливсса оьрус пачахІнал сардарнал амрулийну кураллацІун лакралгу ханну ивтсса, инсантурай рахІму къабайсса, цува хъун шаврил цІаний ччимур зулму ва лавмартшиву дан хІадурсса Аслан-ханнайн бигъа-бигъану мютІий хъун ччай бакъар. Мичча байбихълай бур романдалуву ккаккан бувсса ишругу.

Романдалул цалчинмур бутІувусса ишру Аслан-ханнал ва ганал цаппара нукартурал, Ших-Амирдул, ганал уссу Шагъи-Марданнул ва Ших-Амирдул душ Мадинал, Мадинах эшкъи хъусса ханнал нукар Мусалавл ва ганал нитти-буттал лагма хъанай бухъурчагу, буккултран чІалай бур га чІумалсса жула халкъуннал оьрму, хасиятру, ххаришивуртту ва дардру, хъуслий таксса инсаннал заллушиву дуллалисса заманалул къаршишивуртту, аваданминнал, хъуслил ва амрулул заллухъруннал ва захІматчи халкъуннал дянивсса талатаву.

Романдалул «Авххусса арс» тІисса кІилчинмур бутІул цалчинмунищал дур хъун дакъасса дахІаву. «Авххусса арс» тІисса бутІул мурад, магълул мурадраха лавхъхъусса бур. Ших-Амирдул душмантурал, ганал душнил арс Мамлак авцуну, чил кІанайн ахлай ур. Чивисса Мамлаклул бакІрачІан букъавкІсса бакъар. Га агълай ур яруссаннайнгу, туркнавунгу, гуржиявунгу. Ахирданийгу кІура аллай ур Дагъусттаннайн, ххуйсса душгу бувцуну.

Ва романдалуву личИи-личИсса миллатирттал дянивсса дусшиву яргну ккаккан дурну дур: Мамлак хьуна авкъунни душмантурашал, ламмамтурашал, амма ганан кумаг бансса инсанталгу чансса къавхьунни. Цала арс куна къамул унни та яруссанналгу, гуржиялгу.

Романдалул хьирив лаяврил кумаг байссар оьрчІан чичул маз бувчІин, гиву гьуртту хьанакъиминнал хасиятирттал хьирив лаян, чичу цуми геройтурал чулий уссарив бувчІин. Хьирив лаяву дан бучІиссар литературалул хрестоматиялий буллусса ва учительнал цала сакин бувсса суаллайну. Чичул мазрал хьирив лаяву мурадрай бучІиссар оьрчІашал ххал бигьин романдалуву ишла бувсса учалартту, бусалартту, лащан бавуртту, эпитетру ва м.ц. мазрал пасихІшиврул ярагьру.

Произведение лавхьхьуну къуртал хьуну махь, бучІиссар оьрчІахь чичин бан ва романдалул бутІраясса цала пикри.

## **МЯЙЛЧИНМУР КЛАССРАВУ ДРАМАЛУЛ ПРОИЗВЕДЕНИЯРТТУ ЛАХЬХЬАВУ**

Лакрал литературалул программалий, цамур журалул произведениярдах бурувгун, драмалий чивчусса произведениярдал аьдад чанну дур. Мукунсса произведенияртту чанну буллуну буссар ми ххал бигьин, бувчІин захІматсса бунутІий. Цукун бухьурчагу, драмалий чивчусса произведенияртту лахьхьаврил хьуннасса агьамшиву дур оьрчІан оьрмулувусса ххуймур бувчІаврин ва миннал маз магьир шаврин.

Драмалий чивчусса произведенияртту лакрал литературалул дарсирдай лахьлан байбишайссар мьяйлчинмур классрава тІайла хьуну. Шиву оьрчІру кІул хьунтІиссар Гь. Саэдовлул «Къалайчитал», М. Чариновлул «ХІавиват ва ХІажияв», А.-П. Салаватовлул «Айгъази», М. Аьлиевлул «Аздар ва Зайнаб» тІисса драмалул произведенияртташал. Му чІумалнин оьрчІраву цанна лархьхьусса драмалий чивчусса произведениярттаясса кІулшиву сакин шайссар, кІулшивуртту сакин шаврин кумаг бувссар телевизорданувухсса

личИи-личИсса пьесарду, ссихьрал театр ххал баврил, оьрус литературалул дарсирдай драмалул произведениярду лахьхьаврил.

Цаппара школарттай литературалул кружокру зий дур цила багьайсса куццуй. Ми кружокирттай, учительнал каялувшиврийну баснярду, хьуни бакьасса литературалул произведенияртту сценалий бишинну баххана бувну бихьлай бур. Вай давуртту сававну оьрчIаву драмалул произведениярттая, мунил хасиятирттая кIулмур салкьи хьанай бур.

Хьуна бакьай, драмалий чивчусса произведениярттал аьдад чансса духьукун, миннух багьайсса бургаву кьадурсса, миннул хьирив лаяву цайми журалул произведениярттаха лархьхьуссар тIисса кIантурдугу. Мукусса дарс дишаврил методика тасттикь дуллалаврил, личИи-личИсса журалул произведениярттал хасиятирттал дянивсса личИишиву лиххан дайссар.

Драмалул хасиятрах бургарча, му сценалий халкьуннал хьхьичI ккаккан бан багьлай бур, гиву гьуртту хьанахьиминнал хасиятру дурчIин кумаг буллай бур чичул бувсмунийну, чивчумунийну бакья, гьуртту хьанахьиминнал куннащал кунналсса ихтилатрал, мазрал кумаграйну.

Авторнал, чичул цала чивчумунил чулухуннайсса ургаву драмалул произведениярдаву цайми журалул произведениярдах бурувгун, кIучIну, кьютIну дур. Му кIул даншиврул бувккун, гьарзат хIисавравун лавсун, пикри бан багьлай бур. Дуклакиминнаща, чичул тIайланмасса кумаг бакья, гьуртту хьанахьиминнал цащала цаласса, цайминнащалсса занакьулу шаврил кьяйда, чирчусса куццуйн бувну, хьанахьимур, ишру хьанахьисса чIун, миннал лагма-ялттумур, ми ялун бурувгун цукунсса буссарив, ихтилат баврил жура хьхьичI бацIан бан бюхьан аьркинссар. Буклакиманан бувчIин ва асар хьун аьркинссар геройнал мукьурттиву ва кьеллаву лабивкIмур ва миннал дакIниву бумур.

Ялув кIицI бувсса куццуй, драмалий чивчусса произведениярттал гьанумур хасиятну хьанай дур га сценалий бишин, театрдануву ккаккан бан хасну чивчуну бикIаву, мунил кIилчинмур оьрму театрданул кумаграйну байбишаву.



Драма – пасихІсса чичрулул ца жура хъанай бур. Аьмну лавсун бургарча драма кІия, шама, мукъа ва ххишаласса инсантурал геройтурал буллалисса гьалгъа хъанай бур. Миву чичул цала чулуха дуллалисса бувчІин бавуртту чанну дур, анжагъ диалограйхчІин хъанахъисса ишругу, инсаталгу ккаккан буллай бур.

Агана литературалул цайми жуардаву (романдалуву, повестьраву, хавардануву, лирикалул произведениярдаву) геройнал лагма-ялттусса тагъар, ягу мунал сипат, хасият, буллалисса пикри, миннун бишлашисса кьимат, чичул цала мазрайну чІалачІи бувну бикІайхъурча, драмалуву ми гъарца зад геройтурал куннашал куннал буллалисса гьалгъалийну зана-къала хъанахъаврийну, пикри-хІисав дуллалаврийну ккаккан дурну дикІайссар.

Драмалуву геройтурал куннайн ку шаву, къалмакъал шаву (конфликт) чара бакъар дикІан аьркинссар. Му шавугу хІалли-хІаллих тІий гуж хъанай дачайссар, циняв ишругу мунил лагма шайссар.

Драматический произведениярдал мурад инсантал, гайннал ишру ккаккан бавур, амма гай театрдануву, сценалий ккаккан банни чивчусса. Мий произведениярттаву чичул цала бусласимунил хъинну чІивисса кІану бугълагъиссар. Так произведениялул байбихъулий драматургнал ккаккан байссар пьесалуву гьуртту хъанахъими, ца-ца чІумал гайннан кутІасса характеристика дулайссар, иш та чув хъанахъиссарив ккаккан байссар. Драматический произведениялуву хъуна дакъайссар чичул хъинну кутІасса замечанияртту цалгу сценалийн цу увкІиссарив, гьуртту хъанахъиминнан ци асарду хъуссарив ва м.ц. ХъунмурчІин драматический произведениярдаву ишлагу хъанай, ихтилатгу буллалиссар гиву гьуртту хъанахъиминная. Гьуртту хъанахъиминнал куннашал кунналсса ихтилатирттайн диалогру учайссар. Цума унугу цания-ца гьуртту хъанахъиманал цахъва цала бикІу, цайминнахъ бикІу буллалисса ихтилатрайн монолог учайссар.

Диалогирттаяту драматический произведениярттаву ляличІисса тІалавшинна дуссар: диалог дикІан аьркинссар пьесалуву хъанахъимуницІун дархІуну, га хъиннува куртІ буллай, гивумур ттириххин буллай.

Пьесалуву хъанахъимунил тагъар кутласса мукъурттийну бусаврийн ремаркарду учайссар.

Драматический произведение бачлассар бутлрайх. Гай бутлрайн пардаврттту учайссар. Пьесарду хъуна бакъайссар дахъа ца пардавлисса ягу члЯру пардавртттайсса. ЧлЯруну гъарца пардавгу суратиртттайх-сценардайх дачлассар суратругу буккавртттайх дачлассар. Му дачлассар сценалийн цайми гъурттту хъанахъими буккаврину ягу гайннал дуллалимур даххана шаврийну.

Гъарца буккавил, сценалий хъанахъимур члалачли бавриву ца балжисса бутла сакин буллалиссар.

Драматический произведениярдаву пардаврттту, суратру, сценартту, буккаврттту, куннишал ку дархлуну дуссар гайва гай гъурттту хъанахъиминнайнугу, га хъанахъисса иш хъхъичлунмай нанавринугу.

Гъурттту хъанахъиминнал тлутлссса кутласса махъру ягу гаманал жаваб дулаву тлалав дуллалисса, гайннал хъиривппа хъиривсса ихтилатрайн репликартту учайссар.

Члалачлссса куццуй, чичу драматический произведениярттаву гъурттту хъанахъиминнал оърмулия, хасиятирттая цичлав къабувсун, миннал дуллалимур занакъалашин члалачли дуллай ур.

Драмалул ва хаварданий чивчусса произведениярдал дянивсса личлишиву ххал дигълагъини оърчлал цанна ялун бурувгун члалачлссса личлишивурттту кллцл лагайссар: произведение гъурттту хъанахъиминнал куннашал кунналсса ихтилатрая сакин шаву: бутлрайх (пардавртттайх) бачлаву; произведениелул хъхъичл гъурттту хъанахъиминнал сияхл дулаву; пьесалуву гъурттту хъанахъиминнал занакъулушаврил къяйда бусласисса кутласса чичру. Вай личлишивурттту оърчлан оъруснал литературалул дарсирдаягу клулну диклассар.

Учительнал мурадну хъанахъиссар оърчлру цаймигу драмалун хасъсса лишаннашал клул баву, авторнал цала чивчумунил чулунмайсса ургаву клул дан, буклакисса драмалул произведение хъхъичл бацлан бувну, мунил

тамаша читал хъун, тIайлану пьеса буккин, мугу цинна хасъсса лишаннашалсса литературалул произведение бухьукун.

Драмалул произведениярттаву хъанахъисса ишру хъун дакъасса чIумуй хъанай бур.

Буклакима ва роль дугълагъисса актёрнаша герой хъхъичI ацIан ан бюхъаншиврул, авторнал герой цаятува цува бусласи уллай, цайминнашал бяст буллали уллай, цаламур тIайла буллали уллай, цала хасиятраха лавхъхъуну занакъулу хъанахъи уллай ур. Геройнал хасиятрая, ганал занакъулушиннарая, лагма-ялттуминнашалсса арардая буслай бур цайми пьесалуву гьуртту хъанахъимигу. Геройнал дакIнил хIал кIул бан кумаг буллай бур авторнал кутIасса бувчIин бавурттал (ремаркардал). Мунияту драмалий чивчусса произведениярдал хъирив лаллалени, оьрчIал я бурган бан аьркинссар гьуртту хъанахъиминнал куннал кунная тIутIимуних, авторнал хъуни дакъасса бувчIин бавурттах – яла-яла гьуртту хъанахъиминнал мазрах, миннал дакIнил хIал-ахIвал; асарду, ми цивппа ци журалул инсантал буссарив бувчIин кумаг буллалисса.

Драмалий чивчусса произведениярттал геройтурал куннан-ку щаву дархIуну дур мудан оьрмулуву хъанахъисса иширттащал ва чIумуштал. Пьесалувусса куннайн ку щаврил (конфликтрал) хъирив бацIлацIисса чIумал, оьрчIру кIул шайссар геройтурал хасиятирттал ва гайннал дуллалимунин, къеллан савав хъумунил, миннал оьрму бутаврил журалуштал.

Драматический произведенияртту ххал бигълагъини, учительнал хIарачат бан аьркинссар оьрчIал хъхъичI бацIан бан геройтал занакъулу хъанахъисса кIану, цивппа геройтал. Миннал сипат, гъалгъа баврил жура, чIу.

Пьесалуву хъанахъимунил сурат хияллаву хъхъичI дацIан дан кумаг байссар учительнал оьрчIахъ пьесалул бутIри цила ягу хъхъичIава хIадур увсса оьрчIал пасихIну, бюхханну букваврийну пасихIсса букваву магнитофондалийн чирчуну, оьрчIру муних вичIи дишин баврийну.

ОьрчIал хияллаву хъхъичI бацIан баврил бюхъу итххяххан бан кумаг байссар чичрулул давурттал (масала, «Инава пикри ба цукунсса ухъунссар

гьуртту хъанахъима ялун бурувгун») ми давурттал оьрчIру авторнал хъанахъимур бувчIин буллалисса мукъурттих, гьуртту хъанахъиминнал ягу гаманал жаваб дулаву тIалав дуллалисса махъва-махъсса ихтилатрах, геройнал занакъулушиндарах, ганал лагмаминнал чулухунмай ва лагмаминнал ганал чулухунмайсса ургаврил хIисав ласласи байссар.

Драмалий чивчусса произведенияртту лахълахъини учительнал оьрчIан бувчIин бан аьркинссар сценалий хъанахъимур. Мукунсса произведениярттал хъирив лайни, учительнал буржри бувчIин бан произведениялул лавгмунищалсса ва багъу-бизулушалсса дахIаву, му бувчIин баврил оьрчIан чIун ва ишру нанисса кIану хъхъичI бацIан бан кумаг бантIиссар. Произведениярттаву хъанахъимур учительнал оьрчIал хъхъичI бацIан байссар ваца хъумур чичул цала произведениялуву чIалачIи бувсса кунма, мунияту оьрчIал хъхъичI бучIиссар бишин масала – кIул дан произведениялул тема, чичу яхъанахъисса чIумул цукунсса иширттацIун бавхIусса масалартту гъаз буллай бузив произведениялуву ва цукун ххал бигълай бузив.

ВайннуцIунма бавхIуну ххал бигъайссар авторнал цала чивчумунихсса ургаву, цукун бюхълай узив чичуца сценалийсса иширттавух хIала къаувххуна, геройтурал дуллалимур дурчIин къадурнува, гайннал чулухунмайсса цала ургаву букъавсун бунува, ккаккан бан пьесалуву чIалачIи бувсса оьрмулухсса ургаву. Пьесалул геройтурал чулухунайсса чичул ургаву кIул къадурссаксса, оьрчIан пьесалул мяъна къадурчIайссар.

Чичул гьарца геройнал чулухуннайсса ургаву дурчIиншиврул оьрчIал я бурган байссар цума геройнал мазрал хъирив цукунсса бувчIин баву дурну дурив, ганих гайми гьуртту хъанахъими цукун гъалгъа тIий бузив, гьуртту хъанахъиминнал тIутIимунил ва дуллалимунил дянив цукунсса ара дурив.

Масалдаран ласунну «Къалайчитал» тIисса лакрал литературалуву хъхъичIва-хъхъичI чивчусса пьеса. Шивусса гъанума герой АхIмад цукунсса уссарив оьрчIан ва произведение буккиннинма, чичул гьуртту хъанахъиминнал сияхIраву дуллусса чIирисса бувчIин бавриву чIалай бур: АхIмад – 45 ш. чIири кIяла хъанан бивкIсса, илтIасса, тIабиаьт кIюласса къалайчи. «ТIабиаьт

кЮласса» тИсса мукъурттийну бувчІлай бур АхІмад щалара хасиятрал ххуйсса инсан акъашиву.

«Къалайчитал» тИсса пьесалуву чІалачІи увну ур пайдалун АхІмадлухъхъун арцу дуллусса ХІажи, мюталимшиву къариртун, хъатІи бан арцу ляхъин увкІсса Макъсуд, ва мюрщисса чагуртътал Камил ва Ильяс.

Драмалун хасну къалайчитурал дяниву хъуннасса къалмакъал хъанай дур. Муниин сававгу халкъ кІива бутІуйх бачІаву дур: думиннайх ва дакъаминнайх, миннал кІивайнналлагу дяниву къаршишивуртту дур. Ми гъарца чичул ххаллилсса суратирттайну чІалачІи дурну дур.

Масалдаран ласунну гуртту хъанакъиминнал кунная-ку буллалисса ихтилатрал инсан увчІин цукун кумаг буллай бури. Пайдачи ХІажинал сипат хъхъичІ дацІан дан кумаг буллай бур цайми гиву гуртту хъанакъиминнал тІутІимунийну. Муниин АхІмад тІий ур: «Ккашилсса бурцІил чІилуй рахІму банссар кІанал инсаннайнир. Ттул мюрщисса оърчІру биххарчагу къаацІантІиссар». Макъсудлул ХІажина хъиннува куртІну ва кутІану тІий ур: «АцІила хІажлин гъарчагу адимина къадарсса ур».

Драмалул произведенияртту лахълахъини, мазрал пасихІшиврул ярагъунниин цІусса кІулшиву дулаву дакъасса, хъхъичІра лархъхъумигу тикрал данмур байссар. Цинявгу драматический произведенияртту ххал бигълагъини, хъунмур я бурган байссар ва журалул произведениярттан хасъсса геройтурал хасиятирттах, чичул цала произведениелува хъанакъимуних, гиву гуртту хъанакъисса геройтурахсса ургаврих, личІи-личІисса журалул чуллу кунниин-ку щаврих.

Произведение лахълахъини, циняв произведениялул бутІри (пардавртту) ца куцсса куртІшиврий ххал къабигъайссар, хъирив лаян личІи байссар мяъналул чулуха агъамми бутІри, ми цила кІанттайн бутун ххал бигълай, дуклаки оърчІан пьеса цила багъайкун буккин лахъхъин байссар.

Ххал бан бучІиссар хъирив лаян личІи бувсса бутІул гайми бутІращалсса дахІаву. Произведение ххал бигълагъини булайсса суаллу бикІан аьркинссар

оьрчІру пикри буллали бан кунмасса, произведение лахъхъаврих гъира бутансса.

Лакхълахъимур вив итабакъаврин агъамшиву дуссар буккун оьрму кІулшиврул ва мунал культуралул даражалул. Мунияту учительнал бурж хъанахъиссар чІярусса шиннардил хъхъичІ чивчусса произведенияртту оьрчІачІан гъан баву, мивусса агъаммур ва мукъул буклакиманайн биян буллалисса асар бувчІин кумаг баву.

### **1) Байбихъулул дарс.**

Лакрал литературалул дарсирай драмалий чивчусса произведение лахълан байбишиннинсса ихтилат мунил хасиятрах темалух бурувгунни байсса. Вай журулул произведениярдаву авторнал бувчІин бавуртту дакъашиврийн бувну, учительнал аьркинссар цала бусаву оьрчІан ва журулул произведение бувчІин кумаг банну дан. Учительнал бусаву дайссар произведение чивчусса чІумуя, му чІумал тарихраву хъанай бивкІсса иширттая, мунил сценалийсса оьрмулуя. Канилу духъурча ишла дайссар мивусса эпизодирттал суратру ва бусайссар рольлу дугълай бивкІсса артистътурая.

Пьеса буклан байбихълахъини, цал оьрчІру кІул шайссар циняв гъуртту хъанахъиминнал сияхІращал. Лирикалул ягу хаварданий чивчусса произведенияртту лахълахъини, оьрчІру тачІав най бунува циняв геройтуращал кІул къашайссар. СияхІраву ми буллуну бикІайссар куннал ку хъиригъан-маччашиврух бурувгун.

Масала, «Къалайчитал» тІисса пьесалуву ккаккан бувну бур: АхІмад – 45 ш. чІири кІяла хъанан бивкІсса, илтІасса, тІабиаьт кІюласса къалайчи.

Макъсуд – 23 ш. жагъилсса, илтІасса бюхттулсса, дуклай ивкІсса, цІана къалайчи.

Аьли – 25 ш. газет буккайсса, цІуаьдатру ххирасса, оьрус янна лархсса, тучанчи.

Къурван – 20 ш. оьттуйн увксса (оьттулучув).

Илья  
Камил } чагурт оьрчІру

Шил диян дуву.

Ва пьесалуву чансса-бунугу гьуртту хъанахъиминнаясса дурчІала дуллай дур сияхІрал. АхІмад – хасият кІюласса, илтІасса тІисса мукъурттил буслай бур га оьсса, сси бизайсса ушиву, чІалай бур ганал оьрмугу шала бигъасса бакъашиву.

Макъсуд – жагъилсса, илтІасса, дуклай ивкІсса, цІана къалайчи тІисса мукъурттийну чІалай бур жагъилнал дуккаву къуртал къадуршиву, мунахун му къуртал дан ци дунугу дахчушиву, илтІашивугу мунал дархІуну душиву я цІуцІаврищал ягу захІматшивурттащал.

Аьли – газет буккайсса, цІуаьдатру ххирасса, оьрус янна лархсса тІисса мукъурттил бувчІин буллай бур ва газет буккансса чІунгу дусса, оьрус янна лаххансса кашигу дусса, кутІану учин оьрму ххуйну бутлатисса инсан ушиву.

А. Салаватовлул чивчусса «Айгъази» тІисса драмалуву дуллуну дур так гьуртту хъанахъиминнал цІардал сияхІ куннал хъирив ку гъан-маччашиврух бурувгун:

1. Къанбулат.
2. Къанитат – кІанал щарсса.
3. Айгъази – кІайннал арс.
4. Умав – кІанал дус.
5. Тавсултан – баг.
6. Бика – кІанал щарсса.
7. Умалат – Тавсултаннул инсан (зузала).
8. Суйдух – къараваш.
9. Къараваш душру: 1-къараваш, 2-къараваш.
10. Гюлкъиз – Айгъазинал буцай душ.
11. Сакинат – кІанил дус душ

ва м.ц.

Ва драмалуву гьуртту хъанахъиминнал цІардащал цукунчІавсса бувчІин баву дурну дакъар, амма бувчІлай бур гьуртту хъанахъими кІива бутІуйх бавчІуну бушиву, чІалай бур бушиву баг ва мунал зузалт, бика, къараваштал.

Ягу ласунну «Хавиват ва Хажияв» тисса пьесалуву гьуртту хъанакъими:

1. Хавиват – 20 шинавусса душ.
2. Хажияв – 22 шинавусса оърчІ.
3. АгІа – хъуннархъусса шарсса.
4. Исрапил-Аъли – Хавиватлул ппу, 55 шинавусса.
5. Хадижат – мунал шарсса 50 шинавусса.
6. Миясат – Хавиватлул дус 20 шинавусса.
7. Нураттин – Хажиявлул дус 21 шинавусса.
8. СултІанат – Хавиватлул ссу, 10 шинавусса.

Пьесалуву гьуртту хъанакъиминнал сияхІрайн буну ва пьесалул цІанийн буну чІалай бур шиву хъанакъисса ишру агъамми – жагъилсса Хавиват тисса душнил лагма хъанай бушиву. Мукумма вайми драмалул произведениярдащал кІул шайнигу цанма лавхъхъусса кІулшиву, гьуртту хъанакъиминнал сияхІрайну хъанай дур.

Муния махъ оърчІру цуппа произведениялул текст дуккаврийн бучІайссар. Пьесалул ялув зузисса чІумалсса гъанумур масалану хъанай бур оърчІру пьесалул журалуштал, куннаштал куннал буллалисса ихтилатрал ляличІишивруштал кІул баву. Му даву ца дарсирай дурну къуртал къашайссар. «Къалайчитал» тисса пьеса лахълахъини дайдирахъуну му даву дачин дайссар «Айгъази», «Хавиват ва Хажияв», «Аздар ва Зайнаб» тисса пьесарду лахълахъинигу, классрал къатІувсса буккавил дарсирдайгу.

ЧІалачІисса куццуй, драмалул произведенияртту лахълахъини хъхъичІ аьркин хъанай бур пьеса цила багъайсса куццуй букин лахъхъин, ва мунил хасиятраштал кІул хъун. Цумур бунугу драматический произведение лахълан хъхъичІ учительнал цала мукъуву бусайссар пьеса чивчуманая, га чичин савав хъумуния ва га пьеса чивчусса чІумул хасиятрая.

Гъ. Саэдовлул чивчусса «Къалайчитал» тисса пьеса лахълан хъхъичІ оърчІахъ бусайссар чичул оърмулуя ва дурмуния, бусайссар мукумма ва лакрал литературалул тарихраву хъхъичІва-хъхъичІсса драма бушиву, цуппагу хас



буну бушиву лакрал захІматкашнал кѳумасса, захІматсса оърмулун. Бусайссар мукунма шиву чичул чІалачІи буну бушиву чил билаятирттайн лавгун зузисса лакрал хІалтІухъантурал захІматсса оърму. Пьесалул геройтал – АхІмад, Макъсуд, Камил, Ильяс – хъхъу-кѳини кѳакуну дуссукуъатлуву зий бунувагу ми ссайнкІуй буклай бакъашиву. АхІмад цайвасса бурж лахъаншиврул, цувагу зий, махъми чагуртѳталгу гужрай зузи буллау ушиву. Бусайссар мукунма миннан кѳадиркІшиву я лякѳа дуччинсса дукра, я шану, я бигъалагаву, заѳв бувксса, багъІатІ хъусса чагуртѳтал АхІмадлуя цанна дагъаймур тІалав дуллау бикІаврия, АхІмадлул тІурча, миннай хъиннува зулму буллау, ми ххишала яхІ бан кѳабюхъайсса кІанттайн биян буну бикІаврия.

А. Салаватовлул чивчусса «Айгъази» тІисса драма лахълан хъхъичІ оърчІру кІул байссар кѳумукънал чичу Салаватовлушчал ва мунал дурмунишчал. Бусайссар пьеса «Айгъази» халкъуннал дакІнихсса творчестволул гъанулий чивчусса бушиву. Ва пьеса Айгъазинал бакІрачІан ца хъхъунил лажиндарай бувкІсса «шанма ламусрал» хІакъиравусса халкъуннал балай гъануну лавсун бушиву «Айгъазинал балайлуву» кунма, га произведениялувугу ХІХ ттуршукулул кІилчинмур дачІиннуй хъусса иширттая буслай ушиву автор.

Бусайссар мукунма драмалувусса ишру кѳумукънал ца шяраву хъанай бушиву.

Айгъазинал сипат захІматчи халкъуннал тархъаншиврул ххуллий ва гайннал инсаншиврийсса намус ябаврил ххуллий цувалу талай ивкІсса, оърмулуву хъуна бакълай бивкІсса геройтуран хасъсса сипат душиву.

Пьесалуву гъуртту хъанакъисса зулмукар Шамхал, баг Тавсултан ва миннаха лавхъхъусса цаймигу оърмулуву бивкІсса кѳумукънал феодалтал хъанай бур. Миннал буллау бивкІсса зулмурду халкъуннал цала балайрдаву ва бусласисса хавардаву чІалачІи буллау бур.

Ягу ласунну «ХІавиват ва ХІажияв» тІисса М. Чариновлул чивчусса драма. Ва лахълай байбишиннинсса хъхъичІмукъуву оърчІру кІул байссар М. Чариновлул оърмулушчал ва дурмунишчал. Бусайссар Чаринхъал МухІуттин лакрал буккултран кІул хъушиву ганал чивчусса «ХІавиват ва ХІажияв»,

«Шагъалай», «Шумайсат» тїсса пьесардаїну ва мукунма ххаллилсса назмурдаїну, поэмардаїну ва мюрщи хавардаїну. Кїул байссар оьрчїру пьесардаїну чичу зунттал хъаннил масалартту гъаз буллаї ивкїшиву. Мий пьесардал геройтал хъами бушиву миннул цїардалва буслай бушиву, пьесардаву ккаккан дурну душиву личїи-личїїсса чїунну. «Хїавиват ва Хїажияв» тїсса пьесалуву чїалачїи дурну дур дявїлул шинну, (амма бувчїинну бувсун бакъар гай граждан дявїлул шиннував, ягу дуняллул дявївав). Амма бувчїлай бур Хїажияв дявїлин лавгун, га ивщуну занав шаврия бусласїсса хаварданїн бувну, га гъансса кїанайсса Лаккуя, Дагъусттанная арх бакъасса кїанайсса дявїи бушиву. Миккугу буклакинан бувчїлай бакъар дявїи щїл цїанїїсса, ссал цїанїїсса буссарив, Хїажияв дявїлин щїхлу талан лавгссарив, чичул мурад, чїалачїїсса куццуй, му бувчїин баву бакъарча, му чїун хїисавравун ларсун, лакку щарссанїл, жяматрал вив бувгъусса кїантту ккаккан баву, ганїл хїал-ахївал ккаккан баву дур. Бусайссар оьрчїлахъ мукунма чичу оьрмулуву арамтуращал архїалсса ихтиярдацїа хъусса, культуралул чулуха махънїн багъсса, къатта-къушлил даврил хъунмур гъїву цїла хъачїунттай дїрхъусса зунттал хъаннїї аьтїї ушиву. Чарїновлун чїалаї бивкїшиву хъаннїл элму дуккаврїву, хъами чантї учаврїву ялун нанїсса чаннасса оьрмулун хъуннасса агъамшиву душиву. «Хъами чантї учаву, – тїї ур Мухїуттїн, – му ялун нанїсса нїк чантї увкусса шавур». Оьрчїру тарбїя баврїву хъунмасса кїантту нїттихъал бугълагъїшиву буслай ур: «Накїлищал лавхъхъумур – бивкїлулущалли къабїтайсса» тїї.

М. Аьлїевлул чївчусса «Аздар ва Зайнаб» тїсса пьеса лахъхън хъхъчї бучїїссар бусан шїву хъанахъїсса ищру лакрал яла оьма ханнал Агълардул заманнай хъанай бивкїшиву. Шїву ккаккан дурну душиву га заманнул тїайла дакъашївуртту, мїскїнмїннай, цала лажїндарайн махъ учаймїннай ханнахъал буллаї бивкїїсса зулмурду, мїннан буллаї бивкїїсса танмїхїру. Бусайссар оьрчїлахъ цївппа ва произведениелуву хъуна бакънїшиву ттїннїнгу цана кїулну ивкїїсса Бархъаллал Давдїщалгу, чїївїсса задралшїврїї сагъну унува

џилданувун увтун ивкІсса вихъличунащалгу, хъунив хъуну, къашавай бунува ханнаха зузисса мискинсса халкъуннащалгу.

ОърчІан кІул хъунтІиссар цуксса зулмулулу ливчІун бивкІнугу, тІайламунилшиврий талатисса вирттал халкъуннал дянивату буклай ханнахъащал талай бивкІшиву.

Произведение лахъхъин хъхъичІ байсса ихтилатрал оърчІру га бувчІаврин, вив итабакъаврин хІадур бувссар. Хъиривми дарсру произведениялул хъирив лаяврин, му бувчІин баврин хас дайссар.

Дарсирай щала произведение бугу-бувккуну му ххал бигъинсса чІун къашайссар, мунин бувну классраву кІул шайссар произведениялул агъамми бутІращал, ми бутІри лахълахъини учительнал хІарачат байссар бувчІин бан произведениялул сакиншинна, мунил мурад, гъанусса мяъна, гъуртту хъанахъиминнал дянивсса арарду. ОърчІал я бурган байссар миннал цащала цаласса ихтилатрах, чичул бувчІин бавуртта.

Утти кутІану баџІанну оърчІан лахъхъин аъркинсса драматический произведениярдал жуардай.

Драматический произведениярдал жуардуну хъанай бур: комедия, драма, трагедия. Мйялчинмур классрал хрестоматиялуву бур оърчІан лахъхъин ккаккан бувну драма ва трагедия. Бурганну вай драматический произведениярдал жуардах.

Сценалий чІалачІи буллалисса иширттаву гъуртту хъанахъисса кІива личІи-личІисса группардал инсантурал дянив бунияласса талатаву ккаккан дуллалисса пьесалин драма учайссар. Драмалуву гъуртту хъанахъими авторнал чулуха виричусса иширттавух, нигъачІавривух, захІматшиву ккухІавривух ца-ца чІумал, тахсирлувсса иширттавух хІала буллалиссар ва мунийну тамаша буллалиминнаву џими ягу обхІалшиву аьлтту хъун дуллалиссар. Драмарттуну хъанай бур «Айгъази» тІисса А. Салаватовлул, «Аздар ва Зайнаб» тІисса М. Аьлиевлул, «Къалайчитал» тІисса Гъ. Саэдовлул пьесарду.

Трагедия учайссар гьуртту хъанахъими гужсса хасият дусса, цала лагма-ялтту хъанахъиминнушал дакъаву дакъасса куццуй къаршину буклакисса машгьурсса инсанталну ккалли хъанахъисса драматический произведениялийн.

Трагедия къуртал шайссар ганиву гьуртту хъанахъима ивчІаврийну. Трагедиярттуну хъанай бур М. Чариновлул чивчусса «ХІавиват ва ХІажияв», «Шагъалай» тІисса ва м.ц. пьесарду.

Комедия учайссар диялдакъашивуртту къякълухун дихълахъисса инсантал хъянсса куццуй чІалачІи буллалисса пьесалийн. Комедиялуву гьуртту хъанахъиминнал дянивсса рагълагъавуртту хъянсса дикІайссар, ганиву гьуртту хъанахъими хъянсса тагъарданийн багълагъиссар.

## **2) Драмалий чивчусса произведениярду ххал бигъаву.**

Драмалий чивчусса произведенияртту ххал бигъаврин, миннул хъири в лаяврин хъуннасса агъамшиву дуссар бувчІин буллай дурсса дуккавил. Буккаву дайни, произведениялул мурадрая, гивусса ишру нанаврия кІулмур чІяву шайссар. Мунил тІурча произведениялул хъири в лаяврин, ганил гъанусса мяъна, гьуртту хъанахъиминнал хасиятру дурчІаврин агъамшиву дуссар.

Пьесалул мяъна дурчІин даву дайдишайссар ишру хъанахъисса кІану ххал бигъаврия, мунил агъамшиву дуссар чичул пикри ва хъанахъисса иширттал хасият дурчІин даврин.

Гъ. Саэдовлул чивчусса «Къалайчитал» тІисса пьесалуву хъанахъисса ишру дуссукъатлул къатІув личлай бакъар. Дуссукъатта ганал чІалачІи бувну бур:

Къалайчитурал дуссукъатлул махъсса, цинявппа щябикІайсса къатта. УрчІа чулуха ххуллу, кия чулуха лахълу-шану, тІайланма магъучІан гъанну кІива подвалданул чІавахъулу, лахълу-шанин бувтун ца чІивисса бартбису, шану-кІаралу, мюрттайх лархъун янна, къяпри, ххаржант, нузал чІарав, мурцІув самовар. Дуссукъатлува чІу.

Ишру хъанахъисса кІану ххал бивгъуну махъ, байбишайссар пьеса бувчІин буллалисса буккаву, му буккавил оърчІан шаппа бувккуну лавхъхъумур гъарта бан кумаг байссар. Шаппа бувккуну оърчІан ялттува

бувчІуну бикІайссар, цанчирча драмалул произведенияртту буккин ва бувчІин захІматсса бикІайнутІий, классраву учительнал каялувшиврийну дурсса буккавил пьесалул мурадрая бувчІумур гьарта байссар.

ОьрчІашал пьесалул цалчинмур сурат дуклай байбишайхтува хьхьичІ бацІлай бур кьалайчи АхІмад ва чагурт оьрчІру. Миннал куннал куннайнсса энад миннал ихтилатрава бувчІлай бур.

ЗахІматну дириллалисса арцул ва жапасса даврил зид бувтун бур дянив душманшиву дакъасса, куннан ку ххуйну кІулсса, ца шяравасса гьансса инсантуравун. Цалчинмур буккавиву хьуна бакьлакьисса чагурт оьрчІал Илияслул ва Камиллул цала усттарнайн, АхІмадлуйн, «аждагьа» тІий бур. Уттигу мюрщинувасса, тІуркІу тІун гьиралийсса гайгума, усттарнал арцу ххал хьукун, байлитІун кьахъанай гайннуя буслай бур, цала багьайкун арцул лишанну кІул дан буванугу.

Цалчинсса буккаву дан аьркинссар учительнан цанна, бувчІин бавугу дуллай. Щаллунма пьеса дарсирай буккин кьашайссар чІун ссуусукьусса душиврийн бувну, буккайссар агьамсса кунмасса, оьрчІан гьанусса мяьна дурчІин кумаг буллан кунмасса бутІри. Агарда учительначІа бухьурча магнитофондалий чивчусса пасихІсса буккаву, бучІиссар муних вичІи дихьлай бувккумур бувчІин бангу.

Пьесалуву гьарца хьанахьимур бакІрая ахирданин бияннин ккаккан бувну бур дуссукуьатлул махьсса уттубишай кьатлуву.

Гания гихунмай буккаву дуллалини оьрчІал я бурган байссар АхІмадлулмур хасият ххал дигьин кумаг буллалисса кІанттурдах.

ЧалачІиссаксса АхІмад цаманан оьбала бан ччисса кунасса адимина чІалай акьар, амма захІматсса оьрмулул, цанма ккаккцириннул, муная ччяни ссибизайсса, хасият кІюласса инсан хьуну ур. АхІмадлун бурж лахъан, арцу лякьин ччай дур, мунияту цанмавагу хавар бакьанма чагуртътурал захІмат канакисса зулмукар хьуну ур. Мюрщисса бухьурчагу, Камиллун, Ильяслун чІалай бур мунал цала захІмат канай ушиву ва муная цала захІматрал хІакь тІалав буллай бур. Ми тІалавшиннарду сававрай АхІмадлул ва миннал дянив

тІааьн дакъашивуртту хъанай дур. ОьрчІай зулму бушиву чІалай бур АхІмадлучІан буххайсса лакран Къурваннун ва Аьлингу. Къурван АхІмадлухъ тІий ур «ХІакьину нюзмар кьини дакъарив, гай оьрчІру гьан бува тІуркІу бан, муданма бугъливу къабучІирхха». Мунин АхІмадлул тІий ур: «Гъай Къурван, ина мукун маучара, ттун тІуркІу тІисса махъ хъама бивтун ряхра шинни. На кІюрххищІун ивзун, хъатІая кІира, шанна ссят гьаннин зий чІалай акъарив вин? Нюзмардий кІийла гъелисса дукра дуکان хъанай акъара, шиная лавгун ца барз кулпатрачІа бан хъанай акъара. Кьини зукъазий гьан дан шайсса кІанайн ияйссания, ликкан дан хъуния вай гьивурду. Ца ссихІ гьартану ласун шайссания ци бия. Уттигу чагъар бувкІунни кІа ХІажи тІисса ккаччил мугълат бакъа арцу дула тІий ур, тІий. На ци бави, уссу?»<sup>1</sup>

ЗахІматсса оьрмулул мунаву дусса циняр ххуйми хасиятру духлаган дурсса хханссар. Ца минутрал дянив му цимирагу журалийн укІлай ур.

Масала, ХІажинал цяятува аьрза бувшиву баяйхту, му тІий ур: «Бувссарив аьрза? Бувссарив? Ивссарав мурадлайн? Дигъа ларгссарив аьрсса дакІ? Хъунмавхъу ттуккуй, аьрза бувсса бакъарив ина, инсап дакъуй, ацІу ина ацІу»<sup>2</sup>.

Ттучанчи Аьлил ХІажинан дулун диял къахъанахъисса арцу дузал дуркун тІурча, му цама инсан хъанай ур: «Жан цІуллу даннав, Аьлил кьини дурккукун чІарав авцІунни. Цув кІанияргу давраннай личІаннавча, я Аллагъ, ина кІукунсса арампал чан мабара Лаккуй. Гъай, дуниял, вил рухІ арцухъхъун дуллуну дур. Гьарца зад арцуву дурччуну дур. Хаварданий буссар укун: «Ца къала ласун нанисса паччахІнахъ куну бур, га къала ласун къашайссар, га къалалул лагма бюхттулсса барцу буссар», – куну. Га паччахІнал чайва тІар: «Танил ялтту мусил ххуржинтту дирчусса ттуккул тІанкІ учинтІиссар», – куну. Гъа... Гъа... мукунсса къюртІи дур. Вай кІиссурттал ссихъру къавтІи дайсса кунна, вайннул дуниял дачин дурну дур»<sup>3</sup>.

<sup>1</sup> К.Р. РахІимов. Лакрал литература, хрестоматия 8 класс. Стр. 123.

<sup>2</sup> Шиккува, стр. 126.

<sup>3</sup> К.Р. РахІимов. Лакрал литература, хрестоматия 8 класс. Стр. 140.

Гания гихунмай оърчІал я бурган байссар пьесалул мурад лябуклакисса куццух. Жунна чІалай дур АхІмадлул хасият даххана хъанахъисса куц, ХІажи цахуна кьючлачиссаксса АхІмадгу чагуртътурахун ахчилай хъхъу-кьини къакуну зузаву тІалав дуллай ур. Чичул чІалачІи уллай ур АхІмад чІун лаглагиссаксса зулмукар хъанахъисса куц. Мунан цукунчІавсса дард дакъар чагуртътурал дукарчагу, дурагу къадукарчагу, миннан хІакъ булун аьркиншиву, бигъалаган аьркиншиву бакІравунвагу бухлай бакъар. Миннан АхІмадлул буржирал дакъа, ссалчІав дард дикІан аьркинну дакъар.

Утти бурганну ва пьесалул цама геройнах – хъунама чагурт Макъсудлух. Буклакиманал хъхъичІ Макъсуд ацІлай ур дакІ хъинсса хъуниминнал хІурмат байсса инсанну. Га малла хъанай дуклай ивкІун ур, хъатІи бан арцу дакъахъукун, арцу льякьин чагуртну АхІмадлучІан увкІун ур.

Макъсудлул хасиятрал хъирив лаяншиврул, оърчІашал хъирив лаянну ганал мазрал. Банмур бакъа ливчІсса АхІмад паракъат ан Макъсуд тІий ур: «АхІмад, на мискинсса инсан ура, амма ина му ишираща къуртал ан, на ттула думур дахханна, бюхъайсса хІарачат банну, тин-шин ххяхханну. Ина пикри мабара»<sup>1</sup>.

Макъсуд вихну ур захІмат бувну арцу льякьин бюхъантІишиврий, чагуртнал захматсса оьрмулуя ва щала бигъану арцу льякьин къабюхъаврия мунан хавар бакъар, му тІий ур: «АхІмад, га заманнай турлих виричушиву ккаккан дайсса диркІссар. Журагу кьютІилттух ккаккан данну. Яла циванну, рищунну кьютІилтту га лузимах гъагъаннин арцу цирда хъунтІиссар. Гъанну шаппай, банну ттун хъатІи. Инагу гай цала арцу кІа ккарччавух рища...»<sup>2</sup>

БувчІин байссар дуклаки оьрчІан ва Макъсуд усттарначІан увкІун арулва барз хъусса чІун душиву. МаслихІат байссар гайннан хІисав ласун Макъсудлул хасият даххана хъусса куццух.

Макъсуд (левкъун лахълушанийн агъунни. «Ухъвай. (Хъугъу) Ттул дакІ ппив хъунссар ттигу чансса хІал шикку хъурча. Гъаттаву мункарнакирнал

<sup>1</sup> К.Р. РахІимов. Лакрал литература, хрестоматия 8 класс. Стр. 128.

<sup>2</sup> Шиккува. Стр. 130.

дулурча къагъаяв ва аькъува. Угъвай, гъай ччурччу дуниял, ччуччинтIисса Макъсуд. Ва оьрму бакъар. Оьрму, лажин щин диярчагу, чIан ттун дирну дур».<sup>1</sup>

Макъсудлул мазрал хъирив бавцIукун, бувчIлай бур ва къашавай, хасиятгу зия хъуну, усттарнал чулухунайгу оьхIал хъуну ушиву. Макъсудлун бувчIунни захIматрайну цичIав къашайшиву, АхIмад мюрщими чагуртътуралгу цалагу оь хIачIлай ушиву, мунияту Макъсуд тIий ур: «Гъай дуниял, укунссаравкъай ина дусса? Инаравкъай ина, цамургу дуссарав? Хъяврин хъунна, хъяврин, захIматсса къуркъасса дура ина, дуниял».<sup>2</sup>

Жунна чIалачIисса куццуй, ахирданийгу АхIмадлулгу, Макъсудлулгу дянив къалмакъал хъанай дур. Макъсудлул АхIмадлухъ увкусса мукъурттийну чIалай бур чагуртътурал цукун захIматсса оьрму бивкIссарив: «Жу бизару кIюрххила, хъхъудя кIира хъуннин зун бикIару. Ва бугъраву ва луххаву муксса хIаллай зий, ина нюжмардий цал гъелисса дукра дан ччай акъара. Шикку бусса неъмат ванияр ххишаласса бакъари, ина битлай акъара. Арулва барз хъунни на шавату увккун, ттигу цалагу шагърулувун гъан увассара, ца аьркинсса иш къабагъну. На цIана къашавай ура. Ттухъ хIакиннал шавай насу увкунни. Уттигу хIакиннан дулунгу, дарурах дулунгу арцу аьркинни, амма ина ттун арцул кIапIикI ккаккан ритлай акъара. Ттула ацIния ххюва туман вичIава бунува. Мува куццуй ина ми кIиягу оьрчIан ца тяхъасса за ккаккан къариртунни»<sup>3</sup>.

Ци гъужум барчагу АхIмад цанная кIия хъанай акъар, чагуртътурал ахIвалгу ххуй хъанай бакъар. Макъсудлул «гъай ччурччу дуниял, ччуччинтIисса Макъсуд, ва оьрму бакъар. Оьрму бавчIуну, лажин щин диярчагу, чIан ттун дирну дур», – тIутIаврину чIалай бур му дунияллул ишру халкъуннал классиртах бурувгун ххал бигълагъаврийхчIин гъанну бушиву. Амма мукунсса зад Макъсудлул кIулшилувун щаллуну багъну бакъар: мунан чIалай бакъар цува кунма къаридну ливчIисса захIматрал агълу миллионнайсса цаймигу

<sup>1</sup> К.Р. РахIимов. Лакрал литература, хрестоматия 8 класс. Стр. 131.

<sup>2</sup> Шиккува. Стр. 139.

<sup>3</sup> К.Р. РахIимов. Лакрал литература, хрестоматия 8 класс. Стр. 135.



бушиву ва гайннал цану цувагу хъанахъишиву. Мискинминнал иш циняннан аьмсса бунугу, Макьсуд гьалгъа тий ур так цаява, цала захьматсса оьрмулуя.

Макьсудлун дунияллий личи-личисса халкъуннал классру бушиву бувчлачлаврин ца сававгу укунсса дур: му ур хъхъичларасса аьдатирттах урувгун сукку тисса инсан. Хъунаманал хурмат баву, гьарца ишираву кланыхъи дишаву хъанай дур лакрал хъхъичларасса аьдат. Му аьдат дургьуну ивкунни Макьсуд Ахьмадлучлагу хъунмасса хьалалай.

Чичу мукунсса за оьккиссар тий акъар, амма Ахьмад кунмасса зулкуартурачла мукунсса аьдату дугъаву къабучишиву бувчин буллау ур, цанчирча Ахьмад чил захьмат канай унутий. Махъа-махъгу цала Макьсудлул къюкьин дуллау ур му аьдат: «Хъуниминнал хурмат бара тар, чил кланттай гьурватрайру тар бусса. Жул оьгу хьавчун, яла хурматгу бува. Аькьлу бурар хъуниминнан»<sup>1</sup>.

Макьсудлун чан-чанну тий бувчлай бур дунияллий хъанахъисса ишру. Ганан бувчунни цува Ахьмадлучлан гьан къааьркинну бивкешиву, мунал тий ур: «Увкунакъай буттал макьаритара дуккаву куну. Хъуниминнал аькьлу биклайсса бур ца-ца давриву».

Жула лакрал ххуйми аьдату чичул ккаккан дуллау ур Макьсудлул сипатрайну.

Гихунмай пьесалушчал оьрчуру клул буллалени, хъуна акьлай ур ца цамагу, вайми геройтураха къалавхъхъусса инсан – Аьли. Ишру нанаврил хъирив бавцукун Аьли хъхъичл аьчлай ур пикри бувну зат байсса, дунияллул иширттая хавар бусса, лакрал хъхъичларасса аьдатирттах муксса къулагъасшиву дакъасса инсан «Жува аьркинссар ялу-ялун ххуй хъанан, за лахьлан, хъхъичлунмай хъит учин, оьккимур, захьматмур, чапалмур къариртун, ххуймур бигьамур, марцлмур канил дугъан. На ттула буттаяр ххуйсса дукра, ххаллилсса янна лаххара, марцлну иклара, кланан буккинмагу къаклула, на оьрусгу, туркгу буккара, газет бучлан бара, дунияллул хавардая къюкьлну къаиклара. Бюхьарча,

---

<sup>1</sup> К.Р. Рахьимов. Лакрал литература, хрестоматия 8 класс. Стр. 132.

ттула оърчІругу нава ацІраксса дуккин банна»<sup>1</sup>. Аьлин ххуйну кІулну бур чагуртнал захІматсса оърмулия, мунияту Аьли бакІрайва маслихІат буллай ур Макьсудлухъ цамур пиша бугъи тІий. Пьесалул ахирданий Макьсудлул цала бувгъусса пишалия рязи акъашиву кІул дуркун, Аьли тІий ур: «На вихъ кІа шавату увкІсса чІумал къаувкунав, цал шивун ухханнин, цамур пиша къуллугъ, санят ххал дурния куну. Чурххан тІуркІу мабикІара, лякълун дукра мадикІара, ласун ссихІ, дакІнин тирхханну – яла къашавай къавхъуну ци хъуви?»<sup>2</sup>

Аьлил мазрал хъирив бацІлацІини бувчІлай бур му цаппара иширттаву инсаннан хайр бан ччисса инсан ушиву: мунап хиял бур лакрал халкъ авапан бан. КъабучІирхха, тІий ур му, цавайннан «къавтІун», цавайннангу «аьтІун». МаслихІатрайхчІин бикІу, укунма гъалгъа бувну бикІу – Аьлил хІарачат буллай ур Макьсуд кунмасса инсантуран за бувчІин бан, ххуйсса маслихІат бан.

Амма мунал лавсун нанисса ххуллу тІайламиннавунсса бакъар. Му ур цал цанна, яла махъминнан тІий.

Аьлил цала культура, зат кІулшиву ишла дуллай авапан хъунсса куц ляхълай. Му бакъассагу цала мурад щаллу хъуншиврул, му инсантал хъяврин бавриягу махъунай хъанай акъар, му тІий ур ци бунугу дузал хъуншиврул, чІумух урувгун, инсаннал насттулух урувгун сукку тІун аьркинссар тІий.

Аьли цащава АхІмадлун кумаг бан арцу дулун бюхълай унува, махъва махънин кумаг къабунни, мунал хІарачат бур авапан хъунсса, чІярусса арцу лякьинсса: «Утти, арцу дуссаксса хъун уллай бур, – тІий ур мунал, – цайва цува адимина ссанчІав хІисав уллай бакъар».

ОьрчІащал Аьлил хасиятрал лишанну ххал дигълагъини, бувчІлай бур му щалава тІайласса герой акъашиву.

Утти бурганну оьрчІал, Камиллул ва Ильяслул сипатирттах.

Вайннал мазрал ва тІуллал хъирив бацІаврийну буклакинан бувчІлайсса зад му бур – вайннал АхІмадлул арцугу дарцуну, Камил лихълай ур цамур кІанттаву. Цурк баву ххуйсса даву дакъар, амма чичу чІалачІи буллай ур

<sup>1</sup> К.Р. РахІимов. Лакрал литература, хрестоматия 8 класс. Стр. 128.

<sup>2</sup> Шиккува. Стр. 133.

Камиллуца бан бюхъайсса цамур зад къабивкIшиву. Ванал – Камиллул кутIану бувсун бур цала оърмулуя: «Къинилий ина ацIийла атлай, ивчIаннин ацIансса ххай урав шикку? Дуснакърай хъиннихха вичIанияр, ккашил ивчIаву къагъарив? Нюжмар къини зузаву къагъарив? Утти тахсир бакъагу атлан ччай урав? Та чIумалгу ттуй щаву дурну, ттушарар чин унна. Утти бусаннахха. Арцу къадулурча шива ласайссар»<sup>1</sup>.

Геройтурал дуллалимур, цаннил хъирив ца руртун нанаву дакъассагу, дархIуну дур оърмулуцIун ва багъсса иширттацIун. Чичул ласлай ур оърмулул яла агъамми, яла аъркинми кIанттурду ва пасихIну миннуя чичлай ур.

Пьеса ххал бивгъуну махъ оърчIру кIул байссар мунил сакиншиннаращал.

Къалайчитурал оърму гъарица чулуха щаллуну чIалачIи баврин хъунмасса кумаг хъуну бур чичуца композициялул чулуха пьеса цила аъркинсса кIанавун бутан бюхъаврийну.

ОърчIащал драмалий чивчусса произведениялул сакиншинна (композиция ххал дигъиншиврул, произведениялул художественный гужран къимат бищуншиврул, га цукун дузал бувну буриг, ганил бутIри куннищал ку цукун бавхIуну буриг ва гай цукунсса ярглий бивхъуну кIул бан аъркинссар. МуницIун хъанакъисса ишру цукун ккаккан бувну буриг, произведениялувусса ишру цукун лябуклай буриг, произведениялувусса геройтал цукун ккаккан бувну буриг, гайннал хасият ва гайннал дянивсса хIала-гъурттушиву цукунсса дурив дурчIин аъркинссар: произведениялул мазрал ляличIишиву цукунсса дурив кIул дан аъркинссар.

Произведение дузал баврийн, ганил бутIри куннищал ку бахIаврин ва гай куннил хъирив ку саргъунну бишаврийн произведениялул композиция учайссар. Произведениялул композиция ганил вивсса гъанусса мягналийну балжи дайссар.

Произведениялул композициялуя гъалгъа тIутIийни, жула пикрилуву щалвагу произведение дузал бавур дусса: бутIри куннищал ку бахIаву, тIабиаьтрал суратру, геройтал ккаккан баву.

---

<sup>1</sup> К.Р. РахIимов. Лакрал литература, хрестоматия 8 класс. Стр. 138.

Драмалий чивчусса произведениярдал сакиншиннараву хъунмасса кІану бугълагъиссар мурадрал (сюжетрал) ягу ишру лябуклакаврил, геройтурал дуллалимунил ва гай къуццу тІутІисса куц ккаккан баврил. Инсантурал дянивсса ара, куннайн кунналсса къаршишивуртту, цумур дунугу ца хасият дузал шаврил тарихгу хъанахъиссар сюжетну. Сюжетраву ккаккан дайссар оърмулуву хъун бюхъайсса хІала-гъурттушивуртту ва къаршишивуртту, инсантурал дянивсса ара ва чичул гайннул чулхунмайсса пикри. Произведениялул тема мурадрайну аьч хъанахъиссар. Хъанахъисса ишру ишла байсса тема аьч даншиврулли, гъанусса мяъна дурчІиншиврулли.

Утти оърчІащал ххал дигъинну «Къалайчитал» тІисса пьесалул сакиншинна.

Щаллу хъанахъисса иш хъуннинмур геройнал оърму, сюжетрал дайдохъу цукун хъуссарив, гиву гъуртту хъанахъиминнал хасиятру щаллу хъанахъаву, оърму бутлатаврил тагъар ва га иш хъанахъисса чІумул история ккаккан баву произведениялул экспозицияну хъанахъиссар.

Ласунну «Къалайчитал» тІисса пьеса. Ванил дайдохъулийва кІул хъанай бур шивусса геройтал, миннал дуллалимур ва пикрирду. Буклакиминнан кІул хъанай ур пьесалувацца устгар АхІмад цу ивкІссарив, га цукун ялапар хъанай ивкІссарив, лагма-ялттуцири ганах цукун буруглай бивкІссарив. Шиву ккаккан бувсса пайдалун арцу дулайсса ХІажинащалсса, мюталимшивугу къариртун хъатІи бан арцу лякъин увкІсса Макъсудлушалсса ва мюрщисса чагуртътуращалсса АхІмадлул хІала-гъурттушивуртту цукунсса диркІссарив кІул хъанай дур.

Произведениелуву сурат лядуклан дайдохълахъисса иширайн завязка учайссар. «Къалайчитал» тІисса пьесалуву сурат лядуклан дайдохълай дур буржиралун агъну захІматсса ишираву ливчІсса АхІмадлул пайдачи ХІажинал цяятува аьрза бувтун бушиву баяву.

Произведениялувусса ишру яла бюхттулмур даражалийн бияву чІуяву му кульминация хъанай дур. ОърчІащал ххал бигъайссар мукусса кІану «Къалайчитал» тІисса пьесалуву цумур бурив. Му пьесалул ишру яла чІувусса

кІану АхІмадлул цичІав тахсир бакъасса Макъсуд ивчІаву ккаккан буллалисса кІану хъанай бур.

Ганияр махъ арцу Макъсудлул къаларшиву кІул хъуну, АхІмад авлия шаврийну пьесалул ахиргу дукІлай дур. Произведениялул агъамми ишру чулийн бувккун махъ хъанахъимунийн развязка учайссар.

Ва драмалувусса яла оьмур иш Макъсуд ивчІавриву, ягу АхІмад авлия шавриву хъанай бакъарча, му та чІумалсса хІукуматрал дачин дурсса политика ва аьдатру сававну, захІмат буллалисса инсантурал бакІурдичІан букІлакІисса къурчІисса къадарду чІалачІи бавриву бур.

Гь. Саэдов ва произведениялийну хІукумат даххана даврийн, инсантурал оьрму куклу баврийн оьвтІий ур. Му «Къалайчитал» тІисса произведениялул гъанусса мяъна хъанай дур. Чичу щаллуну ккаккан дуллай ур пьесалувусса геройтурал личІи-личІисса хасиятру, буллалисса гьалгъа давуртту. Му буклакинал хъхъичІ сагъсса инсантал кунма бавцІуну бур миву гьуртту хъанахъими.

### **3) Жям бай дарсеру.**

Драмалул произведенияртту лавхъхъуну къуртал хъуну махъ, учительнал, жям бай дарсирдай пьесардая кІулмур куртІ бан, жям бан хІарачат байссар.

КІулмур жям буллалаву дайдишайссар пьесалул махъва-махъмур бутІа лахълахъини, пьесалуву куннийн-ку щаву къуртал хъанахъини. Хъуннасса агъамшиву дуссар жям бай дарсирдай пасихІну буквавил. Мукусса буквавийну кІул бан шайссар оьрчІан пьеса ва гиву гьуртту хъанахъиминнал хасиятру цуксса куртІну дурчІуну дурив. Му ялун личайссар оьрчІал пьесалул гьарца пардав, букваву бувчІин буллалини.

Пьесалул кІулмур хъиннува куртІ шайссар, роллайх дарчІуну, мунил личІи-личІисса сценарду дуклакини. Роллу дачІаву учительнал дайссар личІи-личІину. Ми учительнаща бюхъайссар цащара дачІин, ягу вичІидирхъуну, оьрчІан цумур роль ва циван ххуй дизлазиссарив, га роль ганахъхъун дулун.

Роллайх бавчусса букваву даннин, шардай чичрулий ягу дакѳних цума унуту геройнал хасиятран кѳимат бищун булайссар. Ва даву дан кумаг бантѳиссар ялавай буллусса кунмасса суаллал:

1. Му роль зу циван личѳи дарду?
2. Цукунсса кѳану бугълай бур пѳесалуву му геройнал?
3. Зул хѳхѳичѳ цукун бацѳлай бур ми геройтал ялун бурувгун, миннал ихтилатрах, занакѳулушиндарах я бурган бара.
4. Му цукунсса тагъарданий чѳалачѳи увну ур?
5. Ци кѳулли вин мунал оѳрмулул лавгмуния?
6. Цукунсса ара дур геройнал гайми гѳуртту хѳанахѳиминнашал?
7. Цукунсса цѳа ласун хѳарачат буллай ур герой?

Лавхѳхѳумур жям байсса дарсирдай, пѳесалуя лавхѳхѳумунил куртѳшиву ххал бигълагѳини, ххуйну хѳунтѳиссар оѳрчѳал дянив бяст-ччал сакин бан бюхѳарча.

Текст дуккин байссар 3-4 оѳрчѳ, букваву кѳуртал хѳуну махѳ, классравуминнан маслихѳат байссар вайннал букваврин кѳимат бищун, ва цѳуххайссар чичул пикрирду ва асарду чѳунийну цуманаща чѳалачѳи бан бювхѳуну бузив.

Жям бай дарсирдай хѳунмасса кѳану бугъайссар пѳесалул сценалийсса оѳрмулул историялуя. Ва чѳумалнин дуклаки оѳрчѳан пѳесалуву гѳуртту хѳанахѳиминная, гѳарцанная цанма хасѳсса пикри сакин шайссар. Муниятту цѳуххайссар, пѳесалуясса личѳи-личѳисса оѳрчѳал пикрирдая пѳесалул гѳанусса мяъналучѳан цумур гѳансса бузив. Мукунсса суаллал оѳрчѳру куннашал ку бяст буллали байссар.

Драмалий чивчусса произведениярттал ялувсса даву кѳуртал хѳуну, чулийн дуклакини, ххуйну хѳунтѳиссар оѳрчѳру театрданувун буцирча ягу телевизорданувух пѳеса ххал барча.

Пѳеса ххал бувну махѳ, ххуйну хѳунтѳиссар оѳрчѳаща мунин кѳимат бищун хѳурча. Му даврин тѳурча, оѳрчѳру чѳянива хѳадур байссар, миннахѳхѳун докладирттал темарду дулайссар, ххал бигѳин булайссар бяст бан кунмасса

суаллу. Щала пьесалун кьимат бишуннин хьхьичІ ххал дигьин бучІссар оьрчІал пьесалуя чирчусса рецензияртту.

## ЛИТЕРАТУРАЛУЛ ТЕОРИЯЛУЯССА СУАЛЛУ

Драмалул произведенияртту лахьлахьини, оьрчІан кІулну дикІан аьркинссар миннун хасьсса литературалул теориялуясса дурчІалартту. Драмалул произведенияртту лахьлай байбишайхтува оьрчІру «сурат», «пардав», «диалог», «реплика» тІисса терминнашал. Ми терминну оьрчІан бувчІин бан личІину захІмат кьашайссар, пьесалул текст лахьлай бунува, миннушалгу кІул шайссар.

ЗахІмат шайссар оьрчІан бувчІин бан драмалул произведениярттал сакиншиннашал бавхІусса терминну «сюжет», «экспозиция», «завязка», «кульминация», «развязка». Вайннушал кІул шаву дайссар цалчинми драмалул произведенияртту лахьлахьини, миннул ялувсса даву, миннуя кІулмур куртІ баву тІурча, цинявгу школалул программалувун бухлахисса драмалул произведенияртту лахьлахьини дайссар.

ОьрчІашал ххал дигьинну «Къалайчитал» тІисса пьесалул сакиншинна.

Щаллу хьанахьисса иш хьуннинмур геройнал оьрму, сюжетрал дайдихьу цукун хьуссарив, гиву гьуртту хьанахьиминнал хасиятру щаллу шаву, оьрму бутлатаврил тагьар ва га иш хьанахьисса чІумул тарих (история) ккаккан баву произведениялул экспозиция хьанахьиссар.

Ласунну «Къалайчитал» тІисса пьеса. Ванил дайдихьулийва кІул хьанай бур шивусса геройтал, миннал дуллалимур ва пикрирду. Буклакиманан кІул шай пьесалувасса усттар АхІмад цу ивкІссарив, га цукун ялапар хьанай ивкІссарив, лагма-ялттуцири ганах цукун буруглай бивкІссарив. Шиву ккаккан бувсса пайдалун арцу дулайсса ХІажинашалсса, мюталимшиву кьариртун, хьатІи бан, арцу лякьин увкІсса Макьсудлушалсса ва мюрщисса чагуртьтурашалсса АхІмадлул хІала-гьурттушивурду цукунсса диркІссарив кІул хьанай дур.

Произведениелузу сурат лядуклан дайдихлахысса иширайн «завязка» учайссар.

«Къалайчитал» тИсса пьесалузу сурат лядуклан дайдихлай дур буржиралун агьну захІматсса ишираву ливчІсса АхІмадлул пайдачи ХІажинал цятува аьрза бувтун бушиву баяву.

Произведениелувусса ишру яла бюхттулмур даражалийн бияву, чІуяву – му кульминация хъанай дур. ОьрчІащал ххал бигъайссар мукунсса кІану «Къалайчитал» тИсса пьесалузу цумур бузив.

Му пьесалул ишру яла чІувусса кІану – АхІмадлул цичІав тахсир бакъасса Макъсуд ивчІаву ккаккан буллалисса кІану хъанай бур.

АхІмадлул тахсир бакъасса Макъсуд ивчІаву кульминация хъанай дур, ганияр махъ, арцу Макъсудлул къаларсшиву кІул хъуну, АхІмад авлия шаврийну пьесалул ахиргу дукІлай дур. Произведениелул агъамми ишру чулийн бувккун махъ хъанакъимунийн развязка учайссар.

Ва драмалувусса яла оьму иш Макъсуд ивчІавриву, ягу АхІмад авлия шавриву бакъарча, му та чІумалсса хІукуматрал дачин дурсса политика ва аьдатру сававну захІмат буллалисса инсантурал бакІурдичІан букІлакІисса къурчІисса къадарду чІалачІи бавриву дур.

Гь. Саэдов ва произведениялийну хІукумат даххана даврийн, инсантурал оьрму куклу баврийн оьвтІий ур. Му «Къалайчитал» тИсса произведениялул гъанусса мяъна хъанай дур. Чичу щаллуну ккаккан дуллау ур пьесалувусса геройтурал личІи-личІисса хасиятру, буллалисса гъалгъа ва давурттив.

Драматический произведенияртту лахълахъини, оьрчІру кІул шайссар миннул личІи-личІисса жулардащал: драмалушчал, трагедиялушчал, комедиялушчал. Ми произведениярттал жуларду кІул дуллалинигу оьрчІру захІматшиврувун багълан бикІайссар. Миннул жуларду кунния ку личІи дан бигъану бикІаншиврул, лавхъхъусса драмалул произведенияртту цачІу бивхъуну, миннул лащаву ва личІишиву ххал дигъайссар.

Му чІумал гъарца жуларлул произведениялун хасъсса хасиятру цуми дуссаривгу тикрал дайссар.



Школалаий драмалаий чивчусса произведениярттал анализ даврийну, ми ххал бигъаврийну ххуйсса буккулт бакъасса, тамашачиталгу тарбия байссар.

ОьрчIал театрдания кIулмур гъанулун лавсун, театрданул программагу ххал диргъуну, спектакль пьесалул текстрацал цацIу бивхъуну, ххал бивгъукун, оьрчIан чIалан бикIайссар му сценалий ккаккан бан циксса халкъ хIала бувхссарив (актёртал, режиссёр, художник, костюмру дурми ва м.ц.).

ХъхъичIва-хъхъичIсса драмалул произведение лахълахъинигу, гания гихунмайгу оьрчIан бувчIин бан аьркинссар спектакль – му пьесалучIансса суратру дакъашиву, цIусса театрданул цила, цанма аьркинсса куццуй авторнал пьеса бувчIин бувну, сценалий бишин хIадур бувсса цIусса произведение хъанахъишиву.

Циняв классирттаву литературалул личIи-личIисса жулардал жанрардал произведенияртту лахълахъини, агъамсса кIану бугълай бур оьрчIан пасихIну, вичIи дирхъунан асар хъунну буккин лахъхъин баврил.

Лажълахъисса произведение оьрчIан ххуйну бувчIин баву мурадрай учительнал мудангу хIарачат бан аьркинссар классрал хъхъичI букваву пасихIну, оьрчIру гъавасравун бутанну, миннан буклакимур бюхханну дан.

Произведениялул хъирив лаяннин, га бувккуну, чIунийну лагъ-лажъ буллай, буккинсса кIанттурду личIи бувну бикIан аьркинссар.

ЧIявуну, дуклакиминнан ххуй къабивзсса произведенияртту учительнал пасихIсса буккаврил, гайннул чулухунмайсса асар чIунийну ккаккан баврил ххира байссар. Агарда буккуща, цала буклакимунил мурад, мяъна чIунийну дурчIин дан бюхълай бухъурча, му букваву бачIва яруннийну буккавунияр цукссагу хъинссар. Буккаврихсса ургъил бикIан аьркинссар гъарцагу журалул произведенияртту лахълахъини. ПасихIсса буккаврил хъуннасса агъамшиву дуссар драматический произведенияртту лахълахъини, оьрчIал маз итххяххаврин, ми произведениярттал гъанусса мяъна дурчIаврин.

Ялавайми классирттаву оьрчIайх роллу дарчIуну буклан бикIайссар баснярду, диалогру чIярусса магъри, хаварду ва цаймигу журалул произведенияртту.

Баснярдун булкакыны, оьрчлан лахьхьайссар гьалгьа тун геройнал цания, ганан хасьсса тул-табият чунийну чалачи дан хларачат булла. Амма буняласса драмалый чивчусса произведенияртту буквавил бюхьу сакин шайссар лавайми классирттаву драмалул произведенияртту лахьлахьини.

Роллайх бавчусса буквавилу хлала буххан бан аьркинссар, бюхьавай, цинявгу дуклаки оьрчру, хьхьичива-хьхьичи хлурану булкакыми.

Буквавилу оьрчи чалачи дан бюхьлай иклан аьркинссар гьуртту хьанакьиманал макьу ва га даххана хьанакьисса куц. (Масала, АхИмадлул чагурт оьрчлащалсса аьратталсса гьалгьа, Аьлищал гава цана нахуссаннуын клура баллалисса куц). Булкакыны учитель оьрчал буквавил лагь-лахь баврил, махьру тлайлану учаврил хьирив ацлан аьркинссар. Ттининнийнамагу кичи бусса куццуй, авторнал махьру бакьасса, сценалый щалу бан аьркинсса драмалул произведенияртту оьрчлан ххуйну бувчинтиссар роллайх бавчуну, пасихуну булкакыны, пьеса бишаву нанисса кунма чалачини. Пасихисса буквавил кумаг байссар оьрчлан гьарца герой хьхьичи ацлан ан. Роллайх бавчусса буквавил произведениялуя клулмур хьиннува курти буну, оьрчал букваву бюхьайссаксса ххуйну дан хларачат буллал байссар, му чумал учительнал чулухагу биклан аьркинссар кумаг, ми мунал хладур буну биклан аьркинссар мукунсса буквавил. Гьарца булкакыма, цала дуклакисса роль бюхьайссаксса анаварну ва куртину дурчин хларачат буллан иклайссар, вичи дирхьуминнал турча, гьирарашал вичигу дирхьуну, цайминнал бувккумунил кьимат бищунмур байссар.

ЗахИматми роллясса ца цахьхьунна ларсун, буквавилу учительгу хлала уххарча оьккину кьахьунтиссар.

Учительнал пасихисса буквавил, оьрчру цала букваву ганаха лархьхьуну дан хларачат буллал байссар.

Учительнал пасихисса буквавил, оьрчру цала букваву ганаха лархьхьуну дан хларачат буллал байссар.

Учительнал пасихІсса буквавил гъанума геройнал хасият ххуйну дурчІин кумаг байссар. Учитель оърчІал буквавил хъирив авцІуну, аьркинний гайннал буквавугу тІайла дацІан дайссар.

Драмалул произведенияртту лахълахъини, хъуннасса агъамшиву дуссар гъуртту хъанахъиминнал хасият дурчІин дан ишла буллалисса мукъурттил – ремаркардал. Миннух мудан оърчІал я бурган баван аьркинссар. Масалдаран, дакІнин бутанну «Айгъази» тІисса пьесалуву шамхаллул хасиятрал лишанну ремаркарттайну чІалачІи дурсса куц: «пахрулий», «ссибивзун», «увччу хъуну» ва м.ц.

Классраву щала чІун пьеса дайдохъулия ахирданийн бияннин буквавин харж дан къашайссар, классраву буклан байбивхъусса пьеса бучІиссар шаппа ягу классрал къатІувсса буквавил дарсирдай къуртал бан.

Драмалий чивчусса произведенияртту лахъхъаврил мурадну хъанахъиссар дуклакиминнал маз магьир баву, минная театрдания за бувчІайсса тамашачитал тарбия баву.

Лакрал школарттай, му даву цила багъайкун дачин дансса тагъар дакъар. Учительтураща оърчІащал театранийн лавгун, ккавкмур оърчІащал ххал бигъин бюхълай бакъар, артистуращал хъуна бакъин бюхълай бакъар. Ци бухъурчагу, оьккину къахъунссия телевизорданувух пьеса ххал бувну, ягу шяравун театр бувкІсса чІумал, оърчІащал, ххал бувну, ккавкмунил къимат чичрулий ягу дакІних бищаварча.

Гъарцагу журалул произведенияртту лахълахъини, оърчІал маз авадан баврин, маз магьир баврин кумаг байссар произведениялул мурад бусаврил, гъуртту хъанахъиссар миннан, чичрулий ягу дакІних къимат бищаврил, буллусса суаллан щаллусса жаваб дулаврил, произведениялул мурадраха лавхъхъусса, цала оьрмулувусса мисаллая хавар сакин бувну бусаврил ягу чичаврил.

Драмалий чивчусса произведенияртту лахълахъини, оърчІал маз авадан баву мурадрай, чІяруну ишла дайсса мурад бусаврил журану хъанай дур пьесалул гъанума геройная бусаву, ганал къеллан къимат бищаву.

Цума-унугу геройная бусласисса члумал, оърчлал бусан аьркинссар: га цуриг, ялун ккаккан цукунсса уссарив, цукунсса иширттаву гьуртту хъанай уссарив, цукунсса къеллу дуллай уссарив ва ми цукун дурчлал дантиссарив.

Тпайлассар, най бунува, циняв вай суаллу оърчлаша бялну бувчлал бан къашайссар, ххининма драматический произведенияртту лахълахъини, цанчирча авторнал бувчлал баву дакъасса, къюлтисса мяъна дусса вай произведенияртту бувчлал захлатсса бунутлий.

Цинявпагу журалул произведенияртту лахълахъини, оърчлал маз магьир баншиврул, яла члоруна ишла даймур даврил журану хъанай бур беседа – циняв оърчлашал байсса цачлусса ихтилат. Произведениялул ци-бунугу бувчлаврил, гьуртту хъанакъиминнал оьрмулул хъирив бацлаврил, цанма клул хъанакъисса цлумунил, цлуну учительная биклу, хрестоматиялуя биклу клул хъумунил, чичул мазрал хъирив бацлаврил, оърчлору клунклу байссар бувккунунил, цанма биян бувсса асар итххавххун бусан.

Клулну биклан аьркинссар, агарда бяст бансса савав хласул хъурча, беседа оърчлан ххуй бизайшиву. Бяст буллалинисса гъавасраву, оърчлал бусласимур марцлуну цала сакин бувсса биклайссар.

Ихтилатравух гьуртту шаврийну, оърчлаву хласул шайссар дакл дацлаву, лахъхъайссар бюхъу буну, вих анну гьалгъа тлун.

Чичрулийнусса маз магьир баврил ялувсса даву даклнихсса даврил журадашал дархлуну диклайссар.

Маз итххавххаврин хъуннасса агъамшиву дуссар драмалул произведениялул геройтуран цала мукьурттийну къимат бищун лахъхъин баврил. Мукунсса даврил оърчлан произведениялуя клулмур цлакь байссар, миннал бюхъу итххавхан байссар.

Сочинениярттайну оърчлал цанна тема дурчлусса куц члалачли байссар. Масала, «Къалайчитал» тлусса драма лавхъхъуну махъ «Ахлмаллул ва Макьсудлул сипатирттал къаршишивуртту» тлусса сочинение чичирча, ва драмалуя клулмур куртл хъунтиссар.

Ягу Минкаил Аьлиевлул чивчусса «Аздар ва Зайнаб» ва Алимпаша Салаватовлул «Айгъази» тIисса пьесарду лавхъхьуну махъ «Айгъазил ва Аздардул сипатирттан аьммур ва личIиймур» тIисса сочинение чичирча оьрчIан вай кIивагу пьесалуя кIулмур куртI хьунтIиссар ва миннал маз авадан хьунтIиссар.

М. Чариновлул пьесарду лавхъхьукун, бучIиссар мунал драмардавасса хьаннил сипатирттан хас дурсса сочинениярду чичин. Сочинениярдал темарду учительнал сакин дайссар цала, оьрчIал бюхъулук, гайннан кIулмуних урувгун.

## НАЗМУЛИЙ ЧИВЧУССА ПРОИЗВЕДЕНИЯРТТУ ЛАХЪХЪАВУ

Мяйлчинмур классрал хрестоматиялувун бухлай бур мадарасса дагъусттаннал шаэртурал XIX ттуршукулул ахирданий XX ттуршукулул дадихъулий назмулий чивчусса произведенияртту. Ми балайрдаву, назмурдаву ккаккан бувну бур цува оърму бутлай ивкІсса чІун, му ккаккан бавривагу кІул хъанай бур чичул мурад ци буссарив, му ссал ялув чялиш хъанай уссарив ва ци тІалав дуллай уссарив.

Шаэрнал цала назмурдаву чІалачІи буллалисса асардал ва сипатирттал хъунмасса кумаг байссар оърчІру тарбия баврин ва миннан оърму лахъхъаврин. Назмулий чивчусса произведениялул кумаграйну учительнаща бюхъайссар оърчІал аькълу-кІулшилийн асар биян бан, ми журалул произведенияртту къамул бан, лахъхъин тІурча, оърчІру чара бакъа хІадур бувну бикІан аьркинссар.

ОърчІан назмулий чивчусса произведениярттал гъанусса мяъна щала цила аваданшиврущал ва ляличІишиврущал тІитІиншиврул, дурчІин даншиврул, учительнал дарсирай ишла дуллан аьркинссар дарс дишаврил личІи-личІисса къяйдарду.

Дагъусттаннал школарттай усттарну дарс дихълахъисса учительтурал даврил ккаккан дуллай бур назмурду лахъхъаву, миннул хъирив лаяву ялавай ккаккан дурсса журалий дарча къулайну дикІантІишиву:

- а) хІадур буллалисса байбихъулул беседа баву;
- б) учительнал пасихІну, дюхханну дуккаву щала назму ягу мунил бутІри, артистътурал ккалаккисса куццух магнитофондалувух вичІи дишаву;
- в) мукъурттищалсса даву;
- г) назмулий чивчусса произведение ххал бигъаву;
- д) ахирданийсса жям байсса беседа баву.

Назмулий чивчусса произведение лахъхъаврил къяйдарду личІи буллалисса чІумал, учительнал хІисавравун ласун аьркинссар произведениялул жура, гиву ккаккан буллалисса сипатирттал хасият, чивчусса чІун.

Агарда оърчІру хьхьичІва назмурду лахьхьаврин хІадур бувну бивкІхьурча, миннан гай бигъану дурчІайссар. Назмурду дурчІаврин кумаг байссар учительнал бусайсса хьхьичІ мукъул. ХьхьичІ махь учительнал лахьлансса назмулул хасиятрах, чивчусса чІумух бурувгун сакин байссар.

Мяйлчинмур классрал оърчІру кІул хьунтІий бур революция хьуннинсса лакрал ва дагъусттаннал литературалушал.

ХІасул шаврих ва итххярххун дачаврих бурувгун, революция хьуннинсса лакрал ва дагъусттаннал литература дачІин бюхълай бур кІива бутІуйх: 1) XVII ттуршукулуя байбивхьуну XIX ттуршукулул кІилчинмур бутІуйн дияннинсса литература; 2) цІусса чІумул литература: XIX ттуршукулул кІилчинмур бутІуя байбивхьуну революция (1917 ш.) хьусса чІумуйн дияннинсса литература.

Литература дархІуну дур инсантурал бутлатисса оърмулушал, миннал багъу-бизулушал, дуллалимунишал ва пикрирдашал. Му дур халкъуннал рухІийсса культура, мунил тарих, литература цІусса ххуллийн дагъсса, ягу дагълагъисса чІумал халкъуннал оърмулуву диялсса дахханашивуртту хъанан дикІайссар.

Дагъусттаннал литературалувусса дахханашиннарду дархІуну дур Шамиллул дяввилушал, Дагъусттан Аьрасатнал паччахІлугъравун буххавришал ва м.ц. иширтташал.

«Агана хьхьичІва дагъусттаннай гьарца миллат цала-цала хантурайн, уцумитурайн, шамхалтурайн мютІи хъанай бивкІун бухьурча, утти циняннал ялув ца губернатор ва мунал начальниктал бивтун, оьрус паччахІнал дачин дурсса политикалук бургаву дурссар.

Му политика багъана хьуну, ца чулуха, паччахІнал чиновниктал кІанттул багтурашал, авадан къатрал инсантурашал ца хьуну, кІилинусса зулму буллалаву дайдирахьуссар, халкъуннал рязи бакъашивуртту цалнияр цал гуж хъанай дарчуссар. КІилчинмур чулуха, шиная шинайн дагъусттаннал агъалинал кІулши ларай хъанай, оьруснал ва европанал культуралушал дахІаву ххишала

хъанай, миннува цанма мюнпат бумур ласлай, культура гъаз хъанай дарчуссар»<sup>1</sup>.

XIX ттуршукулул кІилчинмур бутІуй Дагъусттаннай капитализм хъхъичІуннай най диркІун дур. Мунил халкъ личІи-личІисса тагъардайх (сословиярттайх) бачІлай, багъу-бизу баххана хъанай, миннал оърму, кІулши ва пикри цамур журалийн кІура баен буллай дур.

Дагъусттаннал халкъуннан захІматну бивкІун бур паччахІнал дачин дурсса колониальныйсса политика духІан. Халкъ хъинну рязи бакъа, гъалак буклай бивкІун бур. Ахиргу 1877-ку шинал хъуссар восстание. Ссугъращату байбивхъуну – Лаккуйн, Лаккуя кылвалул ва ухссавнил чулухуннай восстание ппив хъуссар. ЧІирисса чІумул дянив мунил щалва Дагъусттан бувгъуну, оърус паччахІнал аьралуннащал загълунсса талатаву хъуссар. Ахиргу восстание рахІму бакъа ккуччу дурну, цаппара шярваллурду чарий чару къабивтун лекъа-пІякъу дурссар. Восстаниелувух хІала бувхмийгу ку ливтІуну, ку ссивирлив гъан бувсар. Дагъусттан чІявусса оърчІацІа, вирттаврацІа ва дурккучулт-шяиртурацІа хъуну бур. Вайннавухва ссивирлив гъан бувну, миккура гъав нясив дурну дур мукъул усттарсса, назмурду дан хъинну пагъму бусса Будугъал Мусин ва Ккурккуллал Зайдун.

Петербурглив офицернал чингу ларсун, восстаниелувух хІала хъусса, Будугъал Мусил нааьналун бихълай ур цува угъан увсса лавмартътал, паччахІнал начальниктурал хъхъичІ никрурищулт. Мува чІумал Муси хъинну язугъ хъанай ур хъунив хъусса нитти-буттай, ххирасса кулпатрай ва мюрщисса оърчІай.

Вара куццуйсса ччаву оърчІах, кулпатрах, мачча-гъаннах, цурда шярваллих, лакрал вирттаврах ва Лакку кІанттух яргну чІалачІи дурну дур Ккурккуллал Зайдул назмурдавугу.

Ккурккуллал Зайдул ва Будугъал Мусил буттал кІанттухсса ччаврил дазу-зума дакъари. Цивппа чув бунугу вайннал дакІру Лаккуй дур.

---

<sup>1</sup> Хъассиев А.Ю., АхІмадов С.Х. Дагъусттаннал литература (педучилищалул учебник). МахІачкъала, Дагъучпедгиз. 1992.



Ххюра-ряхра шинавату амнистия хьуну, сагъну ливчІми лак шаппай зана хьуну бур, чІявуссаннангу чил кІанттурдай гъаврду нясив хьуну дур.

«Цуксса Лакрай ва дагъусттаннал инсантурай язугъ хьуну бухьурчагу, 1877 шинал хьусса восстаниелуйхчІин оьруснал хьхьичІунмур культуралия зад бувчІаву гуж хъанай, миннушалсса хІала-гьурттушиву (пишакартал шагьрурдайн заназаву, дуккаву дуллалаву, дахху-ласу хъанакъаву, тучаннайн къай дучІан дуллалаву, ятту, яттил ппал оьруснал шагьрурдайсса фабрикардан дахлахаву, м.ц.) цІакъ хъанай дарчуну дур. Капитализмалул бищун буллалисса марч циняннан асар хъанан бивкІун бур.

Амма Европанаву ва Европанавусса оьруснал аьрщарай капитализм ччянира дайдирихьуну дур. Мунияту миннал культурагу хьхьичІун дурксса дур.

Европанаву цІучІумул литература ва шалвава цІучІумул тарих байбихълай бур XVII ттуршукулул 40-ку шиннардий хьусса ингилиснал буржуазиянал революциялукту. Дагъусттаннай тІурча, цІучІумул литература дайдихълай дур му аьрасатнавун бувхсса шиннардия шиннай».<sup>1</sup>

Дагъусттаннай капитализм хьхьичІуннай хъанакъисса чІумал баххана хъанай бур халкъуннал багъу-бизу, дунияллухсса ябитаву ва миннал пикрирду. Ми дахханашивуртту чІалачІи дурну дур лакрал шаэртурал цала творчестволуву. Оьрму чІалачІи буллалисса балайрду чивчуну бур Ккурккуллал МахІмудил, ЦІийшиял ХІажимурадлул, ХІуллал ХІажихъал МахІаммадал.

Мира шиннардий (цаппараннал чансса махъ ягу хьхьичІ) чичлай бивкІун бур хьунисса шаэртал: Ирчи Къзахъ, МахІаммадапанни ХІусманов (къумукъ); Ятин Амин, ХІасан Алкъадари (лазги); Гузунхъал ХІасан, Ккурккуллал Зайду, Муркъилинахъал Юсуп (лак); Оьмардул Батирай, Зияутдин Къади (дарги); Ругъужайннал Эльдарилав, Батлаичуллал Тажуттин (ЧІанкІу) (ярусса) ва цаймигу.

---

<sup>1</sup> Хъассиев А.Ю., АхІмадов С.Х. Дагъусттаннал литература (педучилищалул учебник). МахІачкъала, Дагъучпедгиз. 1992.

Цала чичрурдаву ми талай бур духсса, инсаннан ва жяматран заралсса аьдатиртташал, мукунма кьарши буклай бур цуну дагьлагьисса капитализмалул кьиялийн. Ми тIалав дуллай бур инсаннахьхьун лайкьсса ихтиярду дулаву, буллалисса иширттаву тIайлашиву дуруччаву.

XIX ттуршукулул ахирданий ва XX ттуршукулул дайдихьулий литературалувун букIлай бур цаймигу цусса шаэртал: XIамзат ЦIадаса, ХьахIаб Росолиясса МахIмуд (ярусса); Ахттиял XIажи, С. Стальский (лазги); Саэд Габиев, Гьарун Саэдов (лак); Нугьай Батырмурзаев, Зайнулаьбид Батырмурзаев, Манай Аьлибеков (кьумукь); Рабадан Нуров, Аьзиз Иминагьаев (дарги) ва м.ц.

XIX ттуршукулул кIилчинмур бутIуя байбивхьуну Октябрь революция хьуннинсса шаэртураву цавайннал хьуннасса бургаву дуллай бур халкь чантI учин баврих, цавайннал оьрмулуву хьуна дакьайсса диял дакьашивуртту дашуй дишаврих, гайминналгу цала дакIнил дардру бусаврих.

Лазгиял чичу Ятин Амин тIий ур:

Луглай хIакьмур кьалякьай,  
Зийнугу талихI кьашай,  
Кьзахаьталгу бур мащай,  
Кьай-кьуй кунма кьювкьусса.

Шаэртал буруглай бур оьрмулул личIи-личIисса чуллах, амма чувчIав тIайлашиву рахIатшиву чIалай дакьар.

Миннал бувчIин буллай бур, халкь цала мурадлайн бияншиврул, ци бан аьркинссарив. Мунияту миннал халкьуннал мурадру ца бушиву чIалачIи буллай, цачIунмай хьун аьркиншиву буслай бур. Литературалул, яни чичул цурдалусса ца шяраваллил кьайгьу буллалавриа чивчуну, циняв дагьусттаннал халкьуннах ца тагьарданий ургаву дуллай ур. Зунттал халкь цашиврий, миннал мурадру буручлачаврийну чIалай бур литературалуву интернационализмалул шартIру щаллу хьанай дарчушиву.

Дагьусттаннал литература авадан дан, миву цусса пикрирду щаллу бан, халкьуннал мурадру ссайну ва цукун щаллу хьунтIиссарив кIул бан хьунмасса

кумаг буну бур оьруснал культуралуьхчин XVII-XVIII ттуршукурдайсса зунтгал халкъуннал литература баргъ буккай чулухсса бусурманнал хЛукуматиртгал культуралийн хъар хьуну диркIун духьурча, утти му дархIуну дур оьруснал ва мунийхчин Европанал культуралуштал. Тархъаншиврул цIаний талатаву дуллалисса оьруснал культуралуштан гъан хъанай дур дагъусттаннал литературагу.

Дагъусттаннал чIявуми шяиртал оьрмулуву хьунабакълакьисса лацинми чуллу ккаккан буллай, кIункIу тIий бур инсаншиврийн. XX ттуршукулул дайдихьулий шяиртурал творчестволуву реализмалул хасиятру чIяру хъанай дарчуну дур. Мукун чичлай бур ХIамзат ЦIадаса, Сулейман Стальский, Ахттиял ХIажи, Алимпаша Салаватов, Аьзиз Иминагъаев, Гъарун Саэдов, м.ц. Миннал творчестволул гъануну лавсун ур инсан ва мунал лагма-ялтту хъанакъимур. Революция хьуннинсса оьрмулувусса лайкъ бакъамур чIалачIи буллай бур тIайлану, хIарачат буллай бур ккаккан дуллалимунил яла агъаммур чул, аьркинмур тIул, хасият чIалачIи дурну, ялун личин дан. Дагъусттаннал чIявуми шаэртал куннан ку къакIулсса бивкIун бухьурчагу, миннал цала произведениярттайну чIалачIи бумур хьинну цанничIан ца гъансса бур.

Масала, зузалая чичаву дурну дур Ахттиял ХIажинал «Зузалал чагъар», Аьзиз Иминагъаевлул «Зузалал оьрму», мура темалуштан гъансса дур Алимпаша Салаватовлул чирчусса «Муххал усттар», «Муххал усттарнал жуав», Тагъир Хрюгскийл «Ниттийн», «Инсаннав ина», Курди Закуевлул «Зулмулулу ливчIиннан тархъаншиву». Дагъусттаннал личIи-личIисса кIанттаву чирчусса ми назмурдаву циняв дур оьрмулуя шикаят буллай. Ванийну бувчIлай бур цала шаэртурал оьрму чув бутлай бухьурчагу, миннал буллалисса пикрирду, халкъуннайсса дакI цIуцIаву, оьрму дащуй бихълахъаву чIявучин хасьсса душиву. Вайннал цала произведениярдаву оьрмулул личIи-личIисса чулухалурду ккаккан дуллалаврийну дагъусттаннал литература гъарта дурну, авадан дуллай дур, амма миннал оьрмулул къурчIишиврия, къумашиврия чивчуну бунугу, ккаккан буллай бакъар халкъуннал ци бан аьркинссарив цала оьрму ххуй баншиврул.

1914 шинал байбивхусса дуняллул цалчинсса дъявилул чӀумал халкъуннал, ахӀвал хъиннува зия хъанай бавчуну бур. Мува ппурттыву тархъаншиврул цӀаний дуллалисса миллатирттал революционныйсса талатаву гуж хъанан диркӀун дур, захӀматрал агълу паччахӀнал хӀукумат экъирутан хӀадуршинна дуллай бивкӀун бур.

Мура шинал Петербурглив буклан бивкӀун бур Дагъусттаннал миллатирттал хъхъичӀва-хъхъичӀсса газета «Дагъусттаннал ххяххабаргъ». Мунил гъану бивзману ва редакторну ивкӀун ур Саэд Габиев. Мунияр махъ газетру итабакълан бивкӀун бур цайми дагъусттаннал мазурдийгу. Газетирттая халкъуннан хайр хъунмасса бивкӀун бур, ми хъанай бур инсантурал оърмулул дагъанттуну.

ХъхъичӀуннайшивурттайн оьвтӀутӀисса газетру паччахӀнал чиновниктуран ччай бивкӀун бакъар, гай бюхъавай печатьрай бивщусса махъ халкъунначӀан биян къабитанмур буллай бивкӀун бур.

Цаппара хӀаллава чӀявуми дагъусттаннал миллатирттал мазурдийсса газетру лавкъуну бур. Газетру лакъирчагу, хӀукуматрал хъуниминнаща халкъуннал хъхъичӀунмай кӀункӀу тӀутӀаву дацӀан дан бювхъуну бакъар. Оърмулувусса диял дкъашивурттая, губернатортурал лавсун нанисса лацинсса ххуллурдая, халкъуннайн къаршисса законная чичлай бивкӀун бур зунттал хъхъичӀунсса инсантал.

Саэд Габиев леххаву тӀий ур: дулара зунттал халкъуннахъхъун инсантурачӀа дикӀан багъайсса чанссарагу ихтиярду, тӀий. Мунал дащуй бихълай ур зулмулул агълу, духсса школарттал программарду, миву дарс дихълахъисса ххуй дакъасса тагъар. Му оьвтӀий ур Аьрасатнал ххуйми ва хъхъичӀунмайми инсантуращал дусшиву гужлан даврийн. Мунал чивчуну бур статьяртту, оьруснал ва махъсса халкъуннал хъунисса чичултрая.

Дагъусттаннайсса чӀярусса диял дакъашивуртту дащуй дихълай, чичлай ур Гь. Саэдовгу.

Октябрь революциялийн хӀадур хъанакъисса чӀумалсса Дагъусттаннал литература мяъналул чулукуннай дакъасса, цӀусса журалул жанру хӀасул

шаврийнугу авадан хьуну дур. Миву щаллу хьуну дур политический назмурду, дурккун дур драматургиялул, прозалул ва революциялийн оьвтIутIисса лирикалул цIусса назмурду. Мунининсса художественный литературалуву диркIун дур анжагъ ца жанр – мугу лирика.

КутIасса чIумул дянив литературалуву цIусса жанрдугу хIасул хьуну, мигу гуж хьанай дачаву, литературалул хьуннасса хьхьичIуннайшиву хьанай дур.

1912-1913 шиннардий Саэд Габиевлул бивщуну бур оьрус мазрай чивчусса повесть «Халкъуннавун» хаварду «Дагъусттаннал арс», «Аьшукьнал макI», «Аьшукьнал чугур», прозалийсса назму-аллегория «АхIмакъ», Нугъай Батырмурзаевлул повестьру «Мискин ХIабибат», «Давуд ва Лейла», «ТалихI бакъу Жан-бика», Гь. Саэдовлул Дагъусттаннай хьхьичIва-хьхьичI 1914 ш. бивхьуну бур драма «Къалайчитал», чивчуну бур ца актрайсса хьярчисса пьесарду «Ххаххаву», «АхIмад ва МахIмуд» ва цаймигу. Вай цIусса жанрардай чивчусса произведениярдал бусаву дурну дур личIи-личIисса темардая. Габиевлул «Халкъуннавун» тIисса повестьраву ккаккан дурну дур революциялул ялу чялиш хьанахъисса Жайраннул ва Надежда Михайловнал сипатру. Повестьрал тема оьрму баххана бан аьркиншивриясса дур. Нугъай Батырмурзаевлул повестирттал гьануну ларсун дур дуккавриясса тема, Гь. Саэдовлул чивчуну бур хIалтIухъантурал оьрмулуя («Къалайчитал»), революциялуя («АхIмад ва МахIмуд»), политикалуя («Ххаххаву»).

Мийра шиннардий чичлай бивкIун бур оьрму хIакъну, тIайлану ккаккан буллай ХI. Цадаса, С. Стальский, Аь. Иминагъаев, А. Салаватов ва м.ц.

Мяйлчинмур классраву лакрал литература лахьлахъиссар ца низамрайн дурцуну.

Ва классраву оьрчIру кIул хьанахъиссар ХIХ ттуршукулул ахирдания ХХ ттуршукулул дайдихъулийн дияннинсса лакрал ва цаймигу дагъусттаннал миллатирттал литературалушал. ОьрчIру кIул хьунтIиссар Оь. Батирайл (дарги), Ирчи Къзазахълул (къумукъ), Я. Аминнул (лазги), Гузунхъал ХIасаннул, ТтурчIиял Маммадайл, Ккурккуллал Щазал (лак), ХъахIаб Росолиясса

МахІмудлул (ярусса) творчестволушал. Ялагу мыйлчинмур классрал хрестоматиялуву оьрчІру кІул хьунтІиссар революция хьуну махьсса лакрал ва дагьусттаннал шаэртурал ва чичултрал творчестволушал.

Назмулийну чирчусса литература мыйлчинмур классраву дайдохьлай дур О. Батирайлуя. Мунал творчество лахьхьаврин программалий ккаккан дурну дур 3 ссят.

Цалчинмур дарсирай оьрчІахь бусайссар О. Батирай яхьанай ва ляхьан буллай ивкІшиву Шамил ух хьуну, щала Кавказуллал билят оьруснал аьралуннал лавсьсса чІумал, кІира идеология цаннишал ца къадакьлай диркІсса чІумал.

ПаччахІнал политика, мунал лавсун нанисса ххуллу бакьлай къабивкІун бур кІанттул культуралушал, бусурман диндалушал, аьраб мазрашал, аьраб чичрулушал, луттирдашал, алфавитрашал ва м.ц. Мунияту тава чІумала дагьусттаннал халкъуннал (лакрал, яруссаннал, даргиял, лазгиял) хьхьичІва-хьхьичІсса грамматикартту чивчусса, оьруснал аьлимчу П.К. Услардул чивчуну бур: «Международным языком должен быть русский, международной письменностью – русская».

Му чІумал цала кІанттул культура, аьдатру дуруччин ччай, чІявуми дагьусттаннал шаэртал цала-цала миллатирттал мазурдий чичлан бивкІссар. Муния махь ниттил мазрай чичлай, аьраб мазрай чичлачаву хІалли-хІаллих тІий чан хьанан диркІссар. Гьарцагу шаэр цала-цала кІанттул, миллатрал иширах аьдатирттах буруглай, миннуйн чул бишлан бивкІссар. Оьмардул Батирайгу даргиял литературалуву хьхьичІва-хьхьичІ ниттил мазрай балайрду ляхьан буллай, цала заманайсса оьрму чІалачІи буллай ивкІун ур. Ва ихтилат бувну махь, бучІиссар бучІан шаэрнал биография лахьхьаврийн.

Шаэрнал кутІасса биография буллуну бур хрестоматиялийгу, бунугу цала бусласимуниву учительнан бучІиссар ишла дан ва материалгу: увну ур Батирай ХІурухьи тІисса даргиял шяраву. Мунал ппу Оьмар хьинну къянкьасса, махь нанисса, захІмат ххирасса адимина ивкІун ур. Цанма балайрду ххирасса бунугу, мунан хасну бивкІун бакьар арснал балайрду ляхьан буллай миннухун агьаву.

Бутгал чайсса бивкІун бур: адимина аьркинссар къатлун хайр бумуниха зун – хьуниха, ххалаха, гьаттараха ва м.ц. Оьмар къатІайлану тІий ивкІссар учингу бюхълай бакъар, цанчирча миннуьну ягу канил пишалиьну бакъа кулпат ябан къашайсса бивкІун тІий.

Батирайл дакІ дацІан дуллалисса кумагчиталну хьуну бур нину, уссурвал ва ссурвал. Батирайл нину, Шамай, хьинну цІу бусса, маз итххьвхсса, цила балайрду ляхъан бувну, ххуйсса чІуний учайсса, халкъуннал дакІнихсса творчество ххирасса шарсса диркІун дур. Щазайн, Маммадайн кунма, мунигу балай учин, хъатІайн, мажлисирттайн оьвчайсса бивкІун бур. Инсан ивкІукунгу цила мукъурттий, бюхханну зума учин чІявуссаннал муни хавар байсса бивкІун бур. Лас ивкІуну, захІматсса оьрму ялун бивсса чІумал, чил даву дуллалаврину бакъасса, Шамайл ххуйсса чІуниятугу къатлул дуланмагъран биялсса кумаг хьуну бур.

Бавмур, ккавкмур дакІний битайсса Батирайн чяни лавхъхьуну бур чугур бищун ва ххаллилну балай учин. АцІния ххюра шинаву тІун ивкІсса мунал балайрду агъалинан, хаснува жагъилминнан, хьинну ххуй бивзун, дакІний личІайсса бивкІун бур.

«Цал увкусса балай Батирайл кІилчин къаучайсса бивкІссар тІий, чивчуну бур Къапихъал Апаннинал. Мунийну бувчІлай бур цал бувмур, увкумур мунал хьунмасса хІаллай хъама къабитайсса бивкІшиву. Ккавкнал буслай ур укунсса зад: чІаххувчунан арс увну, мунал цІа дизлай, ххаришиву дуллалисса мажлисрай оьвкуну увкІсса Батирайл оьрчІан талихІ чІа тІисса балай увкуну бур. Диялсса шинну ларгун махъ мува чІаххучунал арсенал хъатІуй Батирайл мукъуй махъ бивхьуну цал хъхьичІмур (арс увсса чІумалмур), мунила хъиривгу цІусса цамур балай увкуну бур. Ванийну чІалай бур цала бувсса циньв балайрду Батирайн дакІний личІайсса бивкІшиву»<sup>1</sup>.

Гьунар бусса балайчинах эшкъи хьуну дур Аминат тІисса авадан къатрал душнин. Каши дусса душнил нину-ппу, мува куццуй эшкъи хьусса, амма

---

<sup>1</sup> Хъассиев А.Ю., АхІмадов С.Х. Дагъусттаннал литература (педучилищалул учебник). МахІачкъала, Дагъучпедгиз. 1992.

мискинсса Батирайн му шар булун цукунчІав рязи къахъанан бивкІукун, Аминат лихъан бувну, цамур шяраву вихшала дусса инсанначІа лабивтун бур. Щаллусса шинай душнин магъар бишин ихтияр дулара тІий, тавакъюв буллай занарчагу, миннал ихтияр къадуллуну дур.

Чара бухлавгун, Батирайл ляхъан бувну бур ми дашуй бихълахъисса кІива балай: «Мусил бакІ ду къарчигъай», «Неххай щамауксса». Жула учайссар, махъ ккуллалуяр къутІайссар, куну. КъутІинсса кІай балайрду халкъуннавух ппив хъанан бивкІукун, нину-ппу рязи хъуну бур душнил хъирив цичІав къадуллуну, бачІвасса магъар бишин. Шаэрнал мурадгу му бивкІун бур.

Батирай хъанай ур даргиял дакІнихсса литературалул ца вакилну. Дагъусттаннал цаппара шаэртурал кунма (С. Стальский, Маммадай, Щаза, Анхил Марин) мунал чичру къадурну, дакІних ляхъан буллай ур балайрду, назмурду, шаммарду. Мунал творчестволул гъануну хъанай бур халкъуннал дакІнихсса поэзия – фольклор, мунил жанру ва м.ц. Амма фольклордания Батирайл творчество личІи хъанай дур цанма хасъсса хатІлийну (стильданийну), къянкъасса пикрилий дакІнивумур аьлтту буллалаврийну, учин ччимур кутІану, куртІну ва пасихІну учаврийну. Вай махъсса поэзиялул шартІру халкъуннал дакІнихсса творчестволувугу дикІай. Амма фольклорданий аьмну чІалачІи бувмур, Батирайл хІарачат буллай ур цІа куну, мяйжан бувну, бюхттулсса стильданий ккаккан бан.

Мяъналух бурувгун, шаэрнал творчество дачІин бюхълай бур мукъра темалийх: виричунахасса, эшкъи-ччаврихасса, оьрмулухасса, цахавасса. Вай циняр мукърагу тема дур кунничІан ку гъансса. Инсанная оьрмулин къаршисса, тархъаншиву зехлахисса аьдатру инкар дуллалаврийну, халкъуннал мурадру буручлачаврийну Батирай лахъну ккаклай ур инсаншиврийсса, тІайлашиврийсса, тархъаншиврийсса оьрму.

Батирайл виричу ур ссаятучІав нигъа къаусайсса, эпосрал геройтурал кунма, иш багъсса чІумал мунал хъхъичІ цичІав дацІлай дакъар.



Мяйлчинмур классраву оърчІру кІул хьунтІий бур Оь. Батирайл виричунан хас бувсса балайрдашал. ОърчІал я бурган бан аьркинссар Батирайл цала виричунаву цукунсса хасиятру чІалачІи дуллау урив.

Дарс бучІиссар дишин личІи-личІину. Цаппара учительтурал ми дарсру беседалул формалий дишай. Гьарца куплет бувккуну махь, бучІиссар ххал дигьин виричунал хасиятру. Аьшукь бувчІин буллау ур виричу тарбия аву цукун хьуссарив (ниттил увайнава «хІурнилуву увну ур», бутталгу кІанттуну унува «дуллуну дур мисри тур»), чІалачІи бувну бур мунал ссаячІав хІучІ къаучаврия, душмантурал хьхьичІ къянкъану ацІаврия, караштал муная зурзу тІун бикІаврия, оьсса къини дучІарча, му леххаврий уккантІишиврия.

Айнава увну ура  
Ина вирттаврал дус хьун,  
Буттал хьун увну ура  
КІакІаштуран бала хьун.

Батирайл ккаккан дурсса виричунал сипат лахьи балайрдаву кунна биллалавуртту, талатавуртту, хьанахьисса ишру куннил хьирив ку бувтун щаллу дурну дакъарча, ца-ца, кІи-кІива, шан-шанма куплетирттая хьусса, цала шаэрнал мунаясса пикри бувсьсса дур. Щаллу шаврил бурувгун виричунахасса балайрду лирический балайрдачІан гьансса бур. Амма мяьналул чулуха ми кунния ку мадара личІисса бур.

Чу захІматсса дучІарчан,  
Ца гьассара ттуршуннан,  
Алмас кунна, дайл дурсса  
Мисри тургу канихьну  
Бала ялун бачирчан,  
АйгьинтІиссар азара,  
Мусил накьич дирхьусса  
Мажаргу лахьан бувну.  
Ина душмантурахьхьун  
КъабулунтІиссар райгу,

ЛухИ чакмардал кяржив

ЯтІул ьттул дуцІиннин.

Шикку шаэрнал виричу цукунсса уссарив ягу икІан аьркинссарив чІалачІи уллай ур. Шаэр вихну ур агъалинайн, жяматрайн кьини дурксса чІумал виричусса инсан, ца цувалу ттуршуннайн ххяххантІишиврийн, мунал цукунчІав «душманнахъхъун рай» къабулунтІишиврийн. Батирайл чІалачІи бувну бур виричунал бан аьркинмур.

Батирайл виричунахасса балайрду халкъуннал творчество, хаснува лахъи балайрду гъануну лавсъсса кунмасса бур. Ми лахъи балайрду жям бувну, миннул мяъна гуж дурну шаллу бавришал, цала пикри чІалачІи буллалисса бур.

Хъахъасса арс къааннав

Къучагъну лявхъу буттан,

Буттал душмантал бух бан

Бурж бунутІий га арснай.

Къянкъасса арс къааннав

Къирият дакъа буттан,

Буттал къюкъала шюшлан

БагъайнутІий арсваран.

Бусайссар дуклаки ьрчІахъ цала балайрдаву виричуная цІа дуллай, ганал гъунардан бюхттулсса кьимат бишлай унугу ганал захІматсса, къурчІисса къадарданиягу чичлай ивкІшиву.

Оьрму тІурча къучагънал –

Ца къуния ххюра шин:

Саяхътурал итарчан,

Ссивир айссар паччахІнал.

КІай ялувсса ххуттардил чІалачІи бувну бур шяир яхъанай ивкІсса. Дагъусттан АьрасатнацІун цачІун бувсса чІун, цал ялагу дакІнин бутлай ур тІайлашиву дакъасса, личІи-личІисса классру куннишал ку энадрайсса дунияллий, ьрмулун захІматшивуртту духІан къахъанай халкъуннаву цала ьрмулуясса рязи бакъашиву ялун личлан дикІаву.

Батирайл циняв пикрирду, умудру оьккисса кьадар нясив буллалисса виричуная бур. Мукун бунугу, шаэр пашмансса шугълурдаву акъар. Мунан виричунал чувшивугу, гьунаргу ссанчІав кьааьркинну чІалай бакъар. Шаэр мукІруну ур виричунан бивкІу бакъашиврий, цанчирча, мунал ца халкъуннан тачІав хьамакъаритайнутІий. Му тІий ур:

Юх, ца дурксса виричув  
Къауччайссар хІатталлив.  
Вирттаван кІялабарзру  
ХхуллурдацІри бищайсса.

«Виричунахасса балайрдал» хьирив лаллалени букваву учительнан дан аьркинсса пасихІну оьрчІан дюхханну, мура пасихІсса букваву оьрчІаятугу тІалав дан аьркинссар.

ОьрчІру кІул байссар Батирайл творчестволул цаймигу чуллащал. Бусайсса виричунахасса бакъа мунал ляхъан бувшиву балайрду эшкъиччавриха, оьрмулуха, цахава. Оьрмулуха ва цахава бувсса балайрду щаллу бувну бур цува угъара хъанан ивкІсса чІумал. Миннул чІявуну къякълухун бихълай бур аваданминнал мяшъшиву, цивппа къадуркуну, къахІарчІуну бивкІун, хъус махъ дихълахъаву.

Къалмул сурду бунува  
Къатлуву ччатІ къалякъай  
Зунттайх ттурзанну дуна,  
КІюххуву дикІ ххал къашай.

Оьрмулухасса балайрдаву бур шархъавух занай цанма шаэрнан ккавкмур, хьуна бавкъумур бусласиссагу.

Оьрму дащуй бихълай, хьуниминнайн къарши уклакисса Батирай балай учин къаитлатисса кІанттаван ивну ур. Агана учирча, мунай ца ницайну аьчІа дишайсса диркІун дур. Ца-ца чІумалгу жяматрал аькІлунсса ниц лавсун, балай учин айсса ивкІун ур.

Оьрмулул угъара хъусса чІумал Батирайл «Агъ балай чин шайссарив?» тІисса дакІнива нанисса балай бувну бур:

Дарман бакъа цѳуцѳаврил,  
Бивкѳулул оъ дардирдал,  
Ятиннал бартукъ куна,  
Мурцѳув увтун ухъурчан,  
Цукун чиви на балай?  
Агъ, Оьмардул Батирай!

Батирайл балайрду хъхъичѳва-хъхъичѳ оьрус мазрайн таржума бувну бур зувилкусса шиннардий Къапихъал Апаннинал. Оьруснан бакъассагу, му кѳул хъуну ур чѳявусса цаймигу халкъуннал буккултран.

Батирайл творчестволул хъирив лавну махъ, оьрчѳан кѳул хъумур жям бан бучѳиссар хрестоматиялул методический аппаратрай буллусса суаллал кумаграйну.

Му бакъассагу, учительнан оьрчѳашал лякъин бучѳиссар Батирайл балайрдавусса мазрал пасихѳшиврул ярагъру: лащан бавуртту, метафорарду. Мукунма бучѳиссар лякъин учаларттайн кѳура бавсса Батирайл балайрдавасса ххаругу.

Вава классраву дуклаки оьрчѳру кѳул хъунтѳиссар къумукънал цѳусса литературалул гъану бивзсса аьшукънал Ирчи Къзахълул поэзиялушал.

Ирчи Къзахълул поэзия ва мунал оьрмулушал дуклаки оьрчѳру кѳул бан программалий ккаккан дурну дур 2 ссят. Ва чѳумул мутталий оьрчѳал лахъхъинтѳиссар И. Къзахълул биография, «Душиву да къучагънашал», «Галихѳ» тѳисса балайрду.

Цалчинмур дарсирачѳансса хъхъичѳ мукъуву оьрчѳахъ бусайссар И. Къзахълул творчествогу хъинну гъансса душиву Оь. Батирайл творчестволулчѳан. Цара ца чѳумуву яхъанай бивкѳсса личѳи-личѳисса миллатирттал шаэртал оьрму ккаккан буллай бушиву хъинну лавхъхъуну. Яла кѳул байссар оьрчѳру шаэрнал оьрмулушал.

Ирчи Къзахъ увну ур 1830 ш. мискинсса хъудугъул кулпатраву, Щурагъату арх дакъасса Муслим-аул тѳисса шяраву (цѳанасса Атлан-аул).

Мунал буттал, цайминнал аьрщарай зурча бакъа, цала аьрши диркӀун дакъар. Ирчи Къзахъ чансса хьун хьусса чӀумал, гьан увну ур малланачӀан къуран лахъхьин. Амма къатлуву хьуннасса мюхтажшиву дуну, мунан дуккаву къаритан багъну бур. ЧчатӀ лякъиншиврул, чӀивину унува, зун багъну бур шамхалнал хьуруннай. Ми шиннардий ялун ливчун бур И. Къзахънаву балайчинал ва шаэрнал гьунар. Му пагьмулул къимат хьиннува лавай буллай бур хьудугьул оьрмулуву хьанакъисса задру тӀайлану чӀалачӀи буллалаврил. Шамхалнал аьрщарай буллалисса захӀмат ккаккан бувну бур «ГъайтӀи чӀумал гамушру ссур бувул балайлуву». Миву бувсун бур ччясса интнил чӀумал, дякъиву, мурчаву, дашрулуву хьудугьул ци хӀарачат булларчагу, даву най дакъашиву, ккашилсса бувхсса гамуширттаца хьарас кӀункӀу дан къабюхълахъшиву, цивпа гъайтӀалтгу багьтӀатӀал хьуну, банмур бакъа ливчӀун бушиву.

Цуксса оьрмулул къарчӀ ивтун ухьурчагу, лакрал Щаза ягу Маммадай куна, Ирчи Къзахъ акъасса я хьатӀи, я ссувхӀат, я дялахъру къашайсса диркӀун дур. Мажлисирттай ягу гьалмахтурачӀа цала ляхъангу бувну, къумузрахун ххуйсса чӀуний балай учайсса бивкӀун бур.

Гьунар буну, цӀа ларгсса Къзахъ шамхалнал цала чӀалъаьрдавун дялахърулул увцуну ур. Му бакъассагу, мунан ччай бивкӀун бур шаэр цахава цала хьхьичӀунмайминнаха цӀа дурну, балай тӀутӀи ан. Мунал умуд барт къалавгун бур. Мискин-гъаривнал оьрму ххуйну кӀулсса Ирчи Къзахънаща дакӀниву ца бувгьуну, балайлуву цамур тӀун цукунчӀав бюхълай бивкӀун бакъар. Цала тӀимур къахъанан бивкӀукун, шамхалнан му къаччан хьуну, танмихӀ бан багъандарах луглай ивкӀун ур. Гьалмахчунан ччан хьусса душ лихъан бан кумаг баву сававрай шамхалнал му гьан увну ур Ссивирлив шанна шинайсса. Ссивирлив бикӀу, шаппа бикӀу И. Къзахънал чӀявусса балайрду ляхъан бувну бур.

Мунал творчество дачӀин бюхълай бур шанма бутӀуйх: ца Ссивирлив гьан аннинсса, ца Ссивирливсса чӀумалсса, цагу мичча зана хьуну махъсса.

Оърмулуву хъанахъимур И. Къзазахънал куртІну ва тІайлану ккаккан бувну бур. ЗахІматрал агъулданул багъу-бизу, миннал буруккинтру ва хияллу аьщуйн щуну, балжину чІалачІи бувну бур. Мунал хъхъичІ гъарца чІумал захІматрал инсан ур. Оърмулул ишру цивппа бусса куццуй чІалачІи баврил гъаз буллай бур назмурдал къимат, гуж дуллай дур миннул мяъна.

Авадан къатран Ирчи Къзазахъ душман куна къаччан хъуну ур. 1879 шинал хъхъувай цайминнал овъкуну лавгун, му акъа-къатІа хъуну ур. Гъунттихавай ламул лув ккуччу-къютІу дурну, дурчІин къабюхълахъисса нурчІи хъудугъултран ляркъуну дур. МукъцІаллий урчІра шинаву, яла поэзиялул бюхъу гужсса чІумуву дунияллия лавгун ур къумукънал шаэр.

Шаэрнал биографиялушал оърчІру кІул бувну махъ, учитель учІайссар И. Къзазахънал творчество лахъхъаврин. Мяйлчинмур классраву лахълай бур «ТалихІ», «Дусшиву да къучагънащал» тІисса назмурду. Назмурду лахъланнин цал хІадур буллалисса байбихъулул беседа байссар. Бусайссар шанна шин къуркъуну Ссивирлив гъан увсса чІумал, мунал чичлай ивкІшиву тиккусса оърму цукун захІматсса бивкІссарив, ми яхъанахъисса кІанттул тагъар цуксса лацинсса диркІссарив, микку инсаннал оърму цуксса къурчІисса бивкІссарив.

Буттал кІанттул архну

КъурчІину шайсса барзру,

Жу кунма гъан буллайсса

Мискин-гъарив чанссарив,

– тІий ур шаэр «Биривунну муххал къатІухъхъун» тІисса назмулуву.

Ссивирлив гъан увсса чІумалсса балайрдаву И. Къзазахъ чІявуну дакІнин бутлай ур буттал кІанттай бутлай ивкІсса оърму, дурмур ва дуллай ивкІмур. Мунищала архІал мунал дащуй бихълай ур цува угъан увсса лавмарт – князь Алискендеров, мунащала архІал – лажин ккарккун махъ бусайсса, инсаншиву дакъасса шамхал ва муначІан гъансса хъус-къинилул заллухъру.

Ссивирлия зана хъукун И. Къзазахълун хІисав хъуну дур цува дуснакърай ивкІссагу шаннагу шинал мутталий Къумукънаву диялсса дахханашивуртту хъушиву: рахІму бакъасса шамхалнал хІукуматран кІанай щябивкІун бушиву

паччахІнал чиновниктал ва кІанттул авадан халкъ, миннал хІукумат цанма кѳулайсса куццуй дачин дуллай бушиву, мискинминнахъ тархъаншиву чари, цукунчІавсса ихтияр дакъашиву, ми хъиннува мискин хѳушиву, кІанттул буржуйтал ялун ливчушиву, дахху-ласу, маша буллалаву гуж хѳушиву.

Цамур куццуй ккуру най дур тти чІунну,  
Гъарца чув ур хѳуслин иман дирхъуну,  
Хѳус махъ дишин, хъапа бищун бюхъайма,  
Му ур цІана гъарцанначІа хъхъичІунну.

ТІайласса зад буслай, аваданминнайн кършисса балайрду ляхъан буллалисса И. Къзахъ Ссивирлия цала буттал шяравун уххан кѳаивтун ур. Чара бухлавгун, мина дишин багъну бур Сулакърал куя чулух Батаюртлив. Мунал балайрду кѳумукънавух муксса ппив хъуну бивкІун бурхха, хІатта Батаюртливгу шаэр паракъатну кѳаивтун ур. Цуксса бахчилай бунугу И. Къзахънал мина дурну дур Аксайлив. Му ппурттуву ляхъан дурсса назму дур «ТалихІ».

КІа назму цал учительнал цала дуккайссар пасихІну, оърчІан дюхханну. Яла бувчІин байссар оърчІан захІмат хъун кунмасса махъру: ччала, касиб, арвав, авдал, капир, батир, даккаву, кърарупулла ва м.ц. Яла бучІиссар вичІидишин магнитофондалувух артистурал буклакисса куццух. Хъирив буккин байссар дуклаки оърчІахъ.

Хъирив бучІайссар назму ххал дигъаврин. ОърчІал я бурган байссар шаэрнал цала назмулуву оърмулувусса ишру яргну ккаккан баншиврул ишла дурну душиву задру куннийн ку кършину чІалачІи буллалисса кѳяйда. Назмулуву кІива журалул инсантурал (талихІ буминнал ва бакъаминнал) жяматраву цукунсса кІану бувгъуну буссарив ва миннах цукунсса бургаву дуссарив хъинну хІисавравун ларсун дурну дур. Масала, мискинсса инсан гъунарданул вахІшисса аслан бугърчагу, ци кѳучагъшиву дарчагу, мунал кѳадру жяматраву бакъар. Цила талихІрал тІурча, цуксса ахІмакъсса, лацинсса, тІул-тІабиаѳт оьккисса духъурчагу, инсан марцІну, ххуйну, лавайну ккаккан

уллай бур. Вай дурчІавурттайну И. Къзахънан учин ччай бур: аваданма сийлий, бусраврай, хІурматрай, мискинма сан акъа, къадру бакъа ур куну.

И. Къзахънал чІярусса назмурду оърмулувусса ишру: жяматрал вивсса тІайламур ва къатІайламур, куннийн ку къаршисса классру, миннул личІишиву, хІусудшиву ккаккан дуллалисса бур. Цанма ци ккакларчагу, мунаша пикри бакъа щяикІан бюхълай бакъар. Му чулухунай цаппара назмурду хъинну сатиралучІан гъансса дур.

Ахирданий жям байсса беседалуву оърчІашал цачІу дирхъуну ххал дайссар Оь. Батирайл ва И. Къзахънал творчестволул лавхъхъумур.

ОърчІан бувчІумур луттирайсса суаллал кумаграйну цІакъ байссар.

Вава классраву оърчІру кІул хъунтІий бур «Дусшиву да къучагънашчал» тІисса назмулушал. Назму оърчІал цайнува цала буккинсса произведениярттавун дагълай дур. ОърчІахъхъун цала буккин булуннин бусайссар И. Къзахъналгу Оь. Батирайл кунма виричунан лавайсса къимат бишлай ушиву. Ва назмулул гъанусса мурад хъанай бушиву къучагъсса инсаннал яхІ, ламус, мяърипат чІалачІи даву.

Шаэр чІалачІи буллай ур дакІ ххуйсса инсан тачІав инсаправа, яхІлива къауккантІишиву, мунал щилчІав хъхъичІ хъхъарашиву къадантІишиву. И. Къзахъ учин ччай ур: къучагъ, цала инсаншиву щяв рутан ччай акъахъурча, ссалчІав айгъин-угъан къашайссар, цанчирча, мунал ас-ламус гъарца задраяр бюхттулссар, лавайссар. Му ларайшиву ккаккан дурну дур назмулул ялавайми ххуттардиву. Масала, къучагънан ххирасса, пахлурун ккаллисса бидав цанма пишкашран булурчагу, багнал хъхъичІ никру къарищунтІиссар. Пишкаш баву – му инсаннал узданшиву, чумартшиву, ххаллилшиву дур, амма миннучІун цукунчІав, даркъуну дакъар лагъшиврийсса икрам баву.

И. Къзахънал назмулуву къучагъ личІлулсса инсан ушиву чІалачІи увну ур, учалартту ишла буллай. Масала, «савур – ятІул мусийри», «савур дурнан – ччан, савур дакъун ссан», м.ц.

ЯхІ ва савур мусийн кІура даяйссар,

Ссавурданул ччимур къала ласайссар,



Ссавур дакъу байчу щуну агьукун,  
Банмур бакъа, ччанну батлай ачайссар.

Вай мукьурттийну И. Къзазахъ бувчІин буллай ур гьарца задрал цила сант дикІайшиву ва даймур ссавурданий личІулуну дан аьркиншиву.

Оьрмулуну хьунабакъайсса ишру къучагьнал дуллалимуницІун, мунал яхІлицІун, ссавурдануцІун ва узданшивруцІун бавхІуну бур. Му ур къарши уклай, иш багьукун, нигьа увсун лихъайсса, оьккисса маз бусса «гьутру бакъуйн». Къучагъ хьинсса дус ур мискин-гьаривнал, му миннуя «жангу ххира» дуллай акъар.

И. Къзазахьнал поэзиялуну чІалачІи бувмур бур инсаншиву бюхттул дуллалисса, мунил ялув талатисса. Укунсса куннасса бувчІин баву дурну махъ, бувчІиссар назму цайнура цала дуккин дулун шардай.

Хьиривмур дарсирай оьрчІан бувчІумур луттирайсса суаллал кумаграйну ххал бигъайссар.

Мяйлчинмур классраву ялагу оьрчІру кІул хьун тІий бур ацІния урчІулку ттуршукулийсса дагьусттаннал мукъа классикная цану хьанахъисса лазгиял шаэр, Ятин Аминнул творчестволушчал.

Я. Аминнул творчество лахъхьаврин программалий ккаккан дурну дур 2 ссят. Ва чІумул мутгалий оьрчІру кІул бан багълай бур ванал биографиялушчал ва «Дунияллухъ», «На ивкІукун», оьрчІал цайнура цала дуккинсса «Дуниял къакІулманахъ» тІисса назмурдашчал.

Цалчин оьрчІру кІул бан багълай бур Ятин Аминнул биографиялушчал.

Лазгиял миллатрал хьуннасса шаэр, цІу литературалул гьану бивзма ва оьрму бусса куццуй чІалачІи буллай ивкІсса шаэр Ятин Амин увну ур 1838 шинал къадианал кулпатраву, Ялджух тІисса шяраву. Мунан тІайласса цІа МахІаммад Амин дур. Ятин – цайнна цала дирзсса цІа дур. Мунал ппу Севзихан Цилинга тІисса шяраватусса унугу, къадишиву дуллай ивкІун ур Ялджухлив. Мюталинну дуклай дянивсса даражалийн ивсса чІумал, Аминнул ппу ивкІуну ур, Ялджухрал къадишиву мунайн ирсирай дурккун дур. Гьану-миналух, тарбиялух ва дуккаврих бурувгун, Ятин Амин дянивсса кулпатраву увну ур.

Ятин Амин айивхьуну ур къадишиву (судьяшиву) дуллан аьйкъаву къахьунсса куццуй, задрал хьинну хьирив лавну, пикри бувну. Даччаву дакъа, судрал даву дачин дурсса Амин халкъуннан хьинну бусрав хьуну, сий дуну ивкIун ур. МуначIан бучIайсса бивкIун бур аьркинмур кIул бан, маслихIат бан, хIатта къашавайсса инсаннан бансса даругума цIуххин.

Амин чичлан айивхьуну ур оьрчIнийва. Мунал буккайсса бивкIун бур аьрабнал, туркнал, азербайджаннал ва дагъусттаннал назмурдал ва элмуллул луттирду ляхъан байсса бивкIун бур оьрмуллул личIи-личIисса чуллан хас бувсса балайрду. Му бакъассагу шаэрнал хьуннасса ургаву дайсса диркIун дур халкъуннал дакIнихсса творчестволух. Лазгиял литературалуву диркIсса аьдатру мунал дурмунил куртI дурну, авадан дурну дур.

«Лазгиял чичрулийнусса литература хьунмурчIин аьраб мазрай, аьрабнал поэзиялул традициярдай (аьдатрай) дузал дурсса, халкъунная ядурцсса диркIун духьурча, Я. Аминнул цала лазги мазрай, фольклорданул ва цаяла хьхьичI диркIсса кIанттул литературалул традициярду гьануну ларсун, цIусса халкъуннал мурадиртгачIан хьинну гьансса поэзия щаллу дурну дур»<sup>1</sup>.

Му бакъассагу, Ятин Аминнул ци темалия чичирчагу, цIусса махъ къаувкуну, цIусса зад бувчIин къабувну къабитлай ур. Лазгиял аьлимтурал тасттикь, буллалаврин бувну, учин бюхълай бур, мунал поэзиялул маз ххишала бакъа пасихIсса, куртIсса, лаласун бигъасса маз бур куну.

Ччясса чIумалсса Я. Аминнул эшкъи-ччаврил балайрдаву чIярусса аллегориярду, эпитетру, лащан бавуртту халкъуннал дакIнихсса творчестволува ларсуну дур. Масала, зунттал жайран, лавхъсса чирахъ, алжаннул лелуххи, ятIулсса гьивч, сунурал ккукку, къакъунттул буши, кIяла арцул ненттабакI ва цаймигу. ЧIун наниссаксса мукунсса пасихIшиврул ярагъру Аминнул поэзиялуву чансса бакъа хьунабакълай бакъар. Миннул кIану бугълай бур оьрмулуву хьунадакъайсса мьяжансса ярагъунний дурсса образирттал.

---

<sup>1</sup> Хъассиев А.Ю., АхIмадов С.Х. Дагъусттаннал литература (педучилищалул учебник). МахIачкъала, Дагъучпедгиз. 1992.

Шаэр чичлан ивкІун ур оърмулувусса диял дакъашивуртту дащуй дихълахъисса назмурду.

Судрай диванбашну зий Аминнун мяълунну чІалан бивкІун бур жяматраву, халкъуннал дяниву, миннал багъу-бизулуву хъанахъисса ишру, ххуймур ва оьккимур, лайкъмур ва къалайкъмур. Му хасъсса ургаву дуллай ур жяматрал хъуниминнах, миннал дуллалисса лайкъ дакъасса къеллах.

Гъанай дур ва дуниял, авлия хъуну,  
Ас бунайн ххяхлай бур ва дунияллий.  
Кув жанаварт хъуну, кув чІиру хъуну,  
Куннал кув канай бур ва дунияллий.

Ятин Аминнул творчестволуву чІярусса назмурду дур инсаннан дунияллул ишру бувчІин буллалисса, насихІат бусласисса. Миннуву чІявумигу бур оърму бусса куццуй чІалачІи буллалисса. Масала, «Агъ ва жула оърму», «Дунияллухъ», «Гъанай дур дуниял», «ТалихІ бакъашиву», «БувчІлай бувчІин шайссарив», «1877-ку шинал хъусса бунт» ва м.ц.

1877 шинал Дагъусттаннай хъусса восстаниялийну Ятин Аминнун хъиннува чІявусса оърмулувусса ишру чІалан бивкІун бур. Мунан мяълум хъуну бур паччахІнал ларсун нанисса колониальныйсса политикалул дагъусттаннал халкъуннан цуксса оьбала буллалиссарив ва миннан цуксса зарал хъанахъиссарив.

Му ялагу чичлай ивкІун ур балайрдайсса чагъарду цала дустурачІан, кІулминначІан, кІул бан ччай бур цащава хъирив лаян къабюхълахъисса дунияллул цаппара ишру.

Цува ивчІаннин Ятин Аминнуша кІул бан къабювхъуну бур жяматраву куннан алжан, куннан дужжагъ бушиврун савав ци дуссарив. Оърмулул ахирданий ивчІан агъсса Аминнул чирчуну дур. «Васият» тІисса назму. Му дур дакІгу аьмалгу, дуллалимургу тІайласса инсан бюхттул уллалисса, инсаншиву цакаь дуллалисса назму.

Ятин Амин ивкІуну ур оърмулул ххюцІаллий цара шинаву 1889 шинал.

Я. Аминнул биографиялушал оърчІру кІул бувну махъ, лахъхъайссар ва классраву «На ивкІукун», «Дунияллухъ». Вай назмурду лахълан хъхъичІ оърчІру кІул байссар га чІумалсса дагъусттаннал халкъуннал оърмулушал.

Ятин Амин ур инсантуран мюнпат цукун биян банссарив къакІулну. Мунал мюнпат бан ччишиву данди дацІлай дур ласун къашайсса къалалийн, яни хІукуматрал дирхъусса низамрайн, мунил тІайладакъашивурттайн, буллалисса зулмурдайн. Ми кІивагу цаннийн ца къаршисса оърмулул бутІрал Я. Амин къазразан увну, бугъ уллалисса куна ур. Шаэрнаща бюхълай бакъар мукунсса оърму бухІан. Мунияту цала дакІниймур поэзиялувугу яргну чІалачІи бувну бур. ОърчІащал мукъурттил ялувсса давугу дурну, пасихІну буквавугу дурну махъ бучІайссар назмурдуххал дигъаврийн.

«Дунияллухъ» тІисса назмулугу кІай ялув кІицІ бувсса пикрирду хъиннува балжину чІалачІи бувну бур. Миву шаэрнал цанма хъанахъисса асардая, буллалисса пикрирдая гъалгъа тІий ухъурчагу, чІявучин хасъсса, миннан ккаклакисса, бакІрачІан букІлакІисса ишру чІалачІи буллай ур.

Та чІумалсса оърмулул лащанми, къювкъуми чуллу ккаккан буллалавришал, назмулул бакІрайва шаэрнал дунияллухъ цІуххаву дуллай ур: «Щийра ина дарцІусса, инсап думийгу бахлай?» Ва суалданул мяъна хъуннасса дур. ТІайлану увкумур шярал махъруну ккалли булларча, дуллалисса хІилларду оь хІачІаврих дурган дулларча, жяматрал хъуниминнал бувсмур, увкумур, нани бувмур къалпсса бухъурча, шайссарив Аминнуща дунияллухъ къацІуххин: «Ссайра ина дарцІусса?»

Щекъи дурккун лагивуй,  
Щил дувра ина ляхъан,  
Хъисрагу тІайлашиву  
Къашайхъукун дачин дан?

Назмулул махъмур бутІуй шаэрнал бувчІин буллай ур: «жугу мурчІулт бакъару», «жун дурчІунни вил дарсру», яни жяматраву хъанахъисса къатІайлашивуртту, инсаннай зулму буллалаву.

Цалчинсса куплетраву Ятин Амин тІий ур:

Гъай, панасса дунял,  
Цир ттуяту вин ччисса,  
Циванна ттул дакІнишал  
Хъхъу-къини ччалаччисса?

Ва куплетраву шаэр цала ххажалатрая, гъармудан, хъхъу дакъа, къини дакъа «дунял» дур мунашал ччалай, лагма-ялтту хъанакъимунил му ур къума увну. «Цир ттуяту вин ччисса?» – ва суалданун тІайланнасса жаваб дуллуну дакъар, амма ялавайми ххуттардиву мунил мяъна куртІ дурну дур.

Мунал дардру дур халкъуннан хасъсса, миннан аъмсса. Му ур инсантурал, хасну захІмат буллалинал дакІурдивату гъалгъа тІий.

Агъ, ина лякъайцири  
Оь хІачІлансса аъмаллу,  
Ккуччу-къютІу байцири  
Байчаратал ччанналу!

Амин мукІруну ур инсан леххаву тІий, вев тІурчагу, мунал хъирив укканма акъашиврий, инсап думи хІайвант кунма, бахлай бушиврий, амма халкъгу мурчІисса бакъашиврий. Му ур халкъуннай аьтІий.

Угъ тІий ур Ятин Амин,  
Щаву хъуну дакІниву,  
Бигъарив ларсун ачин  
Вайксса дардирдал гъиву...

Жям бувну учин, халкъуннал захІматсса оьрму Аминнул цала дакІнил дардру кунна чІалачІи дурну дур. Мунан халкъ ххирашиву чІалай бур вава классраву лахъхъайсса «На ивкІукун» тІисса назмулийнугу. Шиву шаэр гъалгъа тІий ур чІявусса ккакксса, дакІ марцІсса инсантурая. Му буслай ур цува дуняллия лавгукун, цукунсса инсантал цахва жижара бан бучІан аьркинссарив. Мунан ивкІуну махъгу цала ялун адав-инсап дакъасса, захІмат къаккакксса, цаманак пикри бакъасса инсантал бувкІун ччай бакъар.

Ттух сагъний къабурувг ттул оь душманта,  
Ттул жаназалучІан гъан машарича,

Бухъхъича ттул ялун, ятсса бунугу,  
ЦачІа мудан инсап марцІну яхъума.

Назмолуву Ятин Амин яла-яла ацІлай ур цанма обала бувсса гъанчунай. Ятинталну ливчІсса оърчІру тарбиягу бувну, хъуни бувсса Аминнун ми душманталну бацІлай бур. Ятинтал хъуни хъуну, авадан хъукун, цала ппу куна ялув авцІуну ивкІсса инсаннаха хІурмат ча бави, минная му лихълахъисса кІанттавун ивну ур.

«Дунияллухъ» тІисса назмолуву кунма ва назмолувугу шаэрнал инсантал кІибачІлай ур: инсап дакъасса «гъанми» тІисса мукъун кІанай, инсап дакъасса инсантал учингу бучІия. Цанчирча мунал тІий ур «На ивкІукун, ттучІан барчаллагъ учин ухъхъуча чаннасса дунъял къаккаркма...»

На куна ятинтал хъуни хъун бувма,  
На куна дардирдал сакъат хъун увма,  
На кунна жан обнна зия гъан дурма,  
Ттул къума дакІния щинал ххув кума.

Ятин Амин цала назмурдаву хъуннасса ургаву дуллай ур мискин-гъаривнах. Ми чІявусса ккавказса, дакІру марцІсса инсанталшиврий дакІ дарцІуну ур.

«На ивкІукун» тІисса назму дурккуну, ххал диргъуну махъ, оърчІащалсса ихтилатраву бучІиссар бусан ва аманат-васият куннасса назму душиву, дакІнийн бичайссар оърчІащал аманат буллалисса назмурду чирчусса оъруснал ва лакрал шаэртал.

Я. Аминнуя кІулмур жям бан бучІиссар луттирал методический аппаратрал кумаграйну.

Ганияр махъ дуклаки оърчІру кІул хъун най бур дагъусттаннал хъхъичІа-хъхъичІсса баснячину хъанахъисса ХІ. Гузуновлул творчестволушал. Ва классраву оърчІру кІул бан багълай бур ванал биографиялушал ва «Гъиндустан гъивхъ ва кІулу» тІисса баснялушал.

Цал кІул банну оърчІру ХІ. Гузуновлул биографиялушал.

Гузунхъал ХІасан увну ур Гъумук 1854 шинал хъудугъул кулпатраву. Чивину унува дуклан увххун, мунал къуртал бувну бур дагъусттаннал мюталимтурал къуртал байсса мадрасарду ва аьлимтурал курсру. ХІасан ххуйну кІул хъуну ур аьрабнал, парснал, азербайджаннал, дагъусттаннал хъхъичІунмий аьлимтурал ва шаэртурал чивчуминнушал ва миннал дурсса личІи-личІисса бувчІинбавуртташал. Мунал шаллуну лархъхъуну дур арифметика, алгебра, астрономия, география, философия, естествознание, диндалул история ва цаймигу элмурду. Ми бакъассагу ХІасаннул заочныйну къуртал бувну бур Дербентуллал оьрус школагу.

Диялсса кІулшивугу ларсун, му увххун ур Гъази-Гъумучиял округрал начальникнал канцелярданувун надворный советникну. Мивусса чиновниктурал мунан хъунмасса гъира бувтун бур оьруснал культуралух, хаснува миннал машгъурсса чичултрал творчестволух.

XI. Гузуновлул лархъхъуну дур чІярусса элмурду. Мунал чивчуну бур математикалул, астрономиялул, географиялул луттирду, цала канил бувну бур хъхъичІва-хъхъичІсса глобусру. Миннуя ца лазгиял хъунасса аьлимчу ХІасан Алкъадарил тІалав бувну, гъан бувну бур дагъусттаннал элмурдал даража ххал бигълагъисса Кураллал округрал начальникначІан.

Гузунхъал ХІасаннул дурсса хайр бусса давуртту чІярусса дур. Оьруснал ва Баргъбуккай чулухаллил аьлимтурал дунияллуя цІуну мяълум хъусса пикрирду гъануну лавсун, мунал чивчуну бур астрономиялул мукъва том. Миву дунияллуя, ссаврунная, бургъия, цІурттая бивкІсса бухсса пикрирду дашуй бихълай, мунал ккаккан бувну бур миннул мьяйжансса зад цукунсса буссарив.

Му зий ивкІун ур личІи-личІисса къуллугъирттай: округрал исполкомраву, собесраву, ОНО-рай, финотделдануву, м.ц. Гъарца цува зузисса кІанттавугу XI. Гузунов хІукуматрайн тІайлану, марцІну зий ивкІун ур.

Цала оьрмулий ганал чивчуну бур личІи-личІисса элмурдая ацІния кІива лу. Миннуву ца лугу бур ттуршунния ливчусса лакку мазрайсса балайрдал, назмурдал ва баснярдал.

Мунал назмурдаву задру тІайланма кѡаувкуну, метафорардай, аллегориярдай бувчІин буллай ур. Масала, жагѡилнива цачІун бувсса «ттеркѡукѡив ва жавгѡарду (балайрду) кѡадру бакѡа харж хѡури». Шаэрнал миннуйн багѡа бакѡасса «ххазина» тІий ур. Му ххазиналул «жипру» дуцІин данна тІий, цачІун буллай унува, жипаву ккутІру диркІун, ца-ца тІий зивзуну бур. Цаппара бакѡа хѡуну бур, цаппара «кѡадрулул агѡулданул буттукѡравун» лавкѡуну бур, цаппарассагу «аѡшукѡтурал батІавай, душурварал ласавай, чугурду ва яхарду» чІюлу бан «нясивну» бивкІун бур.

Ва назмулуну шаэрнал учин ччай ур балайрду, поэзия – му лавайсса, кѡиматрал ххирасса, инсантуран хѡинну аѡркинсса, миннал дакІнил бутІар. Амма «та духсса хІукуматрал миннул базар бавхІуну, элмулул агѡулданун ми цирив кІул кѡархѡунни» – тІий ур шаэр.

ХІасан тІий акѡар гѡарца цала чивчумур ххуйссар, ттангѡа дакѡасса буссар тІий. Му умудрай ур «аѡйрду яла гѡан дурну, ххуйми ттеркѡукѡаяту мюнпатру ласунссар» тІий. Му учин ччай ур поэзия бивкІу бакѡасса задри куну.

Шаэрнан хѡинну бюхттулну чІалай дур Жуковскийл, Пушкиннул, Лермонтовлул, Толстойл ва цаймигу оѡруснал шаѡртунал творчество, миннан бивкІу бакѡашиву – «Маул хІаят» хІарчІшиву. Цамур шеѡрилуву М. Горькийя хѡинну ца дурну дур. Дагѡусттаннал шаѡртуран ХІасан маслихІат буллай, тІий ур: «Зу хѡинну яхІ бувара, миннал ххуттай авцІума абад утгавассари».

XI. Гузуновлул поэзиялуву мукѡул, мунил мяѡналул агѡамсса кІантту бувгѡуну бур.

Агана дагѡусттаннал шаѡртунал чІявуми балайрду эшкѡи-ччаврия бухѡурча, Гузуновлул творчестволуву, Ирчи Кѡазахѡнал творчестволуву кунма, чІявуми халкѡуннал багѡу-бизулия ва дуллалимумия бур. Мунал маз гѡалгѡалул маз бур, амма му бур куртІсса, халкѡунначІан гѡансса. Цала произведениярдаву ХІасаннул чІалачІи буллай ур цала захІматрай, дакІ тІайлану яхѡанахѡисса инсантал хѡяврин буллалаву – му зулму хѡанахѡишиву. Ми гѡарзад мунал чІалачІи бувну бур личІи-личІисса хІайвантрал, жанавартрал, лелуххантрал



сипатирттайну «ЮОсуп-ханнал ажари», «ЦулчІа ва варани», «Шярлу ва къргъу», «Ватан цух учин дурсса цуша», «Гъиндусттан гъивхъ ва кІулу» ва м.ц. произведениярттаву.

XI. Гузуновлул биография оърчІащал лавхъхъуну махъ, бучІайссар «Гъиндусттан гъивхъ ва кІулу» тІисса басня лахъхъаврийн.

Бусайссар ва баснялул мяъна оърмулуву хъуна бакъайсса личІи-личІисса иширттан хас дан бюхъайшиву – мяшьшиврун, иттарцІаншиврун, я къабуччаврин, ялун бучІантІимунил пикри къабаврин, м.ц. Миву чІалачІи буллай бушиву пикри къабувну, кайп-шайп буллалисса инсаннал ахир хайрданийн къадуккайшиву.

Буккаву даннин учительнан бучІиссар бувчІин бан аъркинсса захІмат бизан кунмасса махъру. Яла учительнал пасихІну буккайссар ва басня, хъирив бувчІин бавурттугу дуллай буккин байссар оърчІахъ. Яла бучІайссар ганил анализрайн. Ккашилсса кІуллун бакІрайн дагъну дур Гъиндусттаннаву ххяххайсса хъуннасса гъивхъ. Муния ххаришиврул му къавтІий, балай тІийгу бивкІун, дурккун ккутІ, бувххун бур гъивхъхъувун. Ссаврунная багъсса неъматрай кІулу хъуннасса чІумуй дуланмагъ хъанай, ахирданийну буч хъуну, гъивхъхъуксса хъуну, махъунмай буккан къахъанай ливчІун бур. Дуркумур оьнин дуклан диркІун дур.

Замана лавгссаксса илтІа хъанай най  
Ккашил аьзиз хъуну, чулий багъссари,  
Бурчу ва ттаркІ дакъа чурххай къалирчІун,  
Цилла дурксса ккутІух цуппа бувккун бур.

КІуллун хъусса танмихІ хъунмасса бур. Амма я къабуччай, аваданшиврул ялун аваданшиву тІалав дуллалисса инсаннал бакІрачІан чІявусса баларду букІлакІисса кІанттурдугу чансса бакъар. Мунияту баснялуву насихІат бусласисса чІумал XI. Гузуновлул увкуну ур:

ХІсав сан къадурну, оьну зузинан  
Ва куццуйсса танмихІ мудан буссари.

Ванийну бувчІлай бур инсаннал ци дулларчагу, му ссаха зий ухьурчагу, ялун бучІантІмунил пикри чара бакъа бан аьркиншиву.

Бусайссар оьрчІахъ хІукуматрал иширттаву бикІу, укунмасса инсантурал дянив хъанахъисса бикІу, тІайла бакъасса зад шаэрнал цала къаландалин лавсун, му дащуй бихълай ивкІшиву, хъхъичІва-хъхъичІ му уруглай ивкІшиву халкъуннан хъанахъисса хайрданух ягу заралданух, заралгу тІайлану чІалачІи буллай ивкІшиву.

Яла ХІ. Гузуновлуя оьрчІал лавхъхъумур жям бувайсса дарсирай ххал бигъайссар шаэрнал ссайн хас бувну чичайсса бивкІссарив баснярду, (дакІнийн бичайссар хъхъичІми классирттавугу лавхъхъун бивкІми баснярду) цІанакулсса оьрмулугу хъуна бакълай буссарив ХІ. Гузуновлул произведениярттаву кунмасса инсантал. Му бакъассагу ганал произведениярттаву мазрал пасихІшиврул ярагъругу, фразеологиялул оборотругу льякърча, оьрчІан лавхъхъумур хъиннува куртІ хъунтІиссар.

Ганияр гихунмай мьялчинмур классрал оьрчІру кІул бан багълай бур лакрал цІадурксса шаэр ва балайчинащал ТтурчІиял Маммадайщал. Ванал творчество лахъхъин программалий ккаккан дурну дур шанна ссят. ОьрчІру кІул хъунтІий бур «ЦІу дури хханххираву», «Ва дунялгу гъав дур», «Ва цукунсса хаварди» тІисса балайрдащал. Цал оьрчІру кІул байссар Маммадайл оьрмулушал ва мунал дурмунищал.

«Маммадай увну ур ччянира балайрдалгу, шеъри-назмурдалгу аьдатру ишла хъусса ВицІхъиял махІалданий, лакрал бикІу, яруссаннал бикІу, даргиял бикІу балайрдаву лахъа-хъун бувсса ТтурчІайнна зунттул ятагърайсса ТтурчІиял шяраву 1870 шинал. Увсса чІумал оьрчІан дирзун диркІссар МахІаммада тІисса цІа, щюлли жагъил хъуннин, мачча-гъанналгу, дус-гъалмахтуралгу ганайн учайсса бивкІун бур Маммад, ахиргу, хъуна хъувкун, ганая хъуну ур Маммадай»<sup>1</sup>.

Маммадайл ппу Щамхал ивкІун ур хъудугъу, хъатІай шадлугъирттай учІи льякъайсса зюрнавчи. Зюрнавчинал арсная хъуну ур дачІучи, ччергъилучи,

---

<sup>1</sup> М.-З. Аминов. Слово о лакском слове. Махачкала, Дагучпедгиз, 1995. Стр. 93.

буттал кумагчи. Амма буттан къисмат къабувну бур арснал кумаг, ганал бюхъулиясса тирхханну: тагу, чІал къавхъуну танал кулпатгу лавгун бур дунияллия, ятин хъусса Маммадайгу ливчІун ур цала буттауссичІа.

«Оърмулул ацІния цара-кІира шин хъуннин, оърчІ ялапар хъанай ивкІун ур буттал шыраву, ттурчІиял пасихІсса мазгу лахълай, ккурчІа-чІирахгу, дуссухгу, къурув-ххалавгу баяйсса шаммарду, макъаннугу лаласлай, тІартІний мацІ дизлазиминаягу, кІюрххила ивзун, аърххи-ххуллийнуклакиманаягу цанна дарс ласлай, дунияллий оърму бутан, маэшат бан лахълай»<sup>1</sup>.

Та чІумал, циняр лакрал шархъал оърму кунма, ттурчІиял жяматрал оърмугу бивкІун бур къянатсса, къарцинсса: зунттаву дугъайсса хъуру лапра чансса дуну шыраву буцири личІи-личІисса сянатругу лархъхъуну, къалайчитал, саманну бувулт, бувчІулт хъуну лагайсса бивкІссар хІалтІилухун. ЧІявуну лагма шархъиял ттурчІияйн учай шырайхбуккулт. Амма къадайсса диркІун дур ттурчІиял саилшиву: зунттава къаннайн бивзун мукъахгу ттурчІиячІа дур личІи-личІисса сянатругу, бажаргу.

АцІния цара-кІира шин хъукун Маммадайгу буттауссил увцуну лавгун ур Хасаврайн. Гикку уллуну ур ца цала аьшвашхана бусса къажарнахъхъун цІигъуртурал кумагчину, тІахІни-кІичІу шювшуну, щин духхуну зун, цанна сянат-загу лахъхъин.

Хасаврай Маммадайн хъинну ххуйну лавхъхъуну бур къумукъ мазгу, къумукънал шаммарду-балайрдугу, макъаннугу. Лавхъхъуну бур, га цува зузисса аьшвашханалий кунна, личІи-личІисса ва нахІусса дукрарду дангу. Ахиргу цІигъур хІисаврай зий, цаппара шиннугу дурну, Маммадай мискинсса буттал шыраву? – цала-цала дукаансса дукра цала-цала дайсса инсантурачІа, аъркин агъарчагу-къаагъарчагу ца-ца чІумал, шыраву хъатІи-къюртІи хъуний.

Яла Маммадай лавгун ур Гъумук зун, оърус паччахІная ххуйсса харж ласайсса къуллугъчитурачІа. Дукра дан мунан оьвчайсса бивкІун бур хъатІи бан, мажлис бишин ччисса инсантурачІангу. Ми мажлисиртгай Маммадай машгъур хъуну ур балайчи, шаммардучи хІисаврайгу, найбунува балайлий

---

<sup>1</sup> М.-З. Аминов. Слово о лакском слове. Махачкала, Дагучпедгиз. Стр. 93.

хъянсса ришхантру дуллай, халкъ бялахъан бангу, бакІрай бацІан бангу бюхъайсса хъярчъчи хІисаврайгу.

Маммадайл Гъумук кулпат бувну бур, кулпатрашал кІиягу маэшат ххуй бан хІарачат буллай бивкІун бур, амма ялагу вайнначІа цичІар дахханашиву къархъуну дур.

«Шикку чара бакъа кІицІ бан аьркини ца укунсса затгу. Куннашал кув ччалли буклай, хъатІан-мажлисирттан хъунисса харжру бихълай бивкІсса лакрал ттучанчитал, машачитал, иш-бажаранчитал лагъ хъанан бивкІссар, 1914 шинал Цалчинмур дунияллул дяъви байбивхъуну, гъантлия гъантлийн хъус ххира хъанан диркІукун, къатІаллицІун бавхІусса савдажартураща шагърурдайн гъан къабюхълан бивкІукун. Ишру хъиннува пилихъну багълан бивкІссар, Дагъусттаннай граждан дяъвирду сукку хъукун. Гъай-гъай, ми шиннардий укунагу мискинсса Маммадайл канихъхъун дучІаймур ссуссукуь хъуссар хъиннура. Хъурчагу, та ххари хъанай ур цамур затрая:

Сарабугъдарал ккурччуй  
Исрапшиву дувайми  
Хъалул хъурунхъусардал  
КІункІурдах къавтІий бури.

Зярбухарарду дакъа  
Лакъаххай ххаллил душру,  
МучІалсса дириярча  
МурцІуппайхчІин хъяй бури.

Маммадай я зулмукарнайн къарши буккан аьркиннихха тІисса ниятрал сукку тІутІи ансса, ягу революциягу цирив бувчІинсса кІулши дусса, аьдилсса инсан ивкІун акъар. Акъахъурчагу, та ххари хъанай ур, хъуни къатрал инсанталлу тІий, хъюлчай тІий занай бивкІми цащала архІал бацІаврия, «къурув къабуккай оьрчІру» къурнил нувци бан, хъуру дихлахи баврия, «къатІув къабуккай душру» урттийх заназе баврия...

Маммадай ци духИндарал, ци инсапрал инсан ивкИссарив бувчІлай бур ца укунсса иширава. Баратхъал МахІаммад-Набинал бусласаврийн бувну, дяъви байбивхъуну, иш-бажаранчитал лагъ хъуну, маэшатрацІа хъусса Маммадайхъ танай аьтІисса инсантурал увкуну бур, да Маммадай, ина усттарсса цІигъур ура, нахІусса накъгу, ччатІгу, бартригу, нацІу-къацІурдугу дайсса, цанни ина ца чІиви-хъунсса аьшвашхана къатІитІин, винма чан-къансса маэшат бикІан, куну. Жавабран Маммадайл чайва тІар, валлагъ, къахъунссар ттуща инсантуран дукра дахлан. Ва ххишала акъа хъинсса инсаннал жуаври, шаэрнал махъри»<sup>1</sup>.

1920-1921 шиннардий Пирсулайманхъул тІисса давлатлувсса инсантурал Маммадай увцун ивкІун ур Азирбижаннавун, Закаталлайн, цала кулпатран дукра дуллан, ичІувасса оьрчІан лакку маз, лакку балайрду лахъхъин буллан. Ца шин уксса хІал тийхгу бувну, шаэр зана хъуну ур махъунай Гъумукун, хъхъичІва куна, шихарасса янналия пагу-пашманну.

1921 шинал маэшатрал къума аврил, Маммадай кулпатращал ва мюрщисса оьрчІащал лавгун Щурагъун, цаппара зурдардий гикку зий ивкІун ур, яла му лавгун ур Хасавюртуллал райондалийсса Эндирей-аулданул чІарав лахрахъхъун буллусса Кукрик тІисса кІанайн, гиккун бивзсса лакрал 50-60 кулпатрацІа цаннагу мина дансса пикрилий. Кукрикливгу чара къавхъуну, Маммадай ивзун ур оьрчІинийва цанма ххуйну кІулсса Хасаврайн. Амма ялагу къабиригну бур мунахъхъун кІанттул хъунсса, гъели лагансса мажал. Ккашикал хъанай, кІюла увксса, лаххи-ликкиялулгу лацинувасса Маммадай ахиргу аьвкъуну, ссатиржан хъуну, цІуцІи шанийн агъну ур. Миккугу хъирив уккансса, дару-дарман лякъинсса инсан къавхъуну, Маммадай дунияллия лавгун ур.

Лакрал аьлимтурал Апанни Хъассиевлул, Сулайман АхІмадовлул тІимунийн бувну Маммадай ивкІуну ур 1922 шинал. Маммадайл шеърирду батІлай ивкІсса, танал оьрмулия цанма дакІний ливчІмур чивчусса Баратхъал МахІаммад-Наби тІурча чичлай ур та 1928 шин диркІссар тІий. Агарда шаэрнал гъаттай кІалабарз бивкІссания, мунил бусанссия тІайламур, амма оьнил ивкІусса инсаннан чару бацІан бансса инсангу хъуну акъар та чІумал.

---

<sup>1</sup> М.-З. Аминов. Слово о лакском слове. Махачкала, Дагучпедгиз, 1995. Стр. 95.

«Балайчинал оьрму тачIавгу кьуртал къашайссар га цува накьлу шаврийну, агарда га мьйжаннугу гьунар бусса, цала уттарасса дакI, цала рухI-ссихI мукьуву дишин бюхьайсса инсан ивкIхьурча. Муна муниятур Маммадай ттигу цала шьраватуссагу, миллатраватуссагу инсантуран дакIний ливчIсса, муна мунияту цIанакул жува ганая гьалгьа тIисса»<sup>1</sup>.

Маммадайл шеьрирду хьхьичIва-хьхьичI бивщуну бур шаэр дунияллия лавгун махь «Лакку балайрду» тIисса жужрай. Яла балайчинал оьрмулия кутIасса бусавугу дурну, танал шеьрирду бивщуну бур «Буттахьал балайрду» тIисса жужрай (1971). Жуж сакин бувну бур Хьассихьал Апаннинал. Балайчи ивкIуну чIярусса шинну хьуну махь, 1979 шинал бувккуну бур «Балайрду» тIисса цалалусса жуж. Му сакин бувну бур ялув кIицI лавгсса Баратхьал МахIаммад-Набинал ва Халил Халиловлул, чIярусса шиннардий батIлай, сакин бувсса шеьрирдая. Жужрансса хьхьичIмахь чивчуну бур Маммадай цана ххуллий-кIичIравугу, хьатIай балай тIийгу ккаксса МахIаммад-Набинал хьхьичIмукьуву чивчуну бур Маммадайл ахIвалдания багьу-бизулия, инсантурал танахсса кьулагьасрая, аьшуйн щуну, та чIунгу Маммадайл тагьаргу хьхьичI дацIан дурну.

Маммадайл ляхьан бувмур бачIин бюхьлай бакьар шинну хIисавравун ларсьсса бутIрайх, цанчирча жунма кIулну бакьар цумур балай цумур шинал ляхьан бувссарив. Мунияр ххишалагу, ца-кIива чIумуцIун бавхIусса балай (масала, «Граждан дяьвилул шинну» ягу «Апараг буккан бавриха») хIисав къабарча, цавура балайрдавугу сайки дурагу дакьар чIумул аьш-бакIру, лишанну.

Маммадайл балайрду бачIин бюхьлай бур так темардал кьюмайрдайх: дакьа-душиврул балайрду, эшкьи-ччаврил балайрду, озукьлурду ва хьярчисса шаммарду.

Маммадайл биографиялуцал оьрчIру кIул бувну махь ванал балайрду лахьлан хьхьичI, бусайссар оьрчIахь Маммадайл чичрулул кьяйда халкьуннал

---

<sup>1</sup> М.-З. Аминов. Слово о лакском слове. Махачкала, Дагьучпедгиз, 1995. Стр. 96.

дакІнихсса поэзиялул къяйдалучІан гъансса душиву. Мура чІумал миву чІалай бушиву цанма, шаэрнан хасъсса хатІ, поэзиялул къялип, сурат. Мунал произведенияртту бавхІуну бушиву цала бутлатисса оърмулушал, биографиялушал. Шаэрнал поэзиялул ца шартІну ккалли дан бучІишиву зукълу баву ягу зай учаву. Ва шартІ халкъуннал дакІнихсса творчестволува ларсун дунугу, хъинну бакъин бувсса, пасихІсса мазрай щаллу дурсса душиву.

Ххал бигъайссар оърчІашал «Цу дури хханххираву» тІисса балай. Цал учительнал цала пасихІну буккайссар балай, яла бувчІин байссар оърчІан захІмат бизан кунмасса махъру, оърчІахъ цахъвагу буккин бувну махъ, анализрайн бувчІайссар.

«Цу дури хханххираву» тІисса балай. Цал учительнал цала пасихІну буккайссар балай, яла бувчІин байссар оърчІан захІмат бизан кунмасса махъру, оърчІахъ цахъвагу буккин бувну махъ, анализрайн бувчІайссар.

«Цу душ хханххираву» тІисса пасихІ дурну дур метафорарттал. «Цу дури хханххираву» тІисса метафора дур чІяруну хъунадакълал фольклордануву, шикку тІурча ва хас дурну дур виричунал дакІнил хІалданун. «Дард дури» къакуну, «Цу дури хханххираву» тІий ишла бувсса мукъурттил асар хъиннува гуж буллай бур миннул чІаравсса лашанбаврил: «сиччиннияр кІирисса» хханххиравусса цІу лагъ даншиврул, балайлул виричу «замзамрал дяркъу щинал ца нахІала бан хъурдай» тІий.

Лирический виричунал дакІнил хІал ккаккан баншиврул шаэр ишла дуллай ур цаннийн-ца къаршисса кІира сипат.

Буруккингугъарзанал,  
Дардругу ххишаланал  
ХІачІан хІалалссари тІар  
Дулттияллил дяркъу щин.

Ттуллив буруккингугу бур,  
Дардругу ххишалари,  
Нарив хІачІав хъхъирил щин

Щугу ялун бивчуну.

Вай балайрдаину шаэрнан учин ччай бур балайлул виричунал кьурчИшиврул дазу-зума дакьар, куну.

ДакІнил кьумашиву ялагу ккаккан дурну дур:

Угь уча, кьакьунттул дакІ, ци кьини чин диркІссара?

НякІ чарил буркІунттухун учин дарцІуну дурав?

Къявхъ уку, тІутІул яруй, ци кьини чин бивкІссару?

Къума гьаттал хІатІливун учин бавцІуну бурув?

Шикку виричунал кьумашиву бивкІу хьусса инсаннал кьумашивруха лархьхьусса дур. Амма махьва махьсса куплетраву, автор цала дакІ цува дуллай, кьумания гьартанин уккансса пикри бувсун бур.

Уссу, кьардаш Маммадай, ва дуниял ци ххива,

Ва ца шулгьилул хьархха, хьап-хьап тІийнна лагайсса.

«Ва цукунсса хаварди» назму эшкьи-ччаврин хас дурсса куннасса дур. Ва балайлул виричу душ бур. Душ бур цила дакІниву загьир хьусса аьжаивсса асардая ихтилат буллай.

Ва цукунсса хаварди

Ххарину бусласисса,

Ва цукссава бусалар,

Бувсун кьуртал къашайсса?

Шикку бувчІлай бакьар ци хавардания, ци бусалалияри в душнил ихтилат. Чалай бур га ххарисса бушиву.

Га бур цичІанма «бухкьалагайсса неьматру» бивунни тІий. Гай неьматру цивппагу бур ляличІину аьжаивсса:

Вай цукунсса неьматрур,

Канай бухкьалагайсса,

Лякьа ккашилну дуна,

ДакІ дурччунна дикІайсса.



Цила тагъар душнил лащан дуллай бур «дукъарккунна» лахъхъайсса элмурдаха, тIикъавтIунма буккин бюхъайсса луттираха. Так махъсса куплетраву мунил лащан дурну цила дакIнил тагъар цамур затраха:

Къуръандалий бивкIссияв –  
Элму къадурккуссия,  
Вил бакIрах бурувгссияв –  
ДакIних къабуровгссияв.

Душ ххарину бур цила дакIниву загъир хъусса асардануя, амма ганил ахир цукунсса хъунссарив бувчIлай бакъар.

Эшкъи-ччаврин хас дурсса Маммадайл назмурду чIяруми дур якъамасса, ччаву цачIун къадирсса. Ва назмулуну тIурча, ччаву дур чаннасса, бувсун къуртал къашайсса бусалалуха лархъхъусса.

Лавай ххал бивгъуми бакъассагу, мяйлчинмур классрал оърчIру кIул бан багълай бур Маммадайл социальныйсса балайрадащал масала, «Мискин», «Граждан дяъвилул шинну», «Ва дуниялгу гъав дур». КIайннуну мяълумну чIалай бур Маммадай мискинминнай дакI цIий, миннах ургъил бан аьркиншиврийн оьвтIий ивкIшиву.

«Революциярдал чIуннардий» (1905, 1917 ш.ш.) оьрму бутлай ивкIун ухъурчагу, Маммадайл бакIравун лавсун бакъар миннул мурадру ци бивкIссарив ва миннуну ци шайссарив. Бюхъай му революциярдал чIуннардийн вих къавхъуну икIан, ягу миннул ишру къабувчIуну бикIан. Цукун бухъурчагу мунал поэзиялуну инсаннал дакIниву бумур, мунал ахIвал чIалачIи баврищал, ца-ца чIумал зай учаву, ягу зукълу бавугу аьлтту хъанай дур. Ми бур мунан социальныйсса оьрму ххуй баврил ярагъну чIалай. «Мискин» тIисса балайлуну ур му оьрмулуну къума увсса пакъирнаха зукълай, гъарца оьккимур зад «вияту байщун баннав», «дунияллул балардаща урувччуну итаннав» тIий. Шаэр мискин-гъарив лащан буллан ур ясирнаха, ягу Ссивирлив гъан бувминнаха, миннал дакIру – ссукIурайсса инсантурал дакIурдиха»<sup>1</sup>.

<sup>1</sup> А.Ю. Хъассиев, С.Х. АхIмадов. Дагъусттаннал литература (педучилищалул учебник). МахIачкъала, Дагъучпедгиз, 1992. Стр. 73.

Маммадайл хиял-аваданшиву, «ТтурчИял чIаращар хьуслил дуцIин даву», арцул чарттал къатри даву, магазинну тIитIаву, заргалтал, савдажартал гьарза шаву, м.ц. Ва бакIрайн къабуккайсса хиял бухьурчагу, шаэрнан ччай бур халкъ ххуйну ва аваданну бикIан.

Маммадайл балайрдал виричу ур мискинсса инсан, ганал щала дард, циняв пикрирду бур ду-дакъашиврия, дуланмагърая, къатлуву къянатшиву душиврия. «Ва дуниялгу гъав дур» тIисса назмулуву къянатшиву шаэр лашан дуллай ур къатлуву кюру байсса лелуххуха.

Ду-дакъашиврул пикри  
Ттул дакIнива къабуккай,  
Къянатшиврул лелуххи,  
Кюру бувну, щябикIай.

Укунсса тагъар диркIун дур та чIумал билаятрай. Думиннал хьхьичI дакъама ивкIун ур къянкъа дуллай, аьтIунсса кIанай хъяй, «аьрк учаяр, шукъ тIий».

Маммадайл творчестволия кIулмур жям бан бучIиссар учительнал цала сакин бувсса ва луттирайсса суаллал кумаграйну.

Программалий дакIних лахьхьин ккаккан бувсса «Ва дуниялгу гъав дур» тIисса балай бакъа, бучIиссар булун дакIних лахьхьин цамургу, оьрчIан цанма ххуй бивзсса балай.

АцIния урчIулчинмур ттуршукулул ахирданийсса дагъусттаннал шаэртуравацца цану хъанай бур лакрал шаэр-балайчи Ккурккуллал Щаза. Ккурккуллал Щазал творчество лахьхьаврин программалий ккаккан дурну дур 3 ссят. Му чIумул мутталий оьрчIащал лахьхьин багълай бур Щазал биография, «Щюлли уртту ччуччайсса», «Угь учара бигъара», «Бюхттул зунттайн лахъанна» тIисса балайрду.

Цалчин, оьрчIру кIул байссар Щазал биографиялушал.

Ккурклиясса Магъилавхъал Щаза бувну бур 1878 шинал Магъилав тIисса мискинсса хьузала кулпатраву. Чивину бунува лавхьхьуну бур Къуръан буккин, яла цукунчIавсса дуккаву дурну дакъар. Муния дирисса, шаппаллилсса

байсса, бакІралгу ххуйсса, лахъи-хъаласса душ хъуну бур. Щаза хъунма хъуну, я бацІай хъукун, га чІявуссаннан ххуй бизлан бивкІун бур. Циняннаяр хъхъичІ ганил итталун агъну ур Авакархъул тІисса авадансса инсантурал Амир-Аъли тІисса оърчІ. Мискинсса, къинилул ялавайсса душ буцин Амир-Аълил нину-ппу рязи хъуну бакъар. Ванияр махъ букъавкІсса бакъар Щазал бакІрачІан: ччарча ччисса оърчІал дурсса лавмартшиву, ччарча лултурассаннух аьдлу-ццугъагу, инсаншивугу дахлахисса судрай хъусса тІайлабакъашиву, ччарча хъирив нитти-буттал къатлува буккан баву, ялабутаву, ччарчагу мачча-гъанналва къаччан бувну, шяраватува лихълахъи баву.

Нитти-буттал буккан байхту, га Гъумукун цанма кІулсса инсантураннин, Жамалавхъал майор АбвдурахІманнучІан лавгун бур. Хъунма хІал къавхъуну ганал га щар буллуну бур Мунту Суллахъул тІисса Ваччатусса инсантурал цаннан. Ганан цІа АхІмад диркІун дур. ГаначІа кІива оърчІгу бувну, Щаза ганая личІи хъуну бур. Ганища къабювхъуну бур яхІ гъагъан буллалисса, инсаншиву къяркъаравун дичлачисса инсанначІа оърму бутан. Га зана хъуну бур Гъумукун. Щазал балай учай гъунар ялун ливчуну бур нитти-буттал буккан бувну Гъумукун бувкІсса чІумала. Гъумукун кІилчин зана хъувкун, Щазал цІа дурккун дур балайчи хІисаврай. Ххуйну балай учайнутІий, ганийн хъатІив, мажлисру бусса кІанайн оьвчайсса бивкІун бур. Ганил хъхъичІ ппурттуву халкъуннал балайрду учайсса бивкІун бур, яла чан-чанну тІий цилагу ляхъан буллан бивкІун бур.

Щазал чІунилгу, ччергъилу рищаврил ва балай учаврил къяйдалул хъунмасса асар биян буллай бивкІссар вичІи дирхъунайнгу, цайми балайчитурайнгу. Щазал ляхъан бувну бивкІмунияту жучІанма бивну бур хъинну чанмур, амма миннулгу жухъва буслай бур чІявусса задру. Дагъусттаннал машгъурсса критик Камил Султановлул, цаппара Щазал балайрду оьрус мазрай бувккукун, цацава танил пасихІшиврущал чансса-унугу кІул хъун бювхъукун, чивчуну бур: «Ккурклиятусса Щазал ляхъан бувмур

ккалли бан бучІир дагъусттан поэзиялул тарихравусса ца яла яргмур чІапІину»<sup>1</sup>.

ХьхьичІва-хьхьичІ Щазал балайрду чивчуну бур Хайдакъов Саэдлул. Хьирив тамансса балайрду бавтІуну бур Хъассихъал Апаннинал ва мукума цаймигу инсантурал. Мадарасса балайрду бавтІуну бур мукума Халилов Халиллул: халкъуннал балайрдал, магьрал, бусалардал хьирив агълай, щархъавух заназисса чІумал, бювхъу-бювхъусса кІанай бавтІун бур Ккурккуллал Щазалли тІими балайрдугу.

ХьхьичІва-хьхьичІ Ккурккуллал Щазал балайрду бувккун бур Ленинградрай (цІанасса Санкт-Петербург) оьрус мазрай итабавкъусса «Дагестанские лирики» («Дагъусттаннал лириктал») тІисса луттираву 1961 шинал. Шеърирду оьрус мазрайн таржума бувну бур Юлия Нейманнул. Лакку мазрайсса ванил «Балайрду» бувккун бур 1967 шинал. Лу щаллу бансса балайрду бавтІун бур Халил Халиловлул.

Оьрус мазрайсса Щазал балайрду итабавкъуссар МахІачкъалалив бувксса «Строки горской лирики» («Зунтгал лирикалул ххару») тІисса, «Вершины» («Бюхтгул бакІру») тІисса ва м.ц. жужирдаву, дагъусттаннал поэзиялул антологиярттаву.

1987 шинал МахІачкъалалив итабавкъуссар Щазал цилалусса оьрус мазрайсса лу «Цветок в снегу» («Зунчаву тІутІи»).

1993-ку шинал МахІачкъалалив итабавкъун бур кІива мазрайсса (лакку мазрай ва оьрус мазрай) «Лирика» тІисса лу.

«Щазал бакІрачІан ци бучІарчагу, ганияту ци учирчагу, ци буккан барчагу, га хьинну къирият дусса, яхІ бусса, марцІсса инсан бивкІун бур. Ганил творчество цихара лархъхъусса дур. Щазал творчестволуву яла агъамми темардуну хъанай дур эшкъи-ччаврил темарду: бакІуйн къадурксса эшкъи, къаччиссанначІа оьрму бутаву, хъамитайпалул цинмасса талих тІалав баву»<sup>2</sup>.

<sup>1</sup> К. Султанов. Певцы разных народов. Махачкала. Дагкнигоиздат, 1971. Стр. 153.

<sup>2</sup> Х. Халилов. Ккурккуллал Щаза. МахІачкъала. Дагкнигоиздат, 1967. 9 лаж.

Циняв Щазал балайрду цачІу бивхьуну, ххал бивгьукун, гайннуву чІалай бур балайчинал оьрму, ганил бакІрачІан бувкІмур, танил бувхІумур-ккувхІумур.

«Халкьуннал балайлул аьдатирттая тарбия ларсьсса Щазал балайлул букку махІаттал уллай ур цила щаллу-ккуркки шаврийну, махІатталсса исвагьишиврийну, бутІрал саргьуншиврийну»<sup>1</sup>, – тІий чичлай бур Наталья Къапиева Щазал балайрдал хІакьираву.

Щазал балайрду бур аьщуйн щусса, цила дардгу, пикрирдугу цукун, шил ябитаврива, цукунсса вас-ццахлива ливчуссарив бусласисса. Ванил ляхъан бувмур хьинну гъансса бур цаймигу та чІумалсса шаэртурал ляхъан бувмуничІан гъансса. Паракъатсса оьрму къаккавксса, амма му цирив кІулсса Щаза тІий бур:

Дарман, ина ттун уксса  
На вин ччай бивкІссания,  
Ва лухччи мусил хьуну,  
Ссав ттеркьукьал хьунссия.

Ванил балайрду гъансса бур даргиял шаэр БатирайлссаннучІан:

Нажагь, ттун кунна, вингу  
Ттух эшкьи шайссания,  
Кьуру кІинттул микІирай  
Щюлли уртту хьунссия.

Хьус-къинирду, аваданшивуртту сававрай талихІрайн къабувксса Щазан чІалай бур мьяйжаннугусса хьус-ххазина ци дуссарив. Гава зарая гьалгья тІурчагу, Батирай тІий ур хасну циява эшкьилия, дакІнивусса асарданул кьуватрая.

Цайми азарвахьул душру-хъами кунма, дукьарккусса, дуниялгу, жяматгу баххана хъанахъаврил элмурдая хаварвагу бакъасса Щазан бувчІуну бур инсантурал чулуха бикІу, диндалул чулуха бикІу, кулпатрал чулуха бикІу

---

<sup>1</sup> Н. Къапиева. Критические новеллы. М., «Советская Россия». 1969. Стр. 67.

зулму, мютИий бувай ххуллу бавцІуну бушиву кьурушрай, инсантурал дакъа-душиврий.

Щанакулсса чІумалгу ххуйну бувчІлай бур Щазал махьру.

Гьуя, ва ци дуньялли,  
Мусил дустан баххайсса?  
Ашрапирттал зяйривав  
Щала ягу, балайгу?

Гьарнал ашрапий учай,  
Му бакъа ина цура?  
Ссавний гъели баргьгума  
Шагьилул маша бакъар.

Къакъамулну дур Щазан гьарзат кІапІикІрах дахлахисса дуниял. КуртІну пикри буллан оьрмуллу лахьхьин бувсса аьшукь-душ мякьну бур цамур дунияллух.

Амма танин чІалай дакъар, ляхълай дакъар мукунсса дуниял. Думур дунияллий тІурча цалнияр цал чІяру хъанай дур танил дардру, му къагъану, хьиннува чІявусса инсанталгу хъяй бур таний:

Шярултран ишну хьунна,  
Шярал хъаннин махъ хьунна.

Амма ялагу Щаза тІий бур:

Дуллалича синигьру...  
Ттул дакІ хьхъара къашайссар,  
Чарийн щуннича куну,  
Чаннан кьуркъа къашайссар.

Ришлай бур, тІар, ччергьилу.  
Буллай бур, тІар, шаммарду.  
Юх, ва ччергьилу дакъар,  
ХьхьичІун дугъай къалханни!

Щазал кІай балайрдаха лавхъхъусса бур Батирайлмигу:

Вих ччаву хъуну мукъах,  
Чачун виха балай тІий,  
Къуркъа хъунни ттул мазгу,  
Гъавгъсса ччаллул мицІ кунма.

Чувнал кунна, гъарзатрал  
ХъхъичІун дугълай дикІул дакІ,  
Ккенчари хъунни вагу,  
Дяъвилий къалхан кунна.

«Вайнна цаннал чІарав ца авур хъанахъисса хІакъсса шаэртал! Батирай ур адамина, ванал къалхангу дур вив, найдуна ххал къахъунний. Щаза тІурча бур хъамитайпа, адаминал инсаннаяр чанссагу аьчухсса инсан, ванилмур къалхан дур вивгу, ялугу – дакІнивусса яхІ ва хъхъичІун дургъусса ччергъилу.

Юх, Щазал шеърирдавусса хъамитайпа часса цурич къакІулсса, ци духІин, ци мяърипат дусса инсаннич къакІулсса пакъир бакъарча, лакрал тарихрава бувкІсса, лакку хъаннил ххуй-ххуйми хасиятру цивунна ларсъсса инсан бур. Бюхъайссарив мукунсса инсан лакку инсантуран хас къабизан, ххира къахъун, га хъинну аьркинсса оьрмулул масъаларттая хъинну дакІнихтуну гъалгъа тІийгу бухъукун?»<sup>1</sup>

Революция хъуну махъ Щазал ляхъан бувмур чансса бур, бюхъай бугъара хъусса бунутІий балай тІутІаву къадиртун дикІангу. Га бивкІуну бур 1932-ку шинал ва бувччуну бур Ккурклив.

Щазал биографиялушал оьрчІру кІул бувну махъ, бучІайссар мунил творчество лахъхъаврин.

«Щюлли уртту ччуччайсса» балай лахълан хъхъичІ бусайссар шиву ихтилат эшкъи хъунал къумасса дакІнияту бушиву. Мунан чІалай бакъашиву дакІ рахІат дансса, мурадлайн иянсса ххуллу. Мунал хъхъичІун дуснал

---

<sup>1</sup> М.-З. Аминов. Лакрал мукъуясса махъ. МахІачкъала, Дагъучпедгиз, 1995. 82 лаж.

хиянатшиву дагъну душиву, яни му ччаврил гъалак увну унугу, хиянат хъусса дуснайн цукунчІавсса умуд бишин бюхълай акъашиву.

Байбихъулул беседа бовну махъ, учительнал цала буккайссар пасихІну, бюхханну. Яла бучІиссар мукъурттишалсса даву дан.

Хъирив бучІиссар балайлул анализ дан. Анализ дуллалени дуклаки оърчІал ябурган байссар балайлувусса мазрал пасихІшиврул ярагъунних «Щюлли уртту ччуччайсса» тІисса балайлуву чІявусса метафорарду бур. Метафорардал ца чулуха цаннин ца къаршисса, дурчІала ца мяъналийн дуцлай дур, кІилчин эшкъи хъунал дардирдал сипат дакІнийн асар хъунсса куццуй щаллу дуллай дур.

Щюлли уртту ччуччайсса

Ссуттил силул дакъаяв

Бурса бавкъусса цанни

Гъидайдихъулул гъантрай?

Замгъар буран бищайсса

Къуру кІинттул бакъаяв?

Гъинттулгу ва ттул дакІнийх

Буран бищайсса цанни?

Балайлул виричунал «гъидайдихъулий» цІуну ххярхсса, дакІ ххари дайсса уртту-тІутІайх бурса бавкъуну бур, къуру кІинттул бищайсса замгъарданул марч мунийх гъинттулгу бишлай бур. Ци макъ рутІларчагу, ци «дардру пучрайн» дичларчагу, цукунчІавсса чаран хъанай бакъар. Мукунсса дур «хъявринсса ччаврил» ахир, ялун бучІантІимунил пикри къабувну, къуццу тІисса инсаннал къадар.

«Угъ учара бигъара» ва балай халкъуннал балайлучІан гъансса бур. Махъми куплетирттаву балайлул герой инсантурайн леххаву тІий ур, му къумашиврул леххаву учингу уллай ур.

Щцаза тІайланма оьвтІий бакъарча, «къабанавав», «къахъунавав» тІисса махъру ишла бовну, бигъасса мазрай увкуну бур:



Угъ увкукун бивгъу ссихІ  
ХІажлул къатлухун бивну,  
ХІаж бувцІу хІажитурал  
Дуаъ къадувавияв?

Цинма ккавкмунил, цила хханххиравумунил Щаза балай тІутІи бувну бур. Мунил цила оърмулувумур чІалачІи бувну бур балайрдаву.

Щазал чІявуми балайрду, ялув кІицІ лавгсса куццуй, бавхІуну бур кІанил цила оърмулушал. Щазал щала оърму лавгун бур лагъу-лахъунтту бухІлай. «Бюхттул зунттайн лахъанна» тІисса балайлуву шярал мукъурттия цукун ххассал хъун хъиннивав тІий бур. Га хІадурну бур «бюхттул зунттайн лахъан», «гъалмахтурал лахъуни» лахъ барзунттайн, халкъунная архну бишин.

Щазан къатлул тІаннул нузкъунттив чария дан ччай бур, «чил мукъуя буруччин».

Шаэрнан кІулну бур хъуру сил риртун ччуччайшиву, мунияту га ччай бур хъу «шырал мукъурттил дугъан», «качар чурххай бакъамур», къатІайламур «сил риртуну ччуччин бан».

Ганин ччай бур аърщарал къатлуву шярал мукъурттия лабикІан, гайра чарил нузкъунттив «мукъурттил ялун лакъин».

Ягу:

Вай шярал хъаннил махъру  
Балайлухун гъан банна.

Шаэр вихну бур цила балайлул гужрайн, балайлувух бюхълай бур шярал хъаннил махъру «гъан бан». Ва балай бур ххуйсса макъулушалсса, Щаза цІансса пикрирдал буцан буллалисса.

Шаэрнал цила балайрдаву ишла дуллай бур чІярусса метафорартту:

Аман шярах хъу хъурдай,  
Шярал мукъурттил дугъан.

Ягу:

Чарил нузкъунттив данна  
Мукъурттил ялун лакъин.

Кјулсса зад бур «мукъурттил хъу къадугъайшивугу», «чарил нузкъунттив мукъурттил ялун къалакъайшивугу», мукунма, лахъунтту къашай «лахъ барзунттай бишин».

Щазал балайрдал хъирив лавну махъ, учительнал цал цала буккайссар балайрду, пасихІну, оърчІан бюхханну, яла буккаву дайссар оърчІашал. ОърчІан лавхъхъумур цІакъ байссар луттирайсса суаллал кумаграйну.

Шаппай дакІних лахъхъин булайссар «Угъ учара бигъара» тІисса балай.

## МЯЙЛЧИНМУР КЛАССРАВУ ОЪРЧІАЛ ГЪАЛГЪА МАГЪИР БАВРИЛ ДАКІНИХССА ВА ЧИЧРУЛИЙНУССА ГЪАЛГЪА МАГЪИР БАВУ

Мяйлчинмур классраву оърчІал гъалгъа магъир баврил даврин ккаккан дурну дур 8 ссят. Ва ккаккан дурсса чІумуй дакъассагу, оърчІал маз магъир баврил ялувсса даву учительнал дуван аъркинссар гъарцагу мазрал бикІу, литературалул бикІу дарсирдай.

ОърчІал гъалгъа магъир баву лакрал литературалул дарсирдай дайсса давурттал агъамминнул цану хъанай дур.

Мяйлчинмур класс къртал буллалисса оърчІан кІулну бикІан багълай бур: произведение чивчума, ганил цІа ва цІанил мяъна; гъанусса темарду ва лавхъхъусса произведениярттал сакиншинна; лавхъхъусса произведениялул мурад, гиву гъртту хъанакъими ва хъанакъисса ишру кунницІун ку бахІин, произведениялул тема гъанусса мяъна, мурад, рифма, строфа; лиро-эпический ва драматический произведениярттал хасъсса лишанну; дакІних лахъхъин ккаккан дурсса текстру; чичул чивчумунил суратру хияллаву хъхъичІ дацІан дан; художественный литература элмийсса литературалия личІи дан; кІул дан лахълахъисса произведениялуву мазрал пасихІшиврул ярагъ ишла баврил агъамшиву; произведениялувусса кІия герой цачІу ивхъуну, чичул гайннал чулхунмайсса ургаву кІул дан; тІайлану, анаварну дуккин художественный ва элмийсса литература; пасихІну ва бюхханну буккин художественный произведение.

Вай ва цаймигу бюхърду оърчІаву сакин хъуншиврул, учительнан аъркинссар гъарца мазрал ва литературалул дарсирдай гъалгъа магъир баврил ялув зун.

Учительнал хъхъичІ бавцІусса гъанусса масалану хъанакъиссар пикри бувну, маз магъир бан ишла дайсса къяйдарду личІи даву.

Мяйлчинмур классраву оърчІал маз магъир баврил ялув дайсса давуртту ялавайми классирттаву мазрал ялув дуллай бивкІминнуйн чул бивщунур дайсса. Мукусса давурттуну хъанакъиссар учительнал пасихІсса букваву ва

бусаву, художественный произведениялул хъирив лаяйни дуклаки оърчІру ихтилатравух хІала буххан баву, личІи-личІисса журулул мурад бусан бавуртту, классрал кьатІув бувккусса луттирду ххал бигъаву, ххал дурсса киносуратрая, телепередачалия бусаву.

Гъалгъа магъир баврин хас дурсса дарсирдай оърчІащал дайссар мазрал пасихІшиврул ялувсса ва мукъул ялувсса даву. Ми давуртту даван аъркинссар произведение лахъхъаврил гъарцагу шачІанттуй: байбихъулул дарсирай, произведениелушал кІул хъанахъини, хъирив лаллалини, жям бай дарсирдай.

Школарттай чичрулийнусса ягу дакІнихсса маз магъир баншиврул яла ишла дайми къяйдардуну хъанай дур текст пасихІну дуккаву, бувккун, дакІний ливчІмур чичаву, бувккумунил мурад бусаву, цукунсса бунугу хавардания ягу текстрая ихтилат баву ва мунин кымат бищаву.

Текстрал ялувсса даву дайни, яла чІяруну ишла даймур къяйдану хъанай дур оърчІащал текстрая ихтилат баву (беседа). Мунил оърчІал маз итххяххаврин, пикри буллали баврин агъамшиву дуссар.

Бувккумунил щаллусса мурад бусласини, мукъурттил хъирив бацІавугу дайссар, миннул пасихІшиврул ярагъругу ххал байссар.

Литературалул дарсирай гъалгъа магъир баврил ялувсса даву мудангу дархІуну дикІайссар мазрал дарсирдайсса маз магъир баврил даврищал. Художественный текстрал маз ахттар баврил оърчІру кІул байссар ниттил мазрал ляличІишиврушал, чичул мазрал журулул хъирив лаяврил оърчІаву пасихІну гъалгъа бансса бюхъу сакин байссар.

Маз магъир баврин хас дурсса давурттал оърчІан кунницІун кув бавхІусса гъалгъа бан, чичлан кумаг бантІиссар.

### **1. Цаннал ихтилатрал ялувсса даву.**

Цаннал цала гъалгъа – му хъанай бур гъалгъа тІима цама ихтилатчи акъа, цувалу гъалгъа тІий ухъурча, гъалгъа тІий ягу чичлай.

Цаннал гъалгъа сакин хъуну бикІайссар куннил хъирив ку ца пикри бусласисса ца темалун хас дурсса предложениярттая. Цаннал ихтилатрал

агъамшиву дуссар цала гъалгъалийну учин ччимунил мурад чІалачІи бавриву, мурадгу бавхІуну бикІайссар цукунсса дунугу темалушал. Темалух бурувгунни мурад ва тІутІимунил гъанусса пикри бусайсса ва чичайсса. Цара-ца темалия ихтилат бан бучІиссар личІи-личІину, мунил мяъналух бурувгун.

Кунниціун ку бавхІуну, бувчІинну гъалгъа бан лахъхъин баншиврул, дуклаки оърчІаву сакин бан аъркинссар мунил аъркинсса журалул бюхъурду:

а) гъалгъа хас бувсса темалул мурад, мяъна бакІравун итадакъин;

б) темалул мурад чІалачІи бан кумаг бансса материал датІин ва му материал куннил хъирив ку тІайлану бусансса, чичинсса план сакин дан;

в) чичлачини мазрал пасихІшиврул ярагъру, фразеологиялул оборотру ишла дансса бюхъу хъун бан.

Вай бюхъурду шаллу шайссар гъарца журалул къяйдарду оърчІал пикри авадан бан, пасихІну ихтилат бан лахъхъин байни ишла дарча.

Цукунсса бунугу суал ххал бигълагъини, классраву утгарашиву хъуншиврул, дуклаки оърчІ ва учитель цаннан ца бувчІлай бикІан аъркинссар.

Цайнува цала ихтилат бан лахъхъин байни, куннащал куннал буллалисса гъалгъалул тагъар сакин даврил оърчІру цала пикри бусан кІункІу байссар.

Масала, оърчІ буслан икІайссар бувккусса луттирал геройнаясса цала пикри, цайнува цала бувккун, цанма ххуй бивзсса бутІул мурад.

## **2. Мурад бусаву ва мунил оърчІал маз магъир бавринсса агъамшиву.**

ОърчІан цайнува цивппа гъалгъа тІун лахъхъин буллалини, хъуннасса агъамшиву дуссар личІи-личІисса журалул мурад бусаврил.

Щиха бунугу лавхъхъуну мурад бусан хІарачат баву – му маз магъир баврил хІурамур къяйдану ккалли дан къабучІиссар.

Бувккумур ціунил дакІнин бутаврил оърчІан кІулмур гъарта байссар, цавувагу чичлансса бюхъу сакин байссар.

Лавайми классирттаву текстрачІан гъансса, кутІа дурсса, цумур бунугу бутІа язи бувгъуну личІи бувсса бутІул мурад бусаву, ишладаву хъинчулий ккаклай бур.

Вай цинярдагу журалул мурад бусаву даншиврул, цила багъайкунсса хІадуршин дикІан аьркинссар – текст цавура цала дуккин, лахъну дуккин, бувккумунил план сакин дан, захІатсса махъру ва калимартту даКІний дитансса хІарачат бан. Текстрал мурад бусаврил циняр журадду ишла дайссар маз магъир баврин хас дурсса дарсирдайгу, литературалул произведение лахъхъаврил циняв шачІанттайгу.

Произведение лавхъхъуну, ганил анализрайн хІадур буллалисса дарсирдай бучІиссар оьрчІая тІалав дан личІи-личІисса бутІрал мурад бусаву.

Художественный произведение дахъва буклакини, лахълахъини, оьрчІал учительнал каялувшиврийну мурад бусаву дайссар: бусанмунил план дайссар, текстраву хъуна бакълакъисса, оьрчІан захІат бизан кунмасса махъру ва калимартту доскалий чичайссар. Мунил мурад куннил хъирив ку тІайлану бусан ва бусласимуниву чичул маз ябан кумаг бавур. Мурад бусаврил хъуннасса агъамшиву дуссар оьрчІан текст дурчІлачІисса куц, мунил биян буллалисса асар, мунил чулухунмайсса миннал пикри кІул баврин.

Художественный произведение лавхъхъуну, ганил хъирив лаяву куртІну дуллалини, учительнал личІирасса ургаву дайссар текст чирчусса, журалух – хавар бусаврил журалий дурив, текстраву чивчумунил сурат хъхъичІ дацІан дуллалисса куннасса бусаврил журалий дурив, ягу цала пикри-аькълулул къувкъумур бусласисса куннасса журалий дурив.

ОьрчІан мурад бусан захІат шайссар шамилчинмур жура. Укунсса текстрал мурад бусаннин ххуйну хІадур хъуну, текстрава гъанумур пикри личІи бан хІарачат байссар.

БучІиссар ва журалул текстрал мурад бусаврил план суаллал жавабирттал журалий сакин дангу.

Цала ссая бунугусса пикри аьч буллалисса текстрал мурад бусаву дуллалини, дуклаки оьрчІал хІарачат бан аьркинссар бувчІин чичу произведениялийну учин ччай ивкІмур, му бувчІиншиврул ганал цала произведениялуву ишла бувсса мазрал пасихІшиврул ярагъру. Мукунма мурад бусаврил кумаг байссар дуклаки оьрчІан бувчІин геройнал даКІнил хІал.

Гьарца журалул мурад бусаврил художественный произведение лахъхъаврил личИ-личИсса шачІанттай бикІайссар цила мурад.

Произведение лавхъхъуну га куртІну ххал бигьлагьини ишла дайссар личИ бувсса бутІрал мурад бусаву. Учителнал ччянива хІадур буну, бусайссар геройнал хасиятран кьимат бишлашини цуми кІанттурдах ябурган бантІиссарив. Масала, К. Закуевлул «Хъявринсса ччаву» тІисса повесть лахълахьини учителнал мурад бусан личИ бан бюхъайссар:

1. Лакрал щархъал ахІвал.
2. Та чІумуву ялапар хъанай бивкІминнал ахІвал.
3. Цивппа бакІ букканшиврул инсантурал ляхълай бивкІсса шартІру.
4. ХІалтІухъантурал оьрму.
5. Аваданминнал ва мискинминнал дянивсса арарду.
6. Революциялул щатІив Лаккуйн биллалини инсантурал дакІурдиву хъанай диркІсса дахханашиннарду.

Литературалул дарсирдай чІяруну ишла дайссар кутІа бувсса мурад бусаву, цанчирча хъунисса произведенияртту лахълахьини щаллусса мурад бусаврин хъуннасса чІун харж хъанай дунутІий. КутІану мурад бусаву – му хъанай дур яла агъамми кІанттурду личИ бувсса мурад бусаврин хъуннасса чІун харж хъанай дунутІий. КутІану мурад бусаву – му хъанай дур яла агъамми кІанттурду личИ бувсса мурад бусаву. Укун мурад бусайни ххуйну кІулну бикІан аьркинссар ганил сакиншинна ва гъанусса мурад.

### **3. Чичрулийнуса гъалгъа магьир баврил къяйдарду**

Чичрулул давуртту литература лахъхъаврил гъанусса бутІану хъанахъиссар. ОьрчІал маз итххяххан баврин чичрулул давурттал хъуннасса агъамшиву дуссар.

Дуккаврил шинал мутгалий учителнаща бюхъайссар программалул тІалав дуллалисса чичрулул давуртту дан четвертирттайх дарчІуну.

Мяйлчинмур классраву дуклакисса оьрчІаву ялавайми классирттаву сакин хьусса чичрулул вардишру цІакь дайссар, му давугу чан-чанну тІий захІмат дуллай дачин дайссар.

Му бакъассагу мяйлчинмур классраву оьрчІру кІул шайссар цІусса чичрудал журардашалгу. Лавайми классирттавусса чичрулул давуртту оьрчІан захІматссар, агар байбихьулул школалий миннащал, цила багъайкунсса давуртту дуллай къабивкІхьурча.

Аьдатрайн бувну, литературалул дарсирдай дайсса гъануми чичрулул давуртту хъанай дур изложенияртту, сочиненияртту. Изложениярттал мурад хъанай бур дуклаки оьрчІан цала бувккумунил, ягу цанма бавмунил мурад щаллуну чичин лахъхьин баву. Миннул журардугу дур личІи-личІисса: оьрчІан хъхьичІара кІулсса текстрайн бувсса, кІул дакъасса текстрайн бувсса хІадурнасса пландалийн бувсса.

Сочиненияртту чичайссар лавхъхьусса художественный произведениярттайн, оьрчІал цала тІабиаьтрал хьирив бацІаврин, суратирттайн бувну.

ОьрчІал гьалгъа магьир баврин хьуннасса агьамшиву дуссар литературалул хрестоматиялул методикалул аппаратрал. Цайми тарбиялул масалартту щаллу баврищал архІал мунил оьрчІал маз магьир баврингу хьуннасса агьамшиву дуссар.

ОьрчІал гьалгъа магьир баврин хас дурсса давуртту ххал дигьлагьини учительнан дакІний бикІан аьркинссар хрестоматиярдаща циняр чичрулул давурттал журарду ккаккан дан къабюхъайшиву, миккусса чичрулул давуртту произведениярттацІун дархІусса душиву, гайми чичрулул давуртту программалул тІалавшиннарайн бувну, цанна хІадур дан багъантІишиву.

Даврил къяйдалух ва масаларттах бурувгун изложенияртту дуссар кІира журулул – чичин лахъхьин буллалисса ва лавхъхьумур ххал бигьлагьисса, му даврил хасиятрах бурувгун дикІан бюхъайссар текстрачІан гъансса, кутІасса, личІи бувсса произведениялул ягу хаварданул бутІуйн бувсса, ялун ххи дурсса заданиярттащалсса, сочинениялул элементирттащалсса.



Лавхъхъумур ххал бигълагъисса (контрольные) изложенияртту миннул журалух къабурувгун яларай ккаккан дурсса куннасса къяйдалий дан бучИссар.

Учительнал кутІану изложение даврил мурадрая ихтилат байссар, дуккайссар текст. БувчІин байссар оърчІан захІмат хъун кунмасса махъру, ми доскалий чичайссар ва план дулайссар.

Текст дуккайссар цал ялагу, мунияр махъ оърчІру изложение чичлай байбишайссар.

Контрольный изложение дуллалини, оърчІахъ цахъва мурад бусан къабайссар.

Вайми лахъхъин бай изложенияртту даврил къяйдарду миннул хасиятрах бурувгун даххана шайссар.

Масала, текстрачІан гъансса, щаллуну гъарзад чичайсса изложенияртту кутІасса изложениярттаяр оърчІан чичин бигъассар.

ТекстрачІан гъансса изложенияртту оърчІал чичайсар авторнал маз, ганал калимартту ишла дуллай.

Изложениялунсса текст оърчІан кІулсса, гайннал лархъхъусса духъурча, му хъиннува хъинссар.

Учительнал изложение чичлан хъхъичІ бувсса ихтилатрал, буллусса суаллал оърчІан хаварданул гъанусса мурад, гивусса геройтурал хасиятру, чичул маз дакІнин бутан кумаг бантІиссар. Мура чІумал, учительнал оърчІащал цаппара захІматсса мукъурттил, калимарттал мяъна дакІнин дичайссар. Текст лархъхъусса духъукун, оърчІаща куннил хъирив ку тІайлану, агъамми кІанттурду къакъабивтун изложение чичин бюхъайссар.

КутІасса изложенияртту чичаву оърчІан захІматссар. Мукусса изложенияртту дайни, оърчІан кутІа дан бигъасса текст дурчІайссар. КутІа дур изложениялул мурад хъанахъиссар текстрал мурад кутІану бусаву, мугу авторнал гъанумур пикри, хавардануву буминнул хасиятру, ишру баххана къабувну.

Текстрал ца бутІул изложение дуллалисса чІумал, яни текстраву язи бувгъусса бутІул изложение дуллалини, щала материал къачичайссарча, ганива

учительнал личИи дурсса темалиятур чичайсса, цурдагу ччарча шаллуну, ччарчагу кутІа дурну. Ва журалул чичрулул агьамшиву дуссар оьрчІан кІулсса щаллусса произведениялувату ккаккан дурсса темалунсса материал миннаща личИи дан бюхъавур.

Изложениярттащал архІал мййлчинмур классраву чичайссар сочинениярттугу.

Сочинениярттаясса тІалавшинна классрава классравун хъун дайссар.

ОьрчІал сочинениярдаясса гьанусса тІалавшиннану хъанахъиссар миннаща цала аькьлулул кьувкъумур, цала пикри куннил хъирив ку чичин бюхъаву.

Сочиненияртту темалух ва журалух бурувгун личИи-личИиссар (оьрчІал цала оьрмулул опытрайн чул бивщуну чичайсса, суратрайн бувсса, литературалул произведение гьануну лавсун чичайсса).

ОьрчІал цала опытрайн бувну чичайсса сочиненияртту миннал оьрмулух бурувгун даххана шайссар.

Сочиненияртту чичайссар оьрчІан циняннан хасъсса иширттая, миннал аьмну дуллай бивкІсса давурттаяту. Масала, «Ссутнил лишанну», «Шяравун инт дуркІунни», «Ттул нину», «Ххувшаврил байран», «Ттун ххуй бизайсса пиша» ва м.ц.

Литературалул произведениялийн бувну сочинение чичлан байбихълахъисса чІумал, булайссар суаллу.

Ми суаллансса жавабирттайну сакин шайссар хъун бакъасса хавар, чанчанну тІий сочинениярттал темарду шайссар ва миннал цала произведениялуя, мунил геройтурая, миннал занакъалашиннардая цала пикри буллалимур чичаву тІалав дайссар.

Суратрайн бувсса сочиненияртту дан бучІиссар цинявгу классирттаву. Ми дувайссар лахълахъисса произведениялул мурадрачІан гьансса темалийн бувсса суратирттайн бувну.

Ми журалул сочиненияртту учительнал оьрчІащал цал дакІних сакин дайссар яла чичайссар. Школалий дувайсса личИи-личИисса чичрулул

давурттаву агъаммурну хъанай дур сочинение. Сочинениярдал дур личИ-личИсса жуарду. Яла чІяруну школалий ишла дуллай бур литературалул произведениялийн бувсса ва оьрчІал цала оьрмулуву асар биян бувмунил гъанулийсса сочиненияртту. Вай давурттаву оьрчІал лахълахъимуниясса пикри бувсун, цайнува цала цукунсса дунугу темалухсса цала бургаву чІалачИ дурну дикІан аьркинссар.

Цуксса хІайпнугу, чІявуми лакрал школарттай сочинениялул ялувсса даврих багъайсса я бурган буллай бакъар. Хъинну чанну дур оьрчІан асар хъумунил гъанулий чирчусса сочиненияртту, лахълахъисса литературалул произведениялийн бувсса сочиненияртту тІурча, чІяруми га произведениялул мурад бусаврин кІура дарну дур.

Ххал бувсса школарттал мяйлчинми классирттаву чІяруну хъуна дакъайми сочинениярттал темарду хъанай дур шинал чІуннан хас дурну чирчусса лакку кІанттун, цала шяраваллан ва байрамирттан хас дурну чирчусса сочиненияртту.

Сочинение – му чичрулул даврил личИсса жура хъанай дур. Сочиненияртту чичаврил оьрчІал маз магьир шаврин, литературалул произведение куртІну бувчІаврин ва мунин багъайсса кьимат бищаврин агъамшиву дуссар.

ЛичИ-личИсса темардайн бувсса сочинениярттал дуклаки оьрчІан цала учин ччимур куннил хъирив ку тІайлану, буклакиманан бувчІинну чичин лахъхъин бан аьркинссар. Амма чІявумур чІумал оьрчІан цанна сочинение чичаврил сававгума къадурчІлачИсса кІанттурду хъуна бакълай бур.

Цила багъайкунсса я му даврих бурган буллай бакъар дарс дихълахъимигу. ЧІявуми кІанттурдай му дарс дишинсса кІулшиву дакъар учительтурачІагу.

ОьрчІал сочинениярттаву яла чІяруну хъуна дакъайми диял дакъашивуну хъанай дур темалун хасъсса мурад къачичаву, произведениелуву хъанахъимунин лайкъсса кьимат бищун къабюхъаву. ЧІяруми сочинениярттаву

ишру художественный произведениярттаву хъанахъисса чІумуцІун бавхІуну къабикІай.

Гьуртту хъанахъиминнал сипатирттал къимат бишлашини, инсан ялун урган цукунсса уссарив, ганал хасият, тІуллу чІалачІи дурну дур, ганал оьрмулул лагма-ялтту хъанахъимунинсса агъамшиву ккаккан къадурну.

Сочинение чичаврил гъану бизайссар художественный произведениялул анализ дуллалини, чичаврил бюхъу тІурча сакин шайссар ганил гъанусса мяъна кІул дуллалини.

Произведение ххал бигъаврил журалух бурувгун сакин шайссар ганил гъанусса мяъна кІул дуллалини.

Произведение ххал бигъаврил, журалух бурувгун сакин шайссар сочинениярдал журадду: гьуртту хъанахъиминнал хасиятрал хъирив лаяву, къимат бищаву – геройнал сипат, гьуртту хъанахъими цачІу бивхъуну ххал бигъаву, геройтурал сипатру цачІу дирхъуну, ххал дигъаву.

Сочинение хІадур даврил цинявгу шачІанттай: материал хІадур дайни, чичлачини, чивчумур ххал бигълагъи каялувшиву дайссар учительнал. Цумур дунугу темалийн бувну сочинение чичин оьрчІру хІадур буллалини, ганил гъанусса мурад бакІравун итабакъин гайннан куамг байссар, хъирив аьркин дансса материал хІадур дайссар, сакин дайссар план, яла бучІиссар пландалийн бувну дакІних мурад бусан бан ва чичин бан.

ЧІявуну оьрчІал сочинениярттавусса гъалатІру итххяххан буллай бур гайннан тема, цала ссяяту чичинтІиссарив букъавчІуну личІаврин бувну, ганил гъанусса мяъна вив итакъадакъаврин бувну.

Сочинениярттал темардал мурадду бикІан бюхъайссар чичул щалагу творчестволул хъирив лаяву, ганал цаппара произведениярттан къимат бищаву ягу ца произведениялун хас дурсса темалийн бувну сочинение чичаву.

Чичул творчестволух бурувгун сакин хъанай дур сочинениярттал темардугу миннул цІардугу. Масала, Курди Закуевлул «Хъявринсса ччаву» ва М. Башаевлул «Бавцусса душ» тІисса повестьру лавхъхъуну махъ бучІиссар чичин «Бахул ва Субайбатлул сипатру» тІисса сочинение. М. Чариновлул, М.

Башаевлул, К. Закуевлул произведениярттайн буну «Хъамитайпалул сипат лакрал чичултрал творчестволуву» тисса сочинение.

Сочинениялул тема дурчІаврин, му бакІравун духхаврин агъамшиву дуссар учительнал оьрчІашал сочинениялийн хІадур байни дайсса даврил.

Масала, К. Закуевлул «Хъявринсса ччаву» ва М. Башаевлул «Бавцусса душ» тисса повестирттайн буну «Субайбатлул ва Бахул сипатру» тисса сочинение чичлан оьрчІан кІулмур низамрайн буцаву мурадрайсса ихтилат байссар, ягу суаллайну миннан кІулмур ххал бигъайссар. Му бакъассагу, оьрчІал я бурган байссар повестирттавусса лавхъхъумуних ва личІимуних.

Бургайссар оьрчІашал вай повестирттаву хъанахъимур цукунсса чІумуцІун бавхІуну бушив. Ххал бивгъукун, чІалай бур кІивагу повестьраву ишру хъанай бушиву оьруснал цалчинмур революция хъуну махъсса чІумал лакрал щархъаву.

КІивагу повестьраву чІалачІи буну бур хъхъичІавасса дагъусттаннал шяраваллан хасъсса оьрмулул бутІа, маэшатрал чулуха личІисса инсантурал оьрму. Бур повестирттаву цаннайн ца къаршисса, цаннаяр ца личІисса инсанталгу.

Курди Закуевлул «Хъявринсса ччаву» тисса повестьраву ца чулух бур мискинсса Ибрагъим, ганал нину, ссурвал, Баху, ганил нину ПатІимат, машачи ХІусман, гамур чулухалу хъанай бур хъус кьинилул заллухъру: Илла, ганал ппу Оьма, нину Залму, Ризван, Салимхан, Кипикхан ва цаймигу.

М. Башаевлул «Бавцусса душ» тІимур произведениялуву тІурча ца чулух бур мискинсса хІухчу Юсуп, ганал щарсса ПатІимат, душ Субайбат, ганил гъалмагъай Ильяс, Юсуплул ссурахъу Исмяил, гъарайзу Оьмари ва цаймигу, къаршимур чулух тІурча бур давлатлув Бусуди, ганал щарсса Загъидат, арсру Асаду, Васаду, малла Апанни, ганал щарсса Маржанат, таммал Илчанат.

Яла бучІиссар бурган повестирттал гъануми геройталну хъанахъисса Бахул ва Субайбатлул сипатирттаву лавхъхъумуних ва личІимуних.

Вай укунсса давуртту дурну махъ бучІиссар оърчІахъ дакІних бусан бан цала чичинтІисса сочинениялул мурад, яла тІурча чичин бан. Яларай дулунну ва темалийн бувсса мисалларансса сочинение.

### **«Бахул ва Субайбатлул сипатру»**

«Агъ мискинтал мюрш душру,  
Язухъ ттун зул оърмурдай».

(М. Чаринов)

План:

I. ХъхъичІмахъ.

К. Закуевлул «Хъявринсса ччаву» ва М. Башаевлул «Бавцусса душ» тІисса повестирттаву ккаккан дурсса чІун.

II. Гъанумур бутІа.

Та чІумал лакрал шархъаву яхъанай бивкІсса инсантурал оърму. ЛичИ-личІисса инсантурал къатурдил дянивсса арарду, миннал багъу-бизу.

1. Бахул ва Субайбатлул сипатру ва миннал оърму.

2. Бахул ва Субайбатлул къадарду.

III. Ахир.

Чичултрал зунттал хъамитайпалухсса бургаву.

К. Закуевлул чивчусса «Хъявринсса ччаву» ва М. Башаевлул «Бавцусса душ» тІисса повестьру хас бувну бур дахъва зунттал шархъавун революциялул щатІив биллалисса чІумун. Повестирттавусса ишру хъанай бур лакрал шархъаву. Шиву чІалачІи дурну дур кІира цаннийн ца къаршисса, душмансса дуниял. КІивагу повестьраву бур кІива чул мискинминнал ва аваданминнал. ЛичИ-личІисса, цаннийн къабучІайсса бур миннал мурадру: мискинми цала канил захІматрай яхъанай, бусса оърмулухун ду-дакъашиврул дардирдай оърму баххана баврил ми, цивппа рахІатшиврийн буккан бувну, инсантуран ккалли булланссарухха тІисса умуд бишин буллай бур. Амма политикалул чулуха ми ттигу чантІ учин бувар.

Цанма ччи-ччимур буллай вардиш хъусса хъуни хъуруннал заллукъру дулланмур дакъа бур, мискинма кьукъин ангу миннан хъунмасса пикри бакъар. Миннангу, миннацун хъунисса машачитурангу, дакъама цала хъуслил чIарах увккунния чари, ми цашала архIал бацIантIиссар тIисса ихтилатвагу бавну ччай бакъар.

КIивагу повестьраву куннин ку къаршисса инсантурал дяниву хъанай дур тIааьндакъашивурттугу, бяст-ччалгу, аваданминнал чулуха мискинминнай зулму бавугу, миннан зарал бавугу.

Повестьру ххал бигълан бивкIукун, бувчIлай бур захIатсса бушиву хъамитайпалул оьрмугу. Хъиннува захIатсса бур чIарав ацIан чув акъасса жагъилсса душварал оьрмугу.

Вай повестирттаву чIалачIи бувну бур жагъилсса, къадардугу кунниха ку лавхъхъусса кIива душнил оьрму. Баху ва Субайбат хъуни бувну бур ласру ялув бакъасса, мискинсса шахъаннил. Вай бур бакIралгу ххуйсса, дан-дитангу кIулсса хасиятравугу бавкъусса душру.

Повестьраву К. Закуевлул хъинну вив дагъанну ккаккан дуллай ур Бахул сипат, мунил пикри ва занакъалашин.

Масала, Баху 18 шинавун бивсса, кIюла-лахъисса, тяхъасса яру, лачIал рангсса лажин дусса ва мукунна цаймигу «цIубушиврул ва ххуйшиврул заллу» бушиву.

Мунил ихтилатгу мува куццуй цIу бусса, аьркинмур бакъа къабусайсса, щихъ цичинссарив кIулсса бур. Гъалгъагу дустурацал ца журацца, ниттицал тIивтIусса, Ибрагъимлуцал начлилсса, лявзалацал – личIлулсса, рихшантрайсса, цина къаччинацал къянкъасса, намусрай бавцIусса.

М. Башаевлул тIурча Субайбатлуя чичлай ур: «Оьрмулул жагъилшиврувун бувхсса Субайбат тивталсса, канил бюхъу бусса ва захIат ххирасса бушиврул цIа щалла шяравух дурккуна. ЧIун архIалсса душру Субайбатлул ххуйшиврий мяшну бикIайва. Ниттингу цила душ гукунсса бушиврияту пахру бикIайва. Га пахру бушивруцIун, ганил бакIравун цаймигу личIи-личIисса хияллу буххайва: «Ва ттула душ укунсса бушиву хъунмасса

талихІ бур, мискинсса бушивруцІун бакІрал ххуйссагу къабивкІссания, ташулул чулухату талихІ бакъуну личІанссия. КъакІулли, бакІрал ххуйсса душ дакІнин цІуцІавур тІунгу бикІайхха, ва ттул душнил оърму ххажалатрансса хъун мабара, я Аллагъ!» – тІий чІяруну Аллагънахъ лергъ тІун дикІайва ПатІимат.

Цала ххуйшиву чин ккаккан дансса къудрат душварачІа дакъар.

ЗахІматгу ххирасса, бакІралгу ххуйсса, тІуллавугу бавкъусса, дакІнихтуну марцІсса ччавугу дан бюхъайсса душру лайкъру багъайсса талихІран, амма чІумун лархъхъусса дайшишрурду душварал талихІрахун дахчилай дур.

Бахул ва Ибрагъиннул асарду бур марцІсса, миннал пикрирду ва дуниялук бургавугу дур кунначІан ку гъансса. Вай кІиягу хІадурну бур цІусса оърму бутан. Амма Лаккуй хъанахъисса ишру цамур куццуй багъну, миннал къадар баххана хъанай бур.

Цана къаччай уна, цайминнайхчІин, Иллал Ибрагъин дяъвилийн гъан увну, хъхъичІа укъан уллай ур. Яла Бахугу хъяврин бувну къабитлай ур. Иллал цуппа хъяврин бушиву кІул хъувкун, му ахъния ххяхлай бур.

«Бавцусса душ» тІисса повестьраву Субайбатлул Ильяслухсса ччаврия цанма хавар бунувагу, давлатлул Бусуди цала арсенал Васадун га буцин ччай ур. Амма Бусудица му щаллу бан бюхълай бакъар. Субайбатлул ур цина ччисса оърчІ, ганин душман куна чІалай ур Васадугу.

К. Закуевлул «Хъявринсса ччаву» ва М. Башаевлул «Бавцусса душ» тІисса повестирттаву ва чичултрал сакин дурсса душварал сипатирттаву чІявумур лавхъхъусса бунугу, миннал къадарду личІисса бур.

«Хъявринсса ччавриву» чичуца бювхъуну бур буккул дакІ гужну гъалак хъунну, цуппа та оърмулул низамрал хъяврин бувсса зунттал душнил, Бахул сурат дан. Амма Субайбатлул ва Бахул сипатирттаву хъуннасса личІишивугу дур.

Субайбат къаршину буклай бур га чІумуйн, низамрайн, га талай бур, ганийн цІунцІия хъанай дур, амма га циламур бацІан буллай бур, Бахумур бух хъанай бур, мютІи хъанай бур.



Вай кИвагу душнил пикрирдугу, тIуллугу цачIу дирхьукун, жунма чIалай бур: Бахуца къабювхьушиву Субайбатлул даражалийн гъаз хьун.

К. Закуевлул ва М. Башаевлул хьуннасса ччаврищал сакин дурну дур зунттал душварал сипатру. ЧIалай бур вайннан, вай бакъасса, цаймигу лакрал чичултран хьаннил оьрму захIматсса бушиву чIалай, му хьин чулий баххана бан ччай бивкIшиву.

Ваниха лархьхьуну бучIиссар чичин цайми произведениярттайн бувсса сочинениярттугу.

### **1) ОьрчIан асар биян бувмунил гьанулийсса сочиненияртту.**

ОьрчIан асар биян бувмунил гьанулийсса сочиненияртту чичлачисса дарсирдал мурадну хьанахьиссар кумаг баву гайннан цайнура цала тема личIи дан, сочинениелуву цала пикри аьч бувну чIалачIи бан ва чIирал газетрайн мяьна дусса, ххуй дизансса сочиненияртту хIадур дан.

Мисалдаран ласунну гьинтнил каникуллал чIумал оьрчIан асар биян бувмунил гьанулийсса сочиненияртту.

Дарсирал дайдихьулий бусайссар оьрчIахь ва дарсирай чичинтIишиву гьинтнил каникуллай цанма ккавкмунил, кIул хьумунил, асар биян бувмунил гьанулийсса сочинение.

БучIиссар булун суаллу:

1. Цукунсса иш гьанулун лавсун чичинну зу ва сочинение?
2. Цукунсса хIаз бизансса, хьинну дакIний личIансса ишру хьуна бавкьри зун гьинттул?
3. Цукунсса дакIний личIансса иширавух гьуртту хьура ина гьинтнил каникуллал чIумал?

ОьрчIах вичIи дирхьуну, личIи дайссар циняв оьрчIан гьанмур тема, ганийн бувну чичайссар сочинение.

### **2) Тезисру, конспектру ва миннул пландалуясса личIишиву.**

Дуклаки оьрчIаву сакин бан аьркинсса ца гьанумур бюхьуну ккалли байссар – миннан макьалалул (статьялул, цала ягу цаманал чивчумунил, бувсмунил кутIасса мурад чичин ягу план дан лахьхьин баву).

Лакрал, оьруснал литературалул дарсирдай, школа кьуртал бувну махь, оьрмулуву, гьарцагу инсаннан аьркин шайссар куртІну лахьхьин, кІул бан луттирал, статьялул мурад, ягу цанма инсантурал хьхьичІ махь лахьан. Вай укунсса чІуннардий, кутІану, гьанусса мурад тезисрал журалий чичин бюхъаву бучІину льякьайссар. Вай укунсса бюхьурду сакин хьуншиврул дарсирдай цин лархьхьусса давуртту дувайссар.

Мукунсса дарсирал мурадну хьанахьиссар оьрчІру тезисиртташал конспектиртташал кІул баву ва миннаву мукунсса даврил бюхьу сакин баву.

### **Даврил гьануми журадду**

Учительнал хьхьичІмахь:

– циняннан кІулсса куццуй, бувккумур ххуйну бувчІайссар, конспект дуллай, гьануми пикрирду чичлай бухьурча (буклакимунил кутІасса мурад), тезис дуварча (луттирал, макьалалул, статьялул гьанусса пикри чичирча). БачІва, ялттувасса пикри кьабувсса буккаврия хайр бакьассар, мунил кІулмур гьарта кьабантІиссар цІа ларгсса мукьул устартуралгума диялну, кІанайн дурсса цала ихтилатрал план ва тезисру хІадур дайссар. Мукунсса хІадур шаврил ихтилат буллалима щаллуну цала учинмур чичаврия ва цимурца буккаврия мурахас айссар.

Пикри бувну сакин дурсса пландалул ва тезисирттал кумаграйну инсантуращалсса ихтилат гайннан ххуй бизанну, гайннал вичІи дишинну шайссар.

КІулсса куццуй, чичрулул гьануми давурттуну хьанай дур изложенияртту, сочиненияртту. План, конспект ва тезис кумагрансса чичрулул давурттуну хьанай дур. Вайннулгу дур кІира жура: 1) буклакисса луттирал текстрал план, конспект, тезисру даврил жура; 2) инсаннал цала бансса гьалгьалул, докладрал, сочинениялул план, конспект даврил жура.

Школалий литература лахьлахьини вай чичрулул давурттал, хаснура, план даврил, хьуннасса агьамшиву дуссар.

Литературалул произведение лахьлахьини вай давурттал, хаснура, план даврил, хьуннасса агьамшиву дуссар. Произведениялул хьирив лаллалини,

учительнал пикри бувну, ххал дайссар цала хІадурнасса план та дулун дурив, дуклаки оърчІал цайнура цала план та сакин данссарив, ва цумур чІумал шала классрал оърчІал хІала бувххун план сакин данссарив.

Произведениялул, мунил бутІул план дуллалаврия зарал бакъассар, му маз магъир баврил агъамсса къяйданугу хъанахъиссар ва оърчІал аькълу-пикри авадан шаврин кумаггу шайссар. План дуллалени оърчІ произведениелулу, хъанахъимунил хъирив лаллай, муниву куннил хъирив ку ишру нанисса куццуй хІисав ласлан икІайссар, произведениялул жям дуллан икІайссар. План личІину аьркин къашайссар так назмулий чивчусса произведениярттан.

План сакин даврил ялувсса даву дархІуну дикІайссар текстрал мурад бусан лахъхъин баврищал, изложенияртту, сочиненияртту чичаврин оърчІру хІадур баврищал.

Произведениялул текстрал план дакъассагу, оърчІан лахъхъин дайссар цала жавабирттал, изложениярттал, сочинениярттал планну дангу.

Планну даврил гъануми журадду бучІиссар укун личІи дан:

- а) хІадурнура учительнал цала дурну дуллусса план;
- б) циняннал цачІу, циняв хІала бувххун дурсса план;
- в) дуклакимаинал цайнура цала сакин дурсса план.

План сакин даврийну оърчІан лавхъхъумур, кІулшиврул даража ххал бигъин бюхъайссар. План дан бюхъаншиврул, произведениелул гъанусса мяъна ва мурад оърчІан бувчІуну бикІан аьркинссар.

Масала, произведениялул цума унугу геройнал хасиятрал къимат бишлашини дувайссар план (Субайбатлул, ганил ниттил ПатІиматлул, Бусудил хасиятрал лишанну кІицІ лаглагини, ва вайннал хасиятран къимат бищаврил план хъанахъиссар). ХІадурнасса Субайбатлул хасиятрал план бюхъайссар дулун учительнаща:

1. Субайбатлул захІмат ххирашиву.
2. Хъуниминнал хІурмат баву.
3. Къянкъасса хасиятращал дакІ хъиншиву.
4. Цила тІимур бацІан баву.

Патиматлул, Бусудил, Васадул хасиятран кымат бищаврил план оьрчIаща цащара дан буюхайссар.

Агьамшиву дуссар план сакин даврил журалулгу. ОьрчIал я бурган бан аьркинссар план дайни ишла дайсса предложениярттал журадах. Цуми предложениярттур ишла дайсса план дайни: бусай предложенияртту, цIуххай, цIаку предложенияртту?

КьабучIиссар тасттикь буллан план сакин даву так цIаку предложениярдая дайдишин аьркин тIий. Агар ккалли барча оьрчIру суаллал журалийсса пландалийн аьдат шаву – му чIумал бувчIин байссар произведениялийн бувну буллусса суаллу хIадурнасса план хьанахьшиву.

БучIиссар сакин дан план личIи-личIисса журалул предложенияртту хIала дурну. Цанчирча ца кIану оьрчIан бигьану бикIайссар бувчIин бан цIуххай предложениялийну, цагу бусай предложениялийну.

Масала, М. Башаевлул чивчусса «Авххусса арс» тIисса романдалул план бучIир дуван кутIа дурну:

1. «Авххусса арс» тIисса романдалуву чIалачIи дурсса чIумуя ва лакрал халкъуннал багьу-бизулия, аьдатирттая бусан.

2. Ссайну бувчIлай бур дагьусттаннал халкъуннал дяниву дусшиврийсса арарду диркIшиву?

3. Мамлаклул сипат: сисаву, захIмат ххирашиву, итххяххаву.

4. М. Башаевлул луттирал маз.

План даву канилух дурккукун, бучIиссар тIалав дуллан оьрчIая ца журалул предложениярттая сакин хьусса план.

Лавайми классирттаву оьрчIан лахьхьин дан багьайссар ялавайми классирттаву оьрчIан лахьхьин дан багьайссар ялавайми классирттаву хьинну чанну дакъа хьуна къадакъайсса цIусса журалул чичрулул давуртту.

Мяйлчинмур классрава байбивхьуну оьрчIан лахьхьин бан аьркинссар чичлан рефератру, докладру, сакин дуллан конспектру, тезисру. Вай давурттал оьрчIал гьалгьа магьир баврин, маз авадан баврин, лахьлахьисса произведениялул мяьналул хьирив куртIну лаяврин кумаг байссар. Му

бакъассагу литературалул темалийн бувсса сочинениялунсса материалгу хьунтиссар. ОьрчІан лахъхьин бан аьркинссар литературалул произведениялун кьимат бишлашисса статьялува аьркинмур личІи бувну, чичин, сакин дан план, тезисру, конспектру.

### **3) Конспектрал ялувсса даву.**

Конспектрал пландалуясса личІишиву хъанай дур муниву бувккусса произведениялул, оьрчІал цала чирчусса сочинениелул, докладрал, бувсса ихтилатрал бутІран цІарду рищаву дакъа, гивусса гьарца бутІул кутІасса мурад чичаву, чичайнигу чІалачІи баву яла гьанумур, агьаммур. Му бакъассагу, конспектрал бутІрал мурад куннищал ку бавхІуну бикІан аьркинссар.

Конспект чичаврил журарду личІи-личІиссар: му бикІан бюхъайссар пландалул пунктру бувчІин буллалисса кутІасса чичрурдуну; текстраву бусса куццуй лавсъсса пландалул бутІа бувчІин бан кумагрансса цитатану; гьанусса пикри кутІану бувчІин буллалисса бусай предложениярдуну.

Конспект чичин лахъхьин баву дайдишайни бучІиссар ишла бан хьиннува хьуни бакъасса статьярду, яла тІурча чан-чанну тІий миннул лагру хьун дан.

Конспектру дан бюхъайссар луттирдайсса «Революция хьуннинсса дагъусттаннал литература», «Дяъви кьуртал хьуну мукъахсса лакрал ва дагъусттаннал литература», «Ттизаманнул литература» мукунма литературалул учебникирттай цума унугу чичул творчестволун кьимат бишлашисса статьярдан бувну ва лакрал литературалул журналданийсса кказитрайсса статьярдан бувну.

### **4) Тезисрал ялувсса даву.**

Тезис хъанай дур цукунсса бунугу статьялул, инсаннал ихтилатрал яла кьулаймур тагьарданий, кутІану бувсъсса гьанусса пикри.

Тезисрал чІалачІи байссар кьуртал хьусса пикри, мисаллу къабувцунува.

Тезисру дикІан бюхъайссар суаллансса жавабну ягу пландалул ца пунктрал гьанусса мурадну. Мунил маз бикІан аьркинссар кутІасса, хьинну ялув бавцІуну махъру личІи бувну сакин дурсса.

Масала «Дяъви къуртал хьуну мукъахсса лакрал ва дагъусттаннал литература» тIисса статьялул тезис оърчIащал классраву сакин дуллалини хъанай дур укунсса чичру:

Немец-фашистътураларсса дяъвилулу жула халкъуннал ларсэсса ххувшаврил ва ганияр махъ оърму ххуй баврил цIанисса давурттал литературалул хъхьичI цIусса масалартту бивхьуссар. Литература инсанначIан ххуй чулий кIура дарссар.

20-30-ку шиннардий литературалул ккалаккиминнаву цIусса обществолулу буллалисса захIматрах шавкъ дутаву, цIусса пикри-зикри шаллу баву диркIхьурча, дяъви къуртал хьуну махъ чичул хъхьичI бавцIусса масала гьарта хьуссар. Миннал литература цIусса инсан тарбия аврин, га цIакьсса ххуллийн утаврин хас дурсса диркIссар.

Цаппара чичулт дуллалимуниву гьалатIру итабакълай, буклакима щаккиравун утлатисса, дунияллуя дакI дуккан дуллалисса, литературалул бувгьуну нанисса агьаммур ххуллия буклакима аьйкъин уллалисса произведенияртту бишлан бивкIссар.

1946-ку шинал бувкссар Москвалив литературалул ва искусствалул хъхьичI бивхьусса масалартту аьмну чIалачIи буллалисса хIукму. Гания махъ Дагъусттанналмур литература ххуй даврил хIакъиравусса хIукму бувкссар. КIай хIукмурдал кумаг бувссар литература ва искусство оърмулуцIун дахIаврин халкъуннал культура гьаз шаврин.

Дяъви къуртал хьуну махъсса шиннардий гуж хьуссар Дагъусттаннал ва оьруснал литертурардал куннищал ку дахIаву.

Оьруснал чичултрал гужми произведенияртту дагъусттаннал мазурдийн, дагъусттаннал чичултралми оьрус мазрайн таржума буллан бивкIссар.

Тамансса утта дуркссар литературалиясса критика ва бувкссар литературалул хIакъиравусса луттирду.

Дяъви къуртал хьуну махъсса шиннардий Дагъусттаннал чичулт хьунмурчIинсса бургаву дуллаи бивкIссар захIматкашнах – фронтрая чIявусса ккавккун зана хьусса воин-талаталах.

Дяъвилул шиннардий чичулт чанну чичлай бивкІссар халкъуннал къинттуллух буллалисса захІматрая. Дяъви къуртал хъуну махъ байбивхъуссар халкъуннал паракъатну буллалисса захІматрая буслай.

Чичулт хІарачат буллай бивкІссар оърмулуву хъанахъисса яла агъамми ишру цала произведениярдаву чанна лахъан бан.

Дагъусттаннал литература авадан хъуссар цІусса жанрардал, чичлачимунил темарду гъарза хъуссар. Чичлан бивкІссар цивппа ялапар хъанахъисса чІумуясса произведенияртту. Чичултрал усттаршиву ларай хъуссар. Дагъусттаннал литература балугъравун духлан диркІссар.

### **5) Чичрулул давурттавусса гъалатІру бакъин баву.**

Литературалул дарс дишайсса учительтурал давриву, оърчІал чичрулул давурттавусса гъалатІру бакъин баву яла агъаммурну ккалли хъанай дур.

ОърчІан гъалатІру бакъа чичин лахъхъин баву дакъассагу, чичрулул даву дакъин дайни, учительнал хІисавравун ласун аъркинссар га даву цукун сакин дурну дурив ва стилистикалул правилартту цукун дурурччуну дурив.

Сочинениярттал ва изложениярттал гъалатІру бакъин бувну, къимат бищайни, учительнан хІисавравун ласун аъркинссар чичрулул даврил мукъва чул: мурад, сакиншинна, гъалатІру, стиль (маз). Хъунмасса я бурган бан аъркинссар даврил гъанусса мяъналухгу.

Чичрулул даврил мурад ххал бигълагъини, учительнал я бурган байссар мурад щаллу баншиврул дартІсса материал диялсса дурив, темалийн бувну мурад тІайлану, темалия акъавккуну чивчуну бурив.

Даву сакин дурсса куц ххал дигълагъини, учитель ургайссар га даву пландалийн бувну, бутІри тІайлану куннил хъирив ку бивхъуну, абзацру (цІу ххуттал дайдохъу) тІайлану ишла дурну чирчуну дусса дакъасса.

Чичрулул даву ххал дигълагъини, учительнал бакъин бан аъркинссар мукъурттиву хъуна бавкъсса гъалатІру ва предложениярттаву дикъархъуну къадиртсса ва тІайла дакъа ишла дурсса чичрулул лишанну.

Стиль (маз) ххал бигълагъини, учительнал бакъин байссар тІайла бакъа ишла бувсса махъру ва калимартту, аъркин бакъа кІийла-шамийла ишла бувсса

махъру ва калимартту, тIайла дакъа сакин дурсса предложениертту, бакъагъавай ишла бувсса цитатарду.

Циняв гъалатIру учительнал бакьингу бувну, оърчIан чIалачIигу бувну бикIан аьркинссар.

ГъалатIру бакьин баврил дуссар кIира жура: 1) оърчIал гъалатIру учительнал бакьин баву; 2) учительнал ккаккан бувну, оърчIал цала гъалатIру бакьин баву.

БучIиссар учительнан цаппара гъалатIру цала бакьин бувну, ливчIми оърчIан цанма бакьин бан битангу.

Гъарцагу учительнал дикIай цанна хасъсса гъалатIру бакьин баврил низам, амма къулайну бикIанссия гъалатIру бакьин бавриву циняннан аьмсса гъалатI бакьин баврил къяйдардугу, лишаннугу ишла даварча.

ЧIявуну гъалатIру бакьин бай ятIулсса щекъирай, тIайла бакъа ишла бувсса мукъурттил ва калимарттал лултту аьш дурккун, тикрал хъанахъисса мукъурттийх, калимарттайх, предложениерттайх аьш дурккун, биял бакъамур ялув чивчуну, биял бувну, ялагу ххи бан аьркинмур тетрадьрал полярдай ккаккан бувну.

Сакин хъуну дур чIявуминнал гъалатIру бакьин байни ишла дайсса лишанну:

**I** – аьш, ванил ккаккан байссар мукъурттиву итабавкъсса орфографиялул гъалатIру.

**V** – предложениелуву аьркин дакъа ишла дурсса ягу итадаркъсса, чичрулул лишан: кIунтI, запятой ва м.ц.

**?** (цIуххаврил лишан) – ва лишан ишла дайссар лултту аьш дурккусса мукъух ягу калималух оърчIал я бурган баншиврул.

ГъалатIру бакьин байни ишла дайсса вай лишанная зарал бакъашиврин щак бакъар, му бакъагу вай лишанну мудан ишла дуллалаврил оърчIан цала диялдакъашивуртту дурчIин ва ми дакъин дан кумаг бантIиссар. Иш мукун бунугу, лишаннайну оърчIан гъалатIру ккаккан баврийну гъашиву къадурну, гъарца даврин чичрулийну къимат бищурча (рецензия чичирча) хайр



хъунмассар, амма му даврин диялсса чІун дакъашиврийн бувну, учительнал кутІасса замечаниярттайну гъашиву дай.

ОърчІал чичаврил бюхъу магъир шаву мурадрай, ишла дай ялув кІицІ ларгми дакъа, цаймигу оърчІан гъалатІру чІалачІи баврил лишанну:

~ – ва аьщул чІалачІи бантІиссар тикрал хъанакъисса махъру ва калимартту.

≈ – агарда махъ ва калима кІийла тикрал хъанай бухъурча кІира, шамила тикрал хъанай бухъурча шанна аьш дуккайссар.

\_ – ва мукъул лултту дурккусса аьщул чІалачІи буллалиссар шикку цамур махъ ишла бан аьркиншиву.

= – мукъурттил лултту дурккусса кІира аьщул чІалачІи буллалиссар предложение тІайла дакъа сакин дурну душиву ва га тІайла дацІан дан аьркиншиву

**Z** – ва лишандалул чІалачІи дайссар предложение ххуттая абзац къадиртун чичин аьркиншиву.

**V** – ва лишандалул пикри бяливчІсса, махъ, калима къадиртсса кІану чІалачІи байссар.

Вай лишаннал оърчІал цала гъалатІру цумур журалул буссарив бувчІин кумаг бантІиссар.

ОърчІащал тІурча, лишаннал мяънарду тикрал дуллан аьркинссар, гай хъама къаритаву мурадрай.

## ЛАКРАЛ ЛИТЕРАТУРАЛУН ХАС ДУРНУ, КЛАССРАЛ ВА ШКОЛАЛУЛ КЪАТІУВ ДАЙССА ДАВУРТТУ

Школалай классрал къатІувсса даврин хъуннасса агъамшиву дуллай бур. Мунил масаларттуну хъанай бур: оърчІру цила багъайкун тарбия баву, оьннасса чІун личІи-личІисса, миннан ххуй дизайсса, хайр бусса давуртту дуллай тІайла дуккан кумаг баву.

Классраву, лакрал литературалул дарсирай, оърчІан лахъхьин буллай бур произведениялуву бусласимур бувчІинну, чичул магъиршиву хІисавравун ларсун лахъхьин.

Вара даву хьиннура куртІ дуллай дачин дан багълай бур классрал къатІувсса буквавил дарсирдайгу.

Луттирал оърчІан кумаг байссар оьрмулувусса ишру бувчІин, ччайгу бикІайссар хьиннува чІявусса кІул бан. Классрал къатІувсса букваву хъанакъиссар оьрчІал пикри щаллу бансса, чара бакъа дан аьркинсса давуноу.

Махъсса шиннардий захІмат хъуну бур оьрчІащал классрал къатІувсса буквавил даву дачин дан. Цанчирча, чІявусса оьрчІру кІункІутІи хъуну бур техникалучІан, аьщуйн щуну лахъхъайсса элмурдачІан, спортрачІан. Литература тІурча, гайннал кІилчинмур пландалийн рутлай бур. Мазрал ва литературалул дарс дишайсса учительтал укунсса тагъарданул буржлув буллай бур классравугу, дарсру къуртал хъуну махъгу кІа иш янила буккан къабитан.

КІулсса куццуй, школалул дуккавил ва тарбия дулаврил даву дарс дишаврийну къуртал хъанай дакъар, архІалла дачин дан багълай бур классрал ва школалул къатІувсса давуноу. ХІатта ххуйну даву дирхъусса школалай, опыт бусса учительтурачІа, яла ххуйми методирттай оьрчІащал классравусса даву дуллалисса кІанттурдайгума хъунабакълай бур художественный литературалия, чанну хавар бусса, литературный маз къакІулсса оьрчІру. Ванин сававну классрал къатІувсса литературалул даврих, кружокру зузаврих, литературно-творческий дарсру оьрчІахъ дишаврин, литературно-художественный вечерду, экскурсиярду ва м.ц. давуртту дуллалаврих школардаву багъайсса ургъил къабуллалавур.

Учительтуран кІулну бикІан аьркинссар дарсирдаяр махъсса чІун оьрчІал цуксса цанна мюнпатну гъан дуллай буссарив.

Литература дишайсса учитель буржлувссар кІул бан оьрчІан цукунсса луттирду буклан ххирассарив, цукунсса бувккуссарив луттирду, ми ча ласайссарив, цуми журналлу буккайссарив, букваврин нюжмардий цуксса чІун харж дайссарив.

Вай цимурца кІул барча, дуклаки оьрчІачІансса ххуллу лякъин, миннащалсса дахІаву цІакъ дан, оьрчІая цукунсса тІалавшиннарду дан дурив ххал дан бигъа хъунтІиссар.

Школалул къатІалу лахъхьиншиврул, литературалул учительнал чІявуми оьрчІал луттирду ласайсса библиотекалушал дахІаву дан аьркинссар. Мунил мурад оьрчІал цукунсса луттирду буклай буриххал бавур.

### **1. Классрал къатІувсса букваву.**

Школалул къатІувсса даву – му хъхъичІра-хъхъичІ, классрал къатІувсса букваву сакин давур.

Цинявгу классирттал программалий ккаккан дурну дур классрал къатІув буккинсса произведениярдал сияхІ. Му сияхІ мйяжан дайссар литература дишайсса учительнал, школалул библиотекалувусса луттирду ва оьрчІан кІулмур хІисавравун лавсун. Классрал къатІувсса букваврил дуссар кІира жура:

а) чарабакъа дуккин аьркинсса, дарсирай лархъхъумуницІун дархІусса материал цайнура цала дуккинсса;

б) цанма ххуй бизайми, ягу учительнал буккин маслихІат бувми луттирду цала мажал хъусса чІумал букваву.

Учитель чарабакъа оьрчІал классрал къатІувсса букваврил ялув ацІан аьркинссар. Ганал бюхъайссаксса кумаг бан аьркинссар классрал къатІув буккин ккаккан бувсса луттирдал библиотека щаллу бан. Библиотекалул зузала кІул увну икІан аьркинссар 8 классрал оьрчІан классрал къатІув буккин аьркинсса луттирдащал. Мунал луттирду баххана баван аьркинссар нюжмардий, кІира нюжмардий цал. Агарда библиотекалуву оьрчІан буккин

ккаккан бувсса луттирду чанну бухъурча, бучИссар дарсирдая махъ классраву бавцІуну лахъну буккаван. ОърчІая, цала бувккусса произведениялул, ганил авторнал цІа, фамилия ва произведениялул чулухунмайсса цала пикри чичаву тІалав дайссар.

Буккавил ялув каялувшиву даврил яла къулаймур жура хъанакъиссар классрал къатІувсса буккавил дарсру. Ми дарсирдал мурадну хъанакъиссар гъарца оърчІал классрал къатІувсса буккавил ялув каялувшиву даву, миннал буккавил хъирив бацІаву.

Классрал къатІувсса буккавил дарсру цІакъну дархІуну дикІан аъркинссар литературалул дарсирдашал ва цаймигу луттирдашалсса даврил жулардашал.

Классрал къатІувсса буккавил дарсирдай дайдирахъусса даву къуртал хъун бюхъайссар буккултрал конференциярдай, литературалул вечердай ягу ми дарсирдай бюхъайссар жям дан конференциярдай, литературалул вечердай дурсса давуртту. Мукусса давурттуну хъун бюхъайссар цала улча лахъхъаврил ялувсса давурттугу (оърчІал бюхъулух бурувгун).

Литературалул программалул, шинал мутгалий гъарцагу классраву мяйра дарс классрал къатІувсса буккавил ишла дан ккаккан дурну дур.

Классрал къатІувсса буккавил план даннин хъхъичІ, хъинну хъирив лавну, буккинсса луттирду личІи бувну бикІан аъркинссар.

Мивусса произведенияртту бикІан аъркинссар идеялул ва художествалул чулуха лавайсса, ххуй бизансса, оърчІан бигъану бувчІинсса. Ми произведениярттал оърчІал кІулшиву ларай дайссар, буккавил усттаршиву магъир дайссар, хияллаву сурат даву итххяххан дайссар, пикри буллали айссар.

Классрал къатІувсса буккавил дарсру дишаврил къяйдардал агъамшиву чІирисса дакъар. Вай дарсирдай цирда литературалул дарсирдайнир чІяруну ишла дайссар хъирив бацІавуртту, ххал бигъавуртту, хІала бакъайссар тІуркІулул бутІри, личІи-личІисса журулул сценкартту, конкурсру (бяс-ччаллий буккавилуртту).

Классрал къатIувсса буккаврил дарсирдал план дайссар ми дарсирдан хьхьичI бавцIусса масаларттайн чул бивщуну, миннул литературалул дарсирдачалсса дахIаврих бурувгун. Буккаврил дарсирдал план дан аьркинссар учительнал цанма къулайсса куццуй. Мунаша бюхъайссар хьхьичIра-хьхьичIсса байбихьулул дарс классрал къатIувсса буккаврий каялувшиву даврил цалчинмур шачIануну ккалли дан.

Ми дарсирдай оьрчIан буккаврих гьира бутан аьркинссар. Букъавккуманаша луттирдал геройтураясса ихтилатравух хIала уххан къабюхъантIиссар, му давривух хIала уххан ччарча буклан багъантIиссар. Классрал къатIувсса буккаврил дарс дишаврил яла къулаймур жура хъанахъиссар – конкурс, бяс-ччал.

Мяйлчинмур классраву 2-3 дарс харж дан бучIиссар дакIнихсса творчествовалун, бюхъавай чIявусса шаммарду дакIних лахъхьин маслихIат барча ххуйну хьунтIиссар.

Классрал къатIувсса буккаврил дарсру хас дурну дикIан бюхъайссар лакрал ва дагъусттаннал халкъуннал дакIнихсса творчествовалун ва лакрал ва дагъусттаннал чичултрал произведениярттащал кIул шаврин.

Дарсирайн хIадур дурсса материалданух урувгун учительнал хIадур байссар цала бансса ихтилат.

Хьинну ххуйну хьунтIиссар дарсирай кIицI лагансса луттирдал выставка дарча. Учительнал хьунмасса бияла буссар гьарца оьрчI цацава бюхъайсса хIарачат бувну, гьира бувтун, дарсирайн хIадур аврин.

Махъсса классрал къатIувсса буккаврил дарсру, щала шинал мутталий бувккумунил ккал даврин хас дарча бучIиссар. Ххуйну хьунтIиссар, агар ва дарсирайгу хьхьичIра-хьхьичIсса классрал къатIувсса буккаврил дарсирай куна библиотекарь гьуртту хьурча. Му учIан аьркинссар оьрчIал бувккусса луттирду чивчусса карточкардугу ларсун. Мунал оьрчIахь бусайссар буккаврил агъамшиврияту ва ларгсса шинал чIявусса луттирду бувккусса оьрчIаяту.

Аьмну щала классрал буккаврил кьимат бишлашини, библиотекарнал ва давривух хIала буххан байссар цаппара буккултгу. ЦIуххайссар миннахь цумур

бунугу луттираясса цала пикри дакІний ливчІсса геройтурал, цанма яла гужсса асар биян бувсса иширттая (ихтилат банми хьхьичІва хІадур бан бучІиссар).

Дарсирал ахирданий учительнал оьрчІру кІул байссар гьинтнил мутталий дуккинсса литературалушал. Литературалул сияхІ дикІан аьркинссар хьун дакъасса, бувчІин бан аьркинссар сияхІрайсса луттирду бакъассагу, оьрчІан буккин аьркиншиву цанма ххуй бизайсса цаймигу луттирду.

Гьинттул буккинсса луттирдал маслихІат буллалени, учительнал ми луттирду оьрчІан ккаккан байссар, миннуя гьарцаннуя бусайссар, баян байссар дучІантІисса дуккавил шиналсса цалчинмур дарс гьинттул бувккумунин хас дантІишиву.

БучІиссар оьрчІан буккултрал дневникру бачин баву маслихІат бангу. Ми дневникру бачин бансса куц оьрчІан шинал мутталий лахьхьин бувну бикІан аьркинссар.

Дневник баншиврул тетрадь кІива бутІуйх бачІайссар. Мунил цалчинмур бутІуй чичайссар циняв бувккусса луттирду: цал автор, яла луттирал цІа, лу итабавкъусса шин, художникнан цІа. КІилчинмур бутІа оьрчІал цанма ххуй бивзсса луттирал чулухунмайсса цала пикри чичаврин харж байссар.

Чичаврил жуарду дикІайссар личІи-личІисса. Му бюхъайссар бикІан щаллусса луттирал кьимат бищаву, (гьуртту хьанахьиминнаясса хавар, текстрава цанма дакІний ливчІмур парча, цумур бунугу цанма хьинну асар биян бувсса сурат). Мукун личІи-личІисса давурттая оьрчІру къахьунтІиссар. Му дневникрал хьирив лаяврийну учительнаща цала оьрчІал кІулшивугу, буккавил даражагу хІисавравун лавсун классрал къатІувсса буккавил дарсру дишаврил цаймигу къяйдарду лякьин бюхъантІиссар.

## **2. Мьялчинмур классраву къатІувсса буккавил дарсру дишаврил къяйда ва миннул мурад.**

Мьялчинмур классрансса лакрал литературалул программалийн бувну дуклаки оьрчІру кІул хьун тІий бур халкъуннал дакІнихсса творчестволул произведениярдащал, дагъусттаннал халкъуннал хьхьичІазаманнайсса,

революция хьуну мукъахсса, дяъвилул шиннардийсса ва цІанасса чІумалсса оърмулушал ва багъу-бизулушал. Укунсса журалул произведенияртту классраву, лакрал литературалул дарсирдай бакъа, классрал къатІувсса буккавил дарсирдайгу лахъхьин ккаккан бувну бур программалий.

Классрал къатІувсса буккавил дарсру чІяруну дишайссар (беседалул) оърчІащалсса ихтилатрал журалий. Ми дарсирдай дуклаки оърчІаву тарбия бан аьркинссар инсаншиву, адав мяърипат.

Классрал къатІувсса буккавил дарсирдай оърчІан пикри буллан лахъхъайссар, инсантурал дянивсса арарду, лагма-ялтту хъанахъимур бувчІлан бикІайссар.

Лакрал литературалул ва мукунма оьруснал литературалул дарсирдай лахъхъайсса произведениярттал темарду кунничІан ку гъансса духъукун, ва иш хІисавравун лавсун, лакрал ва оьрус литературалул дарсру куннищал ку дархІуну диширча ххуйну хъунтІиссар. Учителнал ва оьрчІал дянивсса ихтилатрал зумуну сакин дурсса дарсирдал оьрчІал маз итххяххаврин, пасихІ шаврин агъамшиву дуссар. Вай ляличІишивуртту хІисавравун ларсун аьркинссар дарсирдал план сакин дан.

Учителнал ва дуклаки оьрчІал дянивсса ихтилатрал журалий дарс дишиншиврул лахълахъисса произведениялушал оьрчІру дарсирайнинва кІул хьуну бикІан аьркинссар, дарсирай тІурча, ихтилат суаллал ва жавабирттал кумаграйну бачинтІиссар.

Ихтилатрал кумаграйну дарс дишайни ишла дайсса журардуну хъанахъиссар произведениялул хъирив лаяву, диспутру, семинарду, конференциярду, бюхълай бухъурча, чичултращалсса хъунабакъавуртту.

Дарсирал сакиншинна лахълахъисса произведениялул лагрулия ва дарсирал мурадрая хъар шайссар.

Ихтилатрал журалий дирхъусса дарсирал хъхъичІ бикІан аьркинссар хъирив лаян аьркинсса масала. Му масала хас байссар ца хъунмасса, мяъналул чулуха хІала бувхсса произведениялун, ягу кІива-шанма ца темалун хас бувсса произведениярттан.

Журалух бурувгун классрал кьатIувсса буккаврин хас дурсса дарсру дикIайссар:

а) байбихьулул дарс;

б) хьунмасса художественный произведение цайнува цала буккин ва бувчIин бан хIадур буллалисса дарс;

в) бувккумур куртI булла миннул хьирив лаллалисса дарс;

г) бувккумур, лавхьхьумур жям буллалисса дарс.

Ца произведение лахьхьаврин вайксса ссятру харж дан бюхьлай бакьар. Беседалул журалий дирхьусса дарсирдал мурадгу цайнува цала бувккусса произведениялувусса адаврал, инсаншиврул масаларттах, личIинувасса ягу бурган бувну, гай иширттах гьарцаннал цала ургаву сакин дан бюхьаву дур. Му мурадрал тIурча чIяруну, кIира журалийсса дарс дишаву тIалав дулла дур – ихтилатрал журалий ва диспутрал журалий.

### **3. Классрал кьатIувсса буккаву ва мунил классравусса буккаврищалсса дахIаву.**

Цанасса чIумуву школарттал ишла дуллалисса лакрал литературалул программалий дуллуну дур шанна журалул сияхI: классраву, классрал кьатIув ва цайнува цала буккинсса произведениярттал.

Программалий хьхьичIра-хьхьичI ккаккан дурну, дуллуну дуссар чарабакьа лахьхьин аьркинсса произведениярттал сияхI, гайннул хьирив оьрчIал цала буккинсса, кIайва чичултрал произведенияртту, яла гьарца классрал программалул ахирданий классрал кьатIув оьрчIал буккинсса произведениярдал сияхI.

Программа ххал дигьлан бивкIукун, чIалай бур дуклаки оьрчIан биялсса луттирду буккин аьркиншиву. Буклакаврия оьрчIан хайр бикIаншиврул учительнан вай шаннагу сияхIрайсса произведенияртту аькьлу буну куннищал ку бахIин аьркинссар.

Цукунни дахIаву дан аьркинсса классраву лахьхьинсса ва классрал кьатIув буккинсса произведениярттал дянив?



Классрал кьатIув буккинсса произведенияртту личIи буллалини учительнал хIарачат бан аьркинссар личIин бан мяьналул ва мурадрал чулуха классраву лахьхьайминнучIан гьансса, мунил кумаг байссар программалул материалдануя кIулмур куртI бан.

Классраву ва классрал кьатIув лахьхьинсса произведениярттаву бур цава ца авторнал чивчусса произведенияртту. Ми чIявумур чIумал хас бувну бур ца чIумун, ца темалун. Масала, мяйлчинур классравугу, классрал кьатIувгу лахьхьин ккаккан бувну бур А. Омаровлул, Гузунхьал ХIасаннул, ТтурчIиял, Маммадайл, М. Чариновлул, А. Алиевлул произведенияртту. Миннал произведенияртту классраву лахьхьин ккаккан бувми ва классрал кьатIув лахьхьин ккаккан бувми, мяьналул ва мурадрал чулуха кунничIан ку гьансса бур. Му бакьассагу, классраву цума унугу авторнал биографиялушал ва ганал дурмунишал учительнаша оьрчIру биялну кIул бан хьанай бакьар чIун диялсса дакъашиврийн бувну, классрал кьатIувсса буккавил дарсирай тIурча, учительнаша бюхьантIиссар авторная бикIу, произведенияелия бикIу лавхьхьумур гьарта бувну, куртI бан.

#### **4. Классрал кьатIувсса буккавил дарсирдал сакиншинна ва микку даву дачин даврил кьайдарду.**

Классрал кьатIувсса буккавил дарсирай учительнал даву дачин дайссар щала классравусса оьрчIашал. Циняв оьрчIашал зузини чIалан дикIайссар учительнан дарс дишинсса куцгу, га сакин дансса кьайдагу. ЧIяруну дарс дишайссар яларай чIалачIи дурсса куццуй:

- 1) ХьхьичIмахь;
- 2) ОьрчIал бувккумунихсса бургаву ххал дигьин кунмасса суаллу;
- 3) Лахьлахьисса произведениялийн бувсса ихтилат;
- 4) Лавхьхьумур учительнал оьрчIашал жям баву.

БувчIайсса зад бур, ялув чIалачIисса схемалия учитель произведениялул хасиятрах, журулух урувгун, тинай, шиная хьунгу бучIишиву. Агарда дарсирай ххал бигьлай бухьурча оьрчIан хьхьичIавагу ххуйну кIулсса чичу, му чIумал

хъхъичІмахъ личІину аьркин къашайссар, дарс сакин даву учительнаща даххана дан бюхъайссар оьрчІан кІулмур ва миннал гъира хІисавравун лавсун, амма чІяруми дарсеру цирда ларай чІалачІи дурсса журалийри дишайсса.

БацІанну дарсирал гъарца шачІанттуй. ХъхъичІмахъ чІявумур чІумал учительнахъри бикІайсса, мунил кумаг байссар лахълахъисса произведениялул мяъна куртІну дурчІин. Цила мурадрах бурувгун, чІявумур чІумал, му чичул оьрмулия ва мунал дурмуниясса ихтилатри бикІайсса. Ихтилат хІадур байни, учительнал личІи байссар оьрчІан лахълансса произведениялул гъанусса мяъна дурчІин дан кунмасса кІанттурду. Чичул оьрмулуя бусласисса ихтилат бикІан аьркинссар оьрчІал оьрмулук бурувгун, гайннаща цахъва бусласимур бувчІин бюхъан кунмасса. Ца-ца чІумал гъану бикІайссар оьрчІахъ чичул оьрмулувасса, хІакъину хъусса, дуклаки оьрчІан ххуй бизансса кунмасса кІанттурдугу бусаварча.

ЧІявуми лакрал бикІу, цайми миллатирттал чичултрал биографияртту бикІу, литературалул хрестоматиярдай, миннал цала чивчусса, луттирачІансса хъхъичІмукъуву буллуну буссар.

Биографиялул бутІа, ягу щала произведение лахъланнин хъхъичІ учительнал буккирча ягу бусарча, мунил оьрчІру произведение вив итабакъаврин хІадур байссар. Цаппара произведениярдачІан буллусса хъхъичІмукъул оьрчІан произведение буккин ва вив итабакъин кумаг байссар, мукунма хъхъичІмахъ букваву произведение лахъланнинсса хъхъичІмукъун ккалли бан бучІиссар. ЧІявумур чІумал, хъхъичІмукъуву, учительнал бусайссар га произведение чивчусса чІумуя, чІумун хасъсса личІи-личІисса ахІвалданул инсантурал хасиятирттая, произведениялуву хъанахъисса иширттая.

ХъхъичІмукъуву учительнаща бюхъайссар бувчІин бан оьрчІан къакІулсса, произведениялул текст дуклакини захІмат бизан кунмасса махъругу.

ХъхъичІмукъул хъирив учительнал ххал бигъайссар оьрчІал хъхъичІва бувккуну бивкІсса, цІана дарсирай ххал бигълагъисса произведениялухсса оьрчІал бургаву. Му ххал бигъиншиврул учительнал оьрчІахъхъун га

произведениялуясса суаллу булайссар, суаллу хьинну пикри буну сакин байссар, оьрчIал кIулшиврул даражалух бурувгун.

Дарсирал гьанумур кIану бугьайссар бувккусса луттирайн буну бувсса ихтилатрал, ихтилат оьрчIан ххуй бизанну гьайссанр агарда суаллу тIайлану, произведениялул гьанусса мяна дурчIин данну, гьуртту хьанакъиминнан лайкьсса кьимат бищунну бивхьуну бухьурча.

Дарсирай я бурган бан аьркинссар оьрчIал оьрмулук ва миннал художественный литература дуккавил даражалух.

Дарсирал махьва махьмур бутIуву учительнал оьрчIащал лавхьхьумур жям байссар. Цала ихтилатраву учительнал оьрчIан дакIнин бичайссар произведениялул бувчIин захIматми кIанттурду, ми цIунилгу бувчIин байссар. Шиккува учительнал кьимат бищайссар оьрчIал суаллан дуллусса жавабирттан, аьркинну бухьурча гай тIайла дацIангу дайссар. Цала ихтилатраву учительнал цал ялагу кIицI лагайссар лахьлахьисса произведениялул, бувккусса луттирал ххуйми кIанттурду, аьркинну духьурча чIалачIи дайссар диялдакьашивуртту.

Классрал кьатIувсса буккавил дарсирдай ишла дайсса личIи-личIисса лахьхьин баврил кьядардаву агьамсса кIану бугьайссар пасихIну буккавил, личIи-личIисса мурад бусаврил жулардал, дакIних суаллан жаваб дулаврил, дакIнихсса сочинениярттал ва докладирттал. Вай хьанай дур дакIнихсса даврил жуларду.

ДакIнихсса дакъассагу, классрал кьатIувсса буккавил дарсирдай бувккусса произведениялийн буну чичрулул давурттугу дайссар.

Чичрулул давурттуну хьанай дур бувккумунил план чичаву, личIи буну цитатарду чичаву, чичрулий суаллан жавабру дулаву, изложенияртту даву, бувккумунил кутIасса мурад чичаву.

Классрал кьатIувсса буккавил дарсирай яла чIяруну ишла дайсса даврил жура ялагу хьанай дур пасихIну, бюхханну буккаву.

Классрал кьатIув буккайсса произведениярду оьрчIал ччянива бувккун бивкIун бухьукун, гайннан текст шала дакIнийгу кьадикIайссар, мунияту учительнал ччянива хIадур бан аьркинссар бюхханну буккинсса бутIри, ми

бутІри цивпагу бучІссар тарихрашал бавхІусса ягу цума унугу геройнал хасиятран кьимат бишлайсса бухьурча.

ЧЯвуну, дуклакиминнан ххуй кьабивзсса произведенияртту учительнал пасихІсса буккавил, гайннул чулунмайсса асар чІунийну ккаккан баврил, ххира байссар. Агарда буккуща цала буклакимунил мурад, мяьна чІунийну дурчІин дан бюхълай бухьурча, му буккаву бачІва яруннийну буккавунияр цукссагу хьинссар.

Произведениялул хьирив лаявил дайдихъулий текст ккалаккини, оьрчІая тІалав дайссар пикри бувсса буккаву. ПасихІну, бюхханну буккайни тІурча, му пикри баву хьиннура тІалав дан аьркинссар, цанчирча, пасихІсса буккавил хІадур байни, произведениялул гьанусса мяьнагу, сакиншиннагу, мазгу ххал бивгьуну буну тІий. Бюхханну, пасихІну буккавил бюхъу бусса чІумал, оьрчІру буклакимунил пикри буллан бикІайссар, бувккумур гайннан бигьану бувчІайссар ва га произведение асар шайссар. Мунишала архІал дуклакиминнал мазгу итххяххайссар. Текстрал хьирив лаллалини, пасихІну буклакини, оьрчІан лакку мазраву ишла дайсса калимарду дакІий личІайссар, маз авадан шайссар, миннал гьалгьа мяьна дусса ва пасихІсса бикІайссар.

ЧЯвумий дуклаки оьрчІал буккаву дикІай ца чІунийнусса, бизарсса, я мурад, я гьанусса мяьна дурчІаврин цичІав кумаг кьабуллалисса. Му бакьассагу буклай бикІай кьухьнану, махьру баччан буллай, букьавчІинну.

ОьрчІан мудан дакІний бикІан аьркинссар цала буккаву мудангу тІайласса, бувчІинсса, пасихІсса дикІан аьркиншиву.

Цири оьрчІан кІулу бикІан аьркинсса пасихІну буккавил усттаршивруя?

ПасихІну буккавил яла агьанмур бутІану хьанакьиссар оьрчІаша чІунил кумаграйну личІи-личІисса пикридал ва асардал жуларду ккаккан бан бюхъаву.

ОьрчІан пасихІну буккин лахьхьин баншиврул хьун бакьасса произведение ягу мунил бутІа ласун аьркинссар. Гьанусса мяьна дурчІиншиврул текст оьрчІахь цавува цала дуккин байссар, яла ххал бигьайссар

га буккинсса чІунил жура. Буклакима, чІунил журалийну, произведениялувусса пашмансса асардугу, дакІнихтунусса хъяхъавугу, шадсса макъугу ккаккан дан бюхълай икІан аьркинссар. Тари дурну хъинсса классрал къатІувсса буккаврил дарсирай пасихІсса буккаву, произведениялул хъирив лаяннин ягу хъирив лавну махъ.

Произведение дахъва лахълай байбивхъусса чІумал, оьрчІаша кІанийн дагъсса буккаву дан къашайссар. ПасихІсса буккаву, произведение ххал бигълагъисса чІумал, ягу ххал бивгъуну махъ дарча къулайну хъунтІиссар.

Дуклаки оьрчІан кІулну дикІан аьркинссар призведениялул аьмсса мяьна, сипатру, сакиншинна, буккаврил анаваршиврул даража.

Дуккаврил шинал ахирданийнин, оьрчІал буккаврил даража лавай хъуну, маз пасихІ хъуну бикІан аьркинссар.

Миннан му чІумал бувчІуну бикІан аьркинссар пикри бувсса, аьркинсса куццуй, гъарца чичрулул лишаннай бацІлай дурсса бюхттулсса (лахъсса) буккаву, пасихІсса буккаву хъанай душиву.

ПасихІну буккин лахъхъин баврил ялувсса даву дуллан аьркинссар хъхъичІра хІадур дурсса пландалийн бувну. Асар хъунну буккинсса хаварду ва назмурду учительнал ччянира личІи дурну, хІадур дайссар, гай цирдагу оьрчІан асар биян бансса, маз магьир бансса дикІан аьркинссар.

Классрал къатІувсса буккаврил дарсирай литературалул произведение ххал бигъайни, цимилагу кІура баян багъай ганил мурадрачІан. Ва чІумаллив ишла дан багъай гъануми лакрал литературалул дарсирдай ишла дайсса, личІи-личІисса журалул мурад бусавуртту.

Дянивми классирттаву ишла дай текстрачІан гъансса, кутІа дурсса, цумур бунугу язи бувгъуну, личІи бувсса бутІул мурад бусавуртту. Вай цинярдагу журалул мурад бусавуртту даншиврул, цила багъайкунсса хІадуршин дикІан аьркинссар – текст цавура цала дуккин, лахъну дуккин, бувккумунил план сакин дан, захІматсса махъру ва калимартту дакІний дитансса хІарачат бан. Текстрал мурад бусаврил циняр жуарду ишла дайссар цирда литературалул

дарсирдайгу, классрал къатІувсса буккаврил дарсирдайгу, классрал къатІувсса буккаврил дарсирдайгу произведение лахъхъаврил циняв шачІунттай.

### **5. Классрал къатІувсса буккаврий каялувшиву даву.**

ОърчІру тарбия бан ишла дайсса личІи-личІисса давурттал кумаграйну, ми цайнува цала пикри бувсса буккаврихун багъну, цайнува цала ххуйсса лу личІи бувну, цила багъайкун ганил мурадгу бувчІуну, произведениелуву хъанахъимунил миннан асар биян бувну бухъурча – му тІайлабацІулун ккалли бан бучІиссар.

Махъсса шиннардий, жула халкъуннал маэшат ссуссукуъу хъуну, оърму бутан захІмат хъуну бухъурчагу, газетру, луттирду, журналлу букъачІайсса кулпатру чанну бур, чІявуминначІа шаппа бур цала библиотекартту, бур библиотекартту шярваллил кІанттурдай, райцентрдай, оърчІру дуклакисса школарттай. Амма оърчІал цайнува цала буккаврил даража тІурча, хъинну лагъсса бур. ОърчІал цайнура цала дурккумур ххал дуллалисса чІумал, чІалай бур, миннал буккаврихсса гъира багъайсса даражалийн биян бувашиву, бувккумунил мурад ва мягнагу миннан багъайсса куццуй дурчІлай дакъашиву. Ва иш, тагъар хъунадакълай дур чІявуми лакрал районнай яхъанахъисса дуклаки оърчІачІа, мунияту цин лавхъхъусса асар биян буллай бур миннал тарбиялийн.

ОърчІру цайнура цала художественный литература дуклансса даражалийн бичин дайсса давуртту лакрал чІявуми школарттай хІурану дур ва му оърмулул тІалавшин дуллалисса тагъарданин диян архру. ЧІявуми дуклаки оърчІан цанна кІулну дакъар дуклан аьркинмур, буклай бур бири-биривсса луттирду.

Мяйлчинмур классрал дуклаки оърчІал буккаврил хъирив лаяврил чІалачІи буллай бур миннал лакрал литературалух къулагъас дакъашиву, буккайнигу шеъриний чивчусса ва драмалул произведениярттах бакІ дугълай бакъашиву. Буккаврил даража, буккаврил чулухунмайсса бургаву личІи-личІисса школарттай ва личІи-личІисса классирттаву ца лавхъхъусса бакъар.

Чявумур чІумал оьрчІал ми бюхъурду литературалул дарс дишайсса учительнал даврия хъар хъанай дур. Цала даврил хІал кІулсса, литературалул дарсру дишайсса, учительтурал маслихІат буллай бур оьрчІан цайнува цивппа гъира бутансса цаппара къяйдарду.

ОьрчІан буккаврихсса гъира бутаншиврул факультативный занятиярттай учительнал маслихІат байссар, буккин лахълахъисса авторнал цаймигу оьрчІан ххуй бизан кунмасса произведенияртту. Масала, Ттурчиял Маммадайл «Баргъ бивунни сундаров», Ккурккуллал Щаза «Зайдилов МахІаммадлугъаса зума», С. Гъабиев «ХІатталлив», Гъ Саэдов «Зунттаву къунттал дянив» назмурдащал оьрчІру кІул буллалени, оьрчІан чичул творчестволуя кІулмур гъарта баву мурадрай маслихІат байссар буккин вайннала цайми произведениярттугу. Бусайссар чичулт вай назмурдаву шаэртурал Лакку кІанттухсса ччаву, кІанил тарихрахсса, миллатрахсса ччаву, кІикку инсантурал дуллалимунил чулухунмайсса хІурмат чІалачІи буллай ушиву.

ОьрчІан буккаврихсса гъира бутаврил дур цамургу жура – дарсирдащал ва микку дайсса давурттащал дахІаву дакъассагу учительнал цала бувккумур оьрчІан ххуй бизанну бусаву. ОьрчІахъ, цанма бувккуну ххуй бивзсса луттирдая ва миннул биян бувсса асардануя учительнаща бюхъайссар бусан дарсирай, переменалий, оьрчІащал экскурсиялий лавгсса кІанай. ОьрчІан луттирдах гъира бутангу, цала бувккумур оьрчІан ххуй бизанну бусангу, учитель цал цува ххуйсса буккуну икІан аьркинссар – ва хъанакъиссар литература дишайсса учительнаясса хъхъичІра-хъхъичІсса тІалавшинна.

Классрал къатІувсса буккаврий каялувшиву даву мурадрай, учительнан аьркинссар оьрчІан буккин маслихІат буллалисса луттирдал сияхІ классраву, чІалачІисса кІанай лахъан. БучІиссар лахъан «ЦІусса луттирду» тІисса плакатгу, муний чичайссар луттиран цІа, мунил кутІасса мурад, му цуппагу учительнаща бюхъайссар ккаккан бан классрал хъхъичІ.

Литература дишайсса учительнал кумагчину икІан аьркинссар библиотекаръ. Му сакин дуллай икІан аьркинссар чІун-чІумуй цІуну бувксса луттирдал выставка.

Хъунмасса мюнпат буссар дуклаки оърчІал дянива луттирду буккин ххирасса оърчІру личІи буну, миннал кумаграйну буккайминнал аьдад хъун дарча. Буккин ххираминнал группалул дуллансса даврин ца агъанмур журану бучІиссар ккалли дан миннал цала бувккусса луттирдая кутІасса мурад чивчуну, классрал чІирай лахъаву, мунил оърчІру буккаврийн кІункІу бантІиссар.

Литературалул дарс дишайсса учительнан, оърчІал буккавил даража гъаз баву мурадрай дачІи шинал мутгалий кІила-шамила миннан кІулмур ххал бигъайсса классрал къатІувсса буккавил дарс дайссар.

Гъарца дуклаки оърчІал кутІану цала бувккумуния, цанма ххуй бивзмуния бусайссар. Учителнал бусайссар цанма агъамну чІалачІисса призведениярдал. Ахирданий учитель ацІайссар оърчІан уттигу кІул хъун аьркинсса агъамсса луттирдай.

## **6. Библиотекалул даву ва библиографиялиясса кІулшиву ласун кумаг бансса давуртту.**

ЦІанакулсса оьрму баххана хъуну бунугу, чІявуми инсантурал луттирахсса къулагъас чан хъуну дунугу, инсаннал оьрмулугу луттирал бугъайсса кІану хъинну агъамсса бушиву – му щак бакъасса зат хъанай бур. Мунияту учительтурал, аьлимтурал, чичултрал, критиктурал, библиотекартурал я бурган бан аьркинссар оърчІру тарбия бавриву луттирал бугълагъисса кІанттух ва миннул биялалух. Хъуннасса агъамшиву дуссар оърчІан луттиращал зана-къала хъун лахъхъин баврих, луттирал справочный аппарат ишла бан лахъхъин баврих гъарца къини оърчІру луттирачІан кІункІу тІунсса хасият хъун даврих, луттирдащал бакъа газет-журналлащал зун лахъхъин баврих.

Гъарцагу школа къуртал буллалисса оърчІан кІулну бикІан аьркинссар луттирал сакиншинна ялтгутува бурувгун мунил мурад кІул бан, цайнува цала библиотекалаву цанма аьркинсса лу лякьин.



Ва даву оърчашал лахъхъаврий каялувшиву дан аьркинссар литературалул дарс дишайсса учительнал, школалийсса, шяравусса библиотекарттай зузиминнал.

ОьрчІан луттирдая, ми сакин баврия, тарихрая, га итабакьин хІадур бавриясса кІулшиву ялавайми классирттавар дуллай байбишайсса.

Мяйлчинмур классравусса оьрчІашал ялавайми классраву лавхъхъумур куртІ байссар, миннан библиографиялуясса кІулшиву дулайссар, справочный аппарат ишла бан лахъхъин байссар, ва мукулма лахъхъин байссар библиографиялул сияхІру ишла дурну, цанна аьркинсса литература лякьин.

Лавайми классирттаву дуклакисса оьрчІаша цанна аьркин дансса литература мюрщиминнансса ва хъуниминнансса библиотекарттаву лякьин бюхълай икІан аьркинссар.

## **7. Литературалул кружок.**

Школалийсса литературалул кружокраву чІявуну гьуртту шайссар лавайми классирттаву дуклакисса оьрчІру.

Литературалул кружокравусса даврил оьрчІал гьира цукунсса произведениярттах бурив кІул бан кумаг байссар, мазрал чулухуннайсса кІулши шаврин, оьрчІавусса гьунардун итххяххан баврин мадарасса кумаг байссар.

Кружокраву цачІун байссар ца классравусса, ягу ганищала архІалсса классирттавусса оьрчІру. Кружокрал даврил чул бишлашиссар оьрчІал бюхъулийн, гьунардануйн, гьирарайн. Цайнура цала дуллалисса даврил жура личІий дурну, цува рязину кружокрал давривух гьуртту шаврил, оьрчІал давривух гьансса гьира гьаз байссар.

Кружокрал даврил гьанусса мурад – оьрчІан цайнура цала даву бакІрайн ласун кумаг баву ва миннавусса гьунардун ялун личин баву хъанахъиссар.

Каялувшиву дуллалиминнал кружокрал гьарца членнахъхъун ганал бюхъулуха лархъхъусса даву дулаван аьркинссар. Так му чІумалли оьрчІал гьунар ялун личин бан кумаг хъунтІисса.

Кружокрал план най бунува дачИи шинайсса хІадур дайссар, гьуртту хъанахъими зуруй кІила-шамила батІинсса куццуй.

Махъра-махъсса батІаву оьрчІан лавхъхъумур жям баврин хас дайссар. Кружокрал члентал бавтІминнал хъхъичІун буккан бюхъайссанр хъун бакъасса пьесалушал, концертрашал, цайми личІи-личІисса даврил журадашал. Литературалул кружокраву гьуртту хъанахъими библиотекарнал, литературалул дарс дишайсса учительнал хъхъичІунсса кумагчиталну хъанахъиссар. Миннал оьрчІру лакку мазрай чивчусса луттирдашал кІул байссар, классрал къатІувсса букваву сакин даврин кумаг байссар.

Буккултрал кружокрал агъамсса дауну хъанахъиссар, программалувун букъавхсса произведенияртту букваву ва миннул хъирив лаяву. Ми произведенияртту оьрчІал буккайссар занятиярдай ягу шаппа.

Занятиярттай байсса литературный тІуркІурдал (викторинарттал, литературалул лото, цумур-дунугу темалун хас бувсса учалартту, бусалартту батІаврил) тІабиаьтрал, лагма-ялттумунил, инсантурал оьрмулул хъирив бацІаву дурну, чивчусса хавардал оьрчІру, чантІ учин бувну, итххяххан байссар.

Ва кружокрал дауну ялагу хъанахъиссар литературалун хас дурсса вечерду ва утренникру даву, ми вечердай, утренникирттай выставкарду даву, чІирал газетру итабакъаву, альбомру хІадур баву.

Къулайну хъунтІиссар агар хъхъичІисса дарсру хас дарча «Ттун ххуй бизайсса луттирду» «Ттун ххирасса лакрал чичу» ва м.ц. темардан.

Кружокрал давривун духлахиссар республикалийсса чичултрашалсса хъунабакъавуртту сакин даву. ЧІяруну кружокрал заседаниярттал ххал дигъайссар гьуртту хъанахъиминнал чІирал газетрайн чирчусса макъалартту, цала ляхъан дурсса назмурду, хаварду. Ххуйми материаллу чІирал газетрай, ягу кружокрал альбомрай рищайссар.

## **8. Литературалул кружокрай цала улча ва мунил лавгмур лахъхъаву.**

Классрал кьатIув дайсса даврил журадаву агьамсса кIану бугьлай бур улча лахьхьаврил. Тарбия баву ва за лахьхьин баву оьрмулучIан гьан бансса куццух луглай, учительнан цIунил ва цIунил зана бикIан багьай цивппа яхьанахьисса кIанттул тарихрачIан, оьрмулучIан, тIабиаьтрачIан. Мунияту учительнан экскурсияттал ва цаймигу улча лахьхьаврин хас дурсса материаллал кумаграйну оьрчIан литературалуя кIулмур гьарта буллан багьай.

Лакрал литературалуцIун бавхIуну цала кIану лахьхьаву му хьанай дур классрал кьатIув дайсса давурттал яла захIматмур.

Мивун духлай дур фольклорданул произведениярдацIун бавхIусса историялул памятникиртташал оьрчIру кIул баву ва цала кIанттул чичултрал оьрмулушал ва дурмунишал дарсирдайнйя гьарза-гьартану оьрчIру кIул баву.

Укунсса кIулшивуртту дулаву мурадрай учительнал кружокраву гьуртту хьанахьисса оьрчIру за кIулсса инсантурашал хьунабакьин бувну, архивирттаву яхьусса документиртташал, газетиртташал, журналлашал кIул бувну, фольклордануву ва чичул произведениярдаву чIалачIи бувсса ишру хьусса кIанттурдайн походрайн, экскурсиярдайн буцирча ххуйну хьунтIиссар.

Цала кIанттуя, ганил лавгмуния, микку ляхьхьусса чичултрая, гайннал дурмуния, хьхьичIава цала улклуй хьанай бивкIсса иширттая кIулмур гьарта бан ччисса оьрчIру литературалул кружокравун буххайссар.

Лакрал цаппара школарттайгу дур цала историялуцIун, фольклордануцIун, чичултрал дурмуницIун дархIусса материаллу.

Вайннул кумаграйну, лакрал литература дихьлахьисса учительтурал оьрчIан кIулмур гьарта буллай бур, миннан личIи-личIисса чIуннардий хьанай бивкIсса иширттал хьирив лаянсса гьира бутлай бур.

Кружокрал члентуран, литературалул хрестоматиялий чивчумурнияр ххишаласса материал учительнал цала дулайссар, ягу дуккинсса кIану ккаккан байссар.

Цала кIанттул лавгмуния, тарихрая, халкьуннал дакIнихсса творчестволуя кIулмур авадан бавришал архIал оьрчIан произведениярдаву чIалачIи бувмунин, тарихраву хьанай бивкIмунин кьимат бишлан лахьхьайссар.

Фольклорданул произведениярттаву, магъраву, лахъи балайрдаву, учаларттаву, бусаларттаву чӀалачӀи увну ур хӀакъсса инсан-зузала, буттал кӀану душманная буручлачисса виричу, цала халкъ ва ватан ххирасса инсан укунсса хасиятрал лишанначӀан кӀункӀу тӀий икӀан багълай ур оърмулул ххуллу байбихълахъисса инсан.

Вай произведениярттангу багъайсса къимат бивщуну, шивусса вирттаврал ххуйми хасиятру дуклаки оърчӀаву тарбия давриву цин лавхъхъусса кӀану бугълай бур литературалул краеведениялул кружокрал.

Улча лахъхъаврицӀун дархӀусса давурттаву агъамсса кӀану бугълай бур лув кӀицӀ лаглагисса даврил жулардал:

- а) Цала райондалул оърмулул личӀи-личӀисса чулляясса, чичрулул давуртту дайни ишла дан куннасса материал оърчӀал цайнура цала датӀаву;
- б) Лакрал чичултрашалсса хъунабакъавуртту;
- в) Чичул оърмулуцӀун, ягу даврицӀун бавхӀусса кӀанайн экскурсия баву;
- г) Чичултрал цала ватандалун хас бувну чивчусса произведенияртту лахъхъаву.

Вай укунсса давурттавух оърчӀру шавкъирай хӀала буххайссар, миннул гайннан цала Буттал кӀанугу, миллатгу ххира хъун бан кумаг байссар.

## **9. Литературалул кабинет.**

Гъарца предметран цинма хасъсса кабинетраву дарсру дишаву школалул оърмулувун цӀакъну бувххуну бур. Школарттай цин лавхъхъусса, кабинетирттаву дарсру дишаврил опыт сакин хъуну бур. ЧӀявуми школарттай литературалул ва мазрал дарсру дишай ца кабинетраву.

Кабинет – му хъанай бур дарс дишайсса класс-лаборатория ва учительнансса лаборатория, мунал цала чӀалачӀи пособия, методикалул пособия, классрал къатӀувсса оърчӀашал цацаралусса даву, стенгазета итабакъаву – гъарзад дайссар ва кабинетраву.

Литературалул кабинетрал чӀирттай лахъайссар лакрал писательтурал портретру, миннал мазрая тӀий бивкӀмур. Гъарцагу классраву буссар кабинет

оформить бан кумаг бувансса оьрчІру. Миннал кумаграйну хІадур байссар чІалачІи пособия цукунсса дунугу темардан хас дурсса выставкарду.

Литературалул дарсирай яла ишла баймур ярагъ бур лу.

Кабинетравусса хъун бакъасса библиотека сакин байссар оьрчІал дарсирай ва классрал къатІувсса давурттай ишла байсса луттирдая. Вай луттирдай бикІайссар программалий лахъхъин ккаккан бувсса произведенияртту. Кабинетраву бикІан аьркинссар методикалул журналлу: «Литература в школе», оьрчІансса журнал «ЧІавалачин», литературно-художественный журнал «Цубарз», журнал «Зунттал хъами» ва мукунна лакку мазрай итадаркъсса критический литература.

Кабинетраву бикІан аьркинссар лакку мазрайсса орфографиялул словарь, лакку мазрал ва оьрус мазрал словарь ва мукунна кабинетраву бикІан аьркинссар писательтурал союзрал справочник, писательтурал оьрмулуя ва дурмуния чивчусса луттирду.